

STENOGRAM
32. RADNE SJEDNICE SKUPŠTINE KANTONA SARAJEVO
ODRŽANE U UTORAK, 05.01.2021. GODINE SA POČETKOM RADA U
10,00 SATI (ONLINE)

Predsjedavajući Elvedin Okerić (u daljem tekstu predsjedavajući):

Pozdravljam uvažene kolegice i kolege zastupnike, članove Vlade i sve koji prate rad današnje sjednice.

Svima nama želim uspješan rad i ugodnu radnu atmosferu.

Otvaram 32. Radnu sjednicu Skupštine Kantona Sarajevo.

ONLINE sjednici prisustvuje svi zastupnici što je dovoljan broj za punovažan rad i odlučivanje.

Izostanak sa ove današnje Radne sjednice nije niko pravdao.

Prijedlog dnevnog reda 30. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 24.12.2020.godine.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 32. Radne sjednice, glasi:

1. Poslanička/zastupnička pitanja inicijative i odgovori;
2. Prijedlog odluke o potvrđivanju Vlade Kantona Sarajevo.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Zaključujem glasanje.

ZA JE GLASALO 32 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA ZA 32. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Evo imamo poslovničku intervenciju. Uvažena zastupnica Kristić, izvolite.

Dopredsjedavajuća Danijela Kristić:

Zahvaljujem predsjedavajući. Pozdravljam sve prisutne kao i gledaoce kraj malih ekrana. Obzirom na današnjem dnevnom redu da se nalazi veoma bitna tačka, tj. Prijedlog odluke o potvrđivanju Vlade Kantona Sarajevo, ja predlažem da se Poslanička, zastupnička pitanja i inicijativa i odgovori razmatra kao tačka 2. a kao tačka 1 da se razmatra Prijedlog odluke o potvrđivanju Vlade Kantona Sarajevo. Molim vas predsjedavajući da ovo stavite na glasanje. Hvala.

Predsjedavajući:

Zahvaljujem dopredsjedavajuća Kristić. Evo prijedlog zastupnice Kristić stavljamo na glasanje, da zamijenimo dvije tačke dnevnog reda.

Zaključujem glasanje. Konstatujem da je ZA glasalo 31 zastupnik, 2 zastupnika su SUZDRŽANA i PROTIV nema niko.

Konstatujem da smo izvršili zamjenu ove dvije tačke dnevnog reda.

Prije nego što pređemo na realizaciju prve tačke dnevnog reda obavezni smo da razmatramo zapisnike sa stenogramima sa 27. i 28. Radne sjednice, koji vam dostavljen uz poziv za sjednicu.

Ima li primjedbi na dostavljene zapisnike?

a)

Molim vas da se izjasnite o Zapisniku sa 27. Radne sjednice Skupštine Kantona Sarajevo.

Zaključujem glasanje.

ZA JE GLASALO 30 ZASTUPNIKA, PROTIV ništa I SUZDRŽAN 1.

Konstatujem da je Skupština potvrdila Zapisnik sa 27. Radne sjednice Skupštine Kantona Sarajevo održane 28.07., 27.08. i 05.10.2020. godine.

b)

Molim vas da se izjasnite o Zapisniku sa 28. Radne sjednice Skupštine Kantona Sarajevo. Zaključujem glasanje.

ZA JE GLASALO 30, PROTIV ništa I SUZDRŽANO 1.

Konstatujem da je Skupština potvrdila Zapisnik sa 28. Radne sjednice Skupštine Kantona Sarajevo održane 20.08. i 25.08.2020. godine.

Prelazimo na realizaciju dnevnog reda.

AD – 2.

PRIJEDLOG ODLUKE O POTVRĐIVANJU VLADE KANTONA SARAJEVO

Prijedlog navede Odluke i biografije kandidata ste dobili uz poziv za sjednicu. Molim predstavnika Predlagača da podnese uvodne napomene.

Dopredsjedavajuća Danijela Kristić:

Zahvaljujem predsjedavajući. Dana 24.12.2020.godine održana je 35. sjednica Komisije za izbor i imenovanje i administrativna pitanja. Jedna od tačaka dnevnog reda bila je Prijedlog Odluke o potvrđivanju Vlade Kantona Sarajevo. Na istoj sjednici je jednoglasno usvojen Prijedlog ove odluke. Tako da na osnovu člana 37. Poslovnika Skupštine Kantona Sarajevo Komisija za izbor i imenovanja i administrativna pitanja na sjednici održanoj 24.12.2020.godine donijela je Odluku o potvrđivanju Vlade Kantona Sarajevo.

I

Potvrđuje se Vlada Kantona Sarajevo u sastavu:

Edin Forto premijer

1. Admir Katica Ministarstvo unutrašnjih poslova
2. Adnan Delić Ministarstvo privrede
3. Adnan Šteta Ministarstvo saobraćaja
4. Davor Čičić Ministarstvo finansija
5. Enver Hadžiahmetović Ministarstvo komunalne privrede, infrastrukture, prostornog uređenja, građenja i zaštite okoliša
6. Haris Vranić Ministarstvo zdravstva
7. Ivana Prvulović Ministarstvo za rad, socijalnu politiku, raseljena lica i izbjeglice
8. Lejla Brčić, Ministarstvo pravde i uprave;
9. Melika Husić-Mehmedović, Ministarstvo za nauku, visoko obrazovanje i mlade;
10. Naida Hota-Muminović, Ministarstvo za odgoj i obrazovanje;
11. Omer Osmanović, Ministarstvo za boračka pitanja;
12. Samir Avdić, Ministarstvo kulture i sporta.

II

Potvrđivanjem Vlade Kantona Sarajevo, razrješava se Vlada koja je razriješena na sjednici Skupštine Kantona Sarajevo Odlukom broj: 01-04-48037/20 od 30.11.2020. godine.

Hvala.

Predsjedavajući:

Zahvaljujem dopredsjedavajuća.

Ja bih sada zamolio kandidata za premijera Kantona Sarajevo, gospodina Edina Fortu, da se obrati ovoj Skupštini, predstavi svoj Ekspoze i ukratko predstavi buduće ministre i ministrice u Vladi Kantona Sarajevo. Izvolite, imate riječ Edine.

Kandidat za premijera Edin Forto:

Dobar dan svima. Uvaženo rukovodstvo Skupštine, poštovane zastupnice i zastupnici, i predstavnici medija koji pratite ovu sjednicu. Ja se prije svega želim zahvaliti predsjedavajućem Skupštine Kantona Sarajevo i njegovim zamjenicima na ukazanoj prilici da danas u jednom kraćem Ekspozeu objasnim principe djelovanja i prioritete Vlade Kantona Sarajevo u naredne dvije godine. Želim vam opisati proces do kojeg je došlo do ovog programa kojeg će Vlada slijediti naredne dvije godine. Poučenim odličnim iskustvima nakon izbora 2018.godine politički subjekti i samostalni zastupnici koji su odlučili formirati novu većinu u Skupštini Kantona Sarajevo u jednim konstruktivnim i civilizovanim pregovorima došli su do zajedničkog programa koji je jednim dijelom zasnovan na principima i mjerama Vlade koja je imenovana 2018 godine. Proces je ponovljen jer se pokazao da je to ono što građani žele i očekuju a to je da se politički subjekti i stranke i predstavnici građana u Skupštini trebaju okupiti oko programa i vrlo jasnih mjera i vizije razvoja Kantona Sarajevo umjesto dosadašnje prakse matematičkih koalicija, u kojem se suštinski sve svodilo na raspodjelu ne samo resora već na raspodjelu utjecaja u kantonalnim firmama institucija itd. Imajući u vidu ovu novu praksu koju smo upravo i jedan dio ovi koji sjede danas ovdje koji smo započeli prije nešto više od dvije godine, taj proces smo ponovili i došli smo do ovog programa. Kao i prošli put, usaglasili smo se oko sporazuma o prioritetima skupštinske većine. I taj sporazum u cijelosti je sastavni dio kao Aneks Ekspozeu koji sam dostavio predsjedavajućem Skupštine i vjerujem da ga vi imate pred sobom, poštovane zastupnice i zastupnici. Kao uvod ću samo reći kratku riječ: ova godina je bila toliko specifična i teška da ne trebamo se takmičiti u tome ko je kako podnio šokantno nove okolnosti u kojima svi radimo. Svi resori i u predstojećoj Vladi su bili potpuno izvrnuti naopačke u susretu sa jednom pandemijom koja jednostavno je zadesila cijeli svijet u kojem smo mi pokušavali i kao građani i svaka Vlada koja se s tim susrela da se bori na najbolji način kako znaju. Ja danas neću iznositi prigovor šta je mogli bolje u prethodnom sazivu Vlade, ali želim reći da je borba protiv pandemije, posebno protiv zdravstvenih, ekonomskih i socijalnih posljedica ove pandemije to će biti u fokusu Vlade koju predstavljamo. Ja bih sada prošao po resorima kroz neke osnovne stvari koje bi voljeli naznačiti mi svi zajedno danas, koje će biti glavni cilj našeg djelovanja u naredne dvije godine. Nešto što je interesorno i što će biti sastavni dio rada cijele Vlade, će biti ustvari hitne mjere koje su odgovor na posljedica izazvane pandemijom. Naš zdravstveni sistem kao neki prvi front borbe protiv pandemije je odgovorio na različite načine. Posebno bih htio naglasiti da u primarnoj zdravstvenoj mreži zdravstveni sistem je mogao mnogo bolje zadovoljiti potrebe građana, naših osiguranika koji s pravom traže zdravstvenu zaštitu. Unapređenje rada institucija posebno u primarnom zdravstvenom sektoru će biti naš fokus. Posljedice ekonomske pandemije koja nas je zadesila, posebno činjenice da su u velikom broju biznisa bio je zabranjen rad. Pri tom ti biznisi nisu ništa učinili sami od sebe da bi im bio zabranjen rad. Ovo je bila jednostavno jedna objektivna okolnost. Ali nakon zabrane rada mnoga radna mjesta su ugrožena zabranom rada, zaustavljena je ekonomska aktivnost u jednom dobrom dijelu 2020 godine. I kao posljedica toga, mi ćemo tek sljedeće godine, tačnije ove godine, sljedeće sezone mi ćemo vidjeti koliko smo ustvari pogođeni ekonomski ovom krizom i pandemijom. Budžeti po nekim procjenama će biti značajno slabije popunjeni. Pominje se, ja sam već u nekim medijskim nastupima govorio o 150 miliona KM manjem budžetu. Ali postoje neke procjene koje govore da je taj iznos daleko veći i da će biti između 200 i 250 miliona KM. Kako nadoknaditi novac koji ne postoji u budžetu jer je bila

zaustavljena ekonomska aktivnost? Kako spasiti postojeća radna mjesta i kako pomoći firmama, ne samo da prežive nego i da rastu? Poučeni iskustvom ekonomske krize od prije desetak godina, BiH sporije upada u krizu jer ima veliku administraciju koja se hrani sa budžeta, ali daleko sporije od ostalih država od najnaprednijih država u Europi daleko sporije izlazi iz krize jer sporo reaguje i privatni sektor puno mu je teže da se oporavi jer je ova država do sada uvijek bila fokusirana na radna mjesta na budžetu a vrlo slabo fokusirana na radna mjesta u privatnom sektoru. Ova Vlada će jedan od zadataka imati da u ovoj godini obrati pažnju na privatni sektor kako bi spasili radna mjesta, pokrenuli ekonomsku aktivnosti vratili novce u budžet u narednom periodu, kako bi onda mogli unaprijediti sve ono što se od nas očekuje, zdravstvo, školstvo, policija, sve ono što se radi iz budžeta koji se ne može napuniti bez aktivnosti privatnog sektora. Ako nam zafale neka sredstva za ovu namjenu ova Vlada neće imati strah da se zaduži i da uloži novac u ekonomski oporavak. Još jedna mjera koja je vrlo bitna kao odgovor na pandemiju, mjere koje očekujemo u obrazovnom sistemu. Pandemija još uvijek traje i imaju u vidu na reakciju viših nivoa vlasti mi ćemo vjerovatno biti označeni pandemijom cijelu godinu, i obrazovni sistem će morati da uspostavi način efikasnog i sigurnog održavanja nastave na svim nivoima obrazovanja, od predškolskog do visokog obrazovanja. U Ministarstvu finansija fokus će biti ne samo na odgovoru na pandemiju, ja ostatak Ekspozea ću govoriti o mjerama koje svakako idu bez obzira na pandemiju. Ministarstvo finansija je mjesto gdje se rade značajne reforme u finansijskoj konsolidaciji Kantona. Digitalizacija će biti prioritet i upravljanje finansija na transparentniji način nego što je to bilo do sada. Posebno je bitno da ćemo imati javne registre dugovanja, što do sad nije bio slučaj. Svaka institucija, svaka kantonalna firma će znati koliko je ko dužan, u cijelom Kantonu, koliko je kreditno zadužen, i kakva im je solventnost. To će biti zadatak ministra finansija. Iz Ministarstva kulture i sporta ono što je bitno da se uravnoteži pristup projektima kulture i sporta koji su vrlo različiti sektori u istom resoru. Izazov novog ministra će biti da ujednači po vrlo vidljivim i jasnim kriterijima način na koji će se finansirati dobre stvari i u javnim ustanovama od kojih je naš kulturni sektor sastavljen, 13 JU iz oblasti kulture, ali i dobrim sportskim projektima uključujući podrške sportskim društvima i klubovima od značaja za Kanton Sarajevo. Ministarstvo pravde i uprave. U prvom dijelu mandata ovo je bilo Ministarstvo koje je bilo front naše borbe protiv korupcije i naše borbe za transparentnost i vidljivost našeg rada. Ova će Vlada nastaviti to i bit će otvorena i vama zastupnicima ali i medijima i građanima da sve što budemo radili bude vidljivo i lako provjerljivo. Ovo ministarstvo će u tom smjeru predložiti Zakon o borbi protiv nepotizma i stranačkog zapošljavanja. Donijet ćemo Zakon koji će zabraniti zapošljavanje bliže rodbine, izabranih zastupnika, imenovanih lica. To će biti presedan u BiH i to će biti opet nešto o čemu se regionalno priča. Gdje mi sami, imajući u vidu javnost našeg rada, imajući u vidu da je javni interes važniji od našeg privatnog interesa, gdje ćemo sami sebi ograničiti u smislu utjecaja koji možemo proizvesti sa pozicija na kojima se nalazimo. Također jedan od izazova ovog Ministarstva će biti da kroz široku javnu raspravu, kroz veliki široki stručni pristup pripremi Zakon kojim će se napokon ujednačiti rad u svim kantonalnim firmama i ustanovama. Za one koji to ne znaju, jedan administrativni radnik u jednom sektoru, npr u zdravstvenom sektoru nema istu platu kao isti taj administrativni radnik sa istim kvalifikacijama u socijalnom sektoru. Ili u obrazovanju ili u MUP-u. Vrlo su raznolika primanja, vrlo je raznolik način na koji se izvještaja o radu tih institucija. Mislim da je Kanton Sarajevo koji ima mislim oko 24.000 ljudi zaposlenih na budžetu, mislim da je vrijeme da se uvede pravednost u primanjima sektorima koji su na budžetu u Kantonu Sarajevo. Ovo će biti veliki izazov za ovo Ministarstvo ali vjerujem da ćemo uspjeti. Također kroz ovo Ministarstvo pravde i uprave već je pokrenut proces objedinjavanja javnih nabavki gdje možemo početi primjenjivati Uredbu o javnim nabavkama koju smo donijeli upravom dijelu našeg mandata 2019 godine, gdje ćemo izuzeti velike strateške javne nabavke iz sektora koji su do sada bili podložni utjecaju i korupciji. Posebno se ovo odnosi na komunalnu privredu i na zdravstvo gdje ćemo velike

strateške nabavke dati stručnjacima za nabavku koji su izdvojeni od utjecaja direktora, UO, raznoraznih firmi koje su se navikle da na određeni način posluju s javnim sektorom. Tu će se ostvariti značajne uštede i ta sredstva od tih ušteda će biti ključna za naš razvoj jer će budžet biti (nerazumljivo). Ministarstvo privrede, kao što Ministarstvo zdravstva front koji zajedno sa zdravstvenim radnicima Kantona Sarajevo se bori protiv onoga što nas je zadesilo, tako će Ministarstvo privrede zajedno sa Ministarstvom rada biti front u kojem će se dosadašnji poticaji fokusirati posebno po jasnim kriterijima potaknu firme koje rastu koje mogu ostaviti nova radna mjesta. Također u Ministarstvu privrede nalaze se određene kantonalne firme kojima je možda potrebno restrukturiranje. To su firme koje možda treba da bolje rade nego što su do sada radili. Navest ću samo neke, ZOI 84, PD Butmir. Mnogo to građani ne znaju ali kada ministar privrede bude imenovan on postane i neko ko upravlja i farmama krava. Znači ministar će biti odgovoran za 900 krava. Ljudi ne znaju da mi ustvari imamo farmu krava. Kanton se vrlo često bavi poslovima koji nisu normalni za jednu državnu upravu da se bavi uzgojem ili ugostiteljstvom. Potrebno je da te firme rade na efikasan način i budući ministar privrede će kroz reformu Zakona o javno privatnom partnerstvu, unapređenju Zakona o koncesijama napraviti okruženje u kojem će ne samo kantonalne firme značajno bolje raditi nego će i cijeli sektor privatni sektor bolje raditi u boljem okruženju. U jednostavnijem okruženju gdje administracija neće biti kočničar već pomoć. Evo ja bih sada napomenuo samo jedan podatak: dug za koncesije u Kantonu Sarajevo je preko 15 miliona KM. Znači imate firme koje su potpisale ugovore sa Kantom, sa državom i koje nisu platile svoje obaveze. Budući ministar privrede će istražiti i proanalizirati tačno šta se desilo s tim dugom, zašto je veći od 15 miliona KM, da li je to stvarno posljedica pandemije ili nečeg drugog. Jer ovaj problem je godinama tu. I budući ministar privrede će formirati, objaviti i pratiti Registar koncesija, Registar javno privatnih partnerstva i upravljati svime što država zajedno radi sa privatnim sektorom. Ministarstvo o kojem je puno bilo riječ je opet jedno veliko Ministarstvo kao što je bilo i prije 2015 godine, kada je razdvojeno. To je Ministarstvo komunalne privrede, infrastrukture, prostornog uređenja, građenja i zaštite okoliša. Ovo ministarstvo je najzaslužnije za to da li građani imaju kvalitetan život ili ne. Da li su javne usluge kvalitetne ili ne. Ovo Ministarstvo je odgovorno koliko dobro radimo na problemu zagađenosti zraka, da li su nam ulice prljave, da li vodu dobivamo na redovan i siguran način, generalno ljudi odlučuju da li negdje žele da žive. Oni odlučuju da li žele živjeti u nekom gradu koji je prljav i gdje je okolina zdrava ili negdje gdje to nije slučaj. Jedan od najvećih razloga zašto ljudi odlaze iz BIH je kvalitet života. To je razlog broj 2. razlog broj 1 je korupcija. Ljudi ne odlaze iz BIH i samim tim iz Kanton Sarajevo ne odlaze zbog toga što im je ugrožen vitalni etnički ili nacionalni interes. Ljudi odlaze jer se nalaze u prljavoj, neuređenoj sredini. Jer ne mogu ići na posao, konkurisati za posao znajući da će biti ravnopravno tretirani osim ako nekoga ne počaste. Korupcija i kvalitet života. Ovom sektoru se nagomilalo i korupcija i nemar prema kvalitetu našeg života. Budući ministar ovog Ministarstva će posebnu pažnju posvetiti podizanju kvalitete usluga naših komunalnih firmi koje nam isporučuju i čistoću i uređene parkove, i redovno snabdijevanje vodom. Sa posebnim naglaskom na projektima koji će unaprijediti naš zrak. Čistoća zraka, čistoća naše okoline postala je paradigma boljeg života u BIH. Mogu li naše rijeke i korita biti čiste, mogu i nam ulice biti čiste, može li na zrak biti čisti? Ako odgovorimo na to pitanje, suštinski odgovaramo na pitanje volimo li naš prvo da kažem grad ili ne? Želimo li ovdje da živimo ili ne? Na isti način će se pitati i mnogi građani koji razmišljaju o odlasku. Ako osjete promjene u ovom sektoru, ljudi će odlučiti da je možda ipak dobro da ostanu ovdje i da žive. Ministarstvo saobraćaja. Moram se opet pozvati na prvi dio našeg mandata. Mi smo napravili jedno istraživanje koje je naučno dokazivao jer je urađeno na profesionalan način, na reprezentativnom uzorku. Pitali smo građane Kantona Sarajevo šta im je najveći problem u Kantonu Sarajevo. Ovdje govorim o šestom i sedmom mjesecu 2019 godine. To je bilo prije pandemije. Građani su u najvećem procentu odgovorili javni prijevoz. Ljudi žele javni prijevoz. Naši građani žele da ne budu ovisni o automobilima, i

ako bi znali da će javni prijevoz doći na vrijeme, da je siguran i kvalitetan naše saobraćajne gužve bi se podugo smanjile. A onda opet govorimo o kvalitetu života, o zagađenosti zraka itd. Javni prijevoz nakon što su građani iskazali da im je to najveći problem, mi onda budžetirali velike projekte u javnom prijevozu koji ne uključuju samo nabavke trolejbusa, nego uključuju i restrukturiranje najvećeg prijevoznika, a to je GRAS koji je postao teret svim vladama prije ove. Ali nama taj GRAS neće biti teret nego nešto sa čime ćemo se boriti i što ćemo unaprijediti. Podizanje kvaliteta javnog prijevoza, posebno širenje trolejbuske i tramvajske mreže treba da bude prioritet svima, svim narednim vladama. Jer tamo gdje je dobar javni prijevoz uz ono što sam rekao iz prethodnog resora, tamo ljudi žele da žive. Nećemo se ustručavati zaduživanja kako bi se naši građani vozili u novim vozilima kakva zaslužuju a ne u vozilima koji su u prosjeku, tramvaji 50 godina a trolejbusi 30 do 40 godina. Ja mislim da naši građani zaslužuju bolje i ova Vlada misli da naši građani zaslužuju bolje. Ministarstvo unutrašnjih poslova, sigurnost je nešto o čemu se nešto posebno govori u zadnjih par godina od kako je krenula opet jedna kriza na koju mi nismo mogli utjecati do tog trenutka kada se samo nama desila kao i mnogim drugim zemljama. To je migrantska kriza koja će trajati još godinama. To su krize koje se ne mogu riješiti. Krizama se upravlja. Naš sigurnosni sistem će odgovoriti adekvatno da zaštiti sigurnost građana Kantona Sarajevo. Poseban fokus će biti na popunjavanju stručnog kadra u policiji, na popunjavanju generalno broja policajaca koji je do sada bio zanemaren, sistematizacija predviđa i do 500 službenika policijskih koji fale, i da njihovu stručno unapređenje. U suštini želimo opremiti policiju ljudski i materijalno. Jedan od najvećih problema u policiji što meni govori da je i u ovom sektoru prethodnih godina vladao nemar, tačnije zanemarivanje, to je činjenica da policija nema moderan centar iz kojeg se može odazvati modernim izazovima tako da kažem koji uključuju i migrantsku krizu koju sam vam pomenuo ali stalno (nerazumljivo) i činjenicu da se nalazimo na liniji entitetskog razgraničenja koje su kriminalci zloupotrebljavali i npr automafija koja je ovdje narasla isključivo zbog toga, zbog slabe koordinacije. Odgovor na takve izazove potrebno je da se policija opremi ljudski i materijalno. Da dobije novu zgradu, da dobije novi centar za praćenje, mislim da IV PU također mora dobiti novu zgradu. Prva PU mora imati nadogradnju. Jednostavno nešto što je bilo zanemarivano mi moramo taj sektor dići na noge. Ministarstvo boračkih pitanja. Mnogi građani ne znaju, a zastupnici uglavnom znaju da u skladu sa zakonima koji omogućavaju boračkoj populaciji porodicama i djeci šehida, RVI, jedno od njihovih osnovnih prava je pravo na život u svom stanu, gdje po kriterijima koji su i transparentni i vidljivi iz prethodnih Vlada, utvrđena lista od 198 i to je lista koja je utvrđena koja ima imena i prezimena ljudi koji po Zakonu trebaju dobiti stambeno zbrinjavanje a nisu ga dobili. Ovo Ministarstvo će svoj fokus u naredne dvije godine staviti da se ova lista ukloni na način da svi budu stambeno zabrinuti. I to će biti glavni fokus budućeg ministra za boračka pitanja. Ministarstvo za odgoj i obrazovanje. Ono što je ključno je da će naša djeca biti školovana na vrijednostima koja će biti oslobođena i od šovinizma, i od rasne i etničke, vjerske mržnje bilo koje devijacije u našem društvu. Posebna pažnja će biti posvećena proširenju predškolskih ustanova. To je problem gdje također može se osjetiti odsustvo vizije prethodnih Vlada. Činjenica je da BIH ima najniži obuhvat predškolskih ustanova u Europi. Ne govorim o EU, govorim o svim zemljama Europe, i zemljama regije. Mi smo zadnji. I onda se ne trebamo čuditi kada su naša djeca ispod prosjeka po znanju na međunarodnom testiranju. Proširenje predškolskog obuhvata, da sva djeca idu u vrtić, koji je kvalitetan i povoljan za njihove roditelje u smislu finansijskom, a možda nekada u budućnosti da bude i kvalitetan i besplatan i da sva djeca koja ne mogu ići u postojeću ustanovu JU Djeca Sarajeva, da im i dalje omogućimo da mogu ići u vrtić preko subvencija u privatne ustanove dok JU ne bude imala kapacitet da prime sve one koji žele ići tamo. Ulaganje u našu djecu kroz ulaganje u opremu JU Djeca Sarajeva i generalno u ovom sektoru to je najbolja investicija za našu budućnost. Posebna briga i odgovornost i nas a i vas zastupnika je da nastavimo neke započete projekte i da značajno unaprijedimo mogućnost školovanja djece sa poteškoćama u razvoju.

Spremni smo čak uvesti i neke eksperimentalne programe koji na neki inovativan način se bave ovom populacijom, djecom koja imaju poteškoće u razvoju, kojima treba posebna briga i njega. Nećemo se libiti da značajna sredstva uložimo u ovu djecu. Ministarstvo visokog obrazovanja, nauke i mladih, ovo Ministarstvo koje je izdvojeno zbog velikog zaloga koje mora da savlada to je UNSA. Najveći izazov će biti ustvari ovog Ministarstva ne samo kako da UNSA pretvori u motor razvoja cijelog Kantona jer u svim naprednim društvima Univerziteti su motor razvoja, tamo se gaji znanje, iz tog znanja proizlaze projekti, iz tih projekata proizlaze ne samo poslovi i napredak u državama ili u privatnom sektoru. I mi na ovim prostorima znamo kako je u nekim prošlom vremenima spoj privatnog sektora proizvodnje svega onoga što je potrebno da se na tržištu zadovolji i spoj visokog obrazovanja, nauke kako to može da funkcioniše. Buduća ministra u ovom resoru će donijeti Zakon o visokom obrazovanju koji će značajno unaprijediti način na koji se visokoškolske ustanove razvijaju i rade. Također, borit će se za jedan prepoznatljiv kvalitet u europskim okvirima za naše visoko obrazovanje. Također preko ovog Ministarstva ćemo obezbijediti do sada ne viđena sredstva za nauku. Znači napraviti ćemo presedan, izdvojiti ćemo najveća sredstva u istoriji kantonalne Vlade koja će biti isključivo za nauku i naučno istraživačke projekte. Također ovo Ministarstvo će donijeti novi Zakon o naučno-istraživačkom radu. Ja ponavljam UNSA i visoko obrazovanje je motor razvoja. Kao što kada ulažemo u djecu u predškolsko i osnovno obrazovanje znamo da će nam se to vratiti za jednu generaciju. Ulaganje u visoko obrazovanje i nauku se vraća odmah. Ministarstvo za rad, socijalnu politiku, raseljena lica i izbjeglice. Fokus ovog Ministarstva će biti poboljšanje kvaliteta života korisnika ustanova socijalne zaštite- također fokus Ministarstva će biti da se dovrši projekat zbrinjavanja unutrašnje raseljenih lica. Ono što je također u ovom Ministarstvu je Služba za zapošljavanje. Koja mora biti pokretač reforme tržišta rada u Kantonu Sarajevo. Mi smo u prvom dijelu mandata već značajne korake tu napravili i postoje preporuke kako da se tržište rada unaprijedi na način da ljudi koji se teško zapošljavaju napokon da dođu do posla i da generalno se napravi to sučeljavanje onoga što tržište traži i onoga što mi imamo na tržištu rada. Ako nemate neku struku kolaj vam je danas potrebna da bi našli posao, mi ćemo vam pomoći da tu struku steknete. Zajedno sa Ministarstvom privrede, ovo Ministarstvo posebno preko Službe za zapošljavanje će biti front zaštite radnih mjesta u Kantonu Sarajevo koja su ugrožena ekonomskim posljedicama pandemije. I na kraju ono najvažnije, Ministarstvo zdravstva. Borit ćemo se mi protiv pandemija i pobijediti ćemo. Ali ono što zdravstveni sektor u Kantonu Sarajevo živi već duži niz godina je činjenica da jedan broj institucija koje pripadaju Kantonu Sarajevo i koje finansira Kanton Sarajevo ne radi u skladu sa federalnim Zakonom koji reguliše ovu oblast. Mislim da je također vrijeme i to će biti fokus našeg ministra pravičnija raspodjela JU po pruženim uslugama a ne po navikama ili po nekim kriterijima koje do sada nismo najbolje znali. Naša ustanova ZZO koja finansira ovaj sektor, tačnije građani koji zarađuju svoje plate, uplaćuju novac u ZZO i traže uslugu .njih ne zanima šta neko iz samog sistema želi. Građani, osiguranici žele zdravstvenu uslugu. I ja ću vam reći da je Kanton Sarajevo u proteklom periodu imao najviše novca za zdravstvo a ne možemo se pohvaliti da smo imali najkvalitetnije zdravstvo čak ni u BIH, čak ni u FBiH. A imali smo značajno više novca. Također jedan od fokusa će biti razvoj i osnaživanje naše Kantonalne bolnice. Nakon ovog pregleda po resorima ja bih vas pozvao da pogledate dodatak, aneks koji je ustvari sporazum sa svim mjerama i pozivam vas i one koji su u ovoj većini koja će izabrati ovu Vladu a i one koji će ostati u opoziciji. Pozivam vas da pratite naš rad, da nas kritikujete, pozivam vas da zahtijevate bolje. Pozivamo građane i medije da zahtijevaju bolji kvalitet rada. Mi se toga ne bojimo. Postojao je jedan paradoks koji je bio u prvom dijelu našeg mandata vjerujem da će se opet dogoditi gdje je naša Vlada i građana i mediji od naše Vlade zahtijevaju norveške, skandinavske europske standarde, a od drugih Vlada kao da se to ne očekuje. Pa tako kada mi napravimo neku malu grešku to postaje skandal. A kada neko drugi napravi neki kriminal ili ga nema, ili je pobjegao, to je normalno. Želim vam reći da to nama ne smeta.

Slobodni primijenite najbolje, najstrožije standarde na nas i zahtijevate najbolje za sebe. Ovo je poruka svim građanima, poruka zastupnicima. Zahtijevate najbolje i mi ćemo odgovoriti. Ako pogriješimo mi ćemo to priznati. Ali ako nešto dobro uradimo mi ćemo preuzet zasluge. Bit ćemo vaša Vlada, bit ćemo Vlada svih građana. Bit ćemo Vlada i opoziciji. Sve dobro što predložite, mi ćemo usvojiti. To nije praksa na našem političkom nebu, ali u prvom dijelu mandata smo to radili, uradit ćemo opet. Radit ćemo sa lokalnim zajednicama koje nisu politički povezane sa ovom većinom koja će nas danas izabrati. Pomoći ćemo u svemu što je dobro za građane. I odgovarati ćemo pred vama i izvještavat ćemo vas o našem radu i napretku. Evo ja vam zahvaljujem za sva pitanja sam tu. Hvala.

Predsjedavajući:

Zahvaljujemo se kandidatu za premijera Kantona Sarajevo gospodinu Edinu Forti na predloženom Ekspozeu. Da li predstavnici radnih tijela žele riječ? Ima li pitanja? Uvaženi zastupnik Mirza Čelik. Izvolite, imate riječ.

Poslanik/zastupnik Mirza Čelik:

Zahvaljujem predsjedavajući. Pozdravljam vas kao i zamjenike predsjedavajućeg. Uvaženu sekretarku Skupštine Kantona Sarajevo, premijera, članove Vlade, kao i naše drage sugrađane koji prate današnje sjednice. Prije nego što postavim nekoliko pitanja dozvolit ćete mi samo da kažem nekoliko razloga mog nedolaska na prethodne dvije sjednice, jer sam imao potrebu zaista i danas osjećam tu potrebu da kažem kako zastupnicima, tako i javnosti, razloge nedolaska. Razlog mog nedolaska na prethodne dvije sjednice jeste način bio da pokažem da i u mojoj stranci treba nešto da se promijeni, da sam pobornik da neke stvari ne trebamo da guramo ispod tepiha. Razlog također je bio taj da ja ne želim da budem uspavan, i da neću nikada biti nedovoljno borben za neke projekte koji su bitni za građane u Kantonu Sarajevo, pa i šire. Također želim da se ogradim zaista od nastupa svih zastupnika, pa čak i Kluba iz kojeg dolazim, na način koji nije primjeren za Skupštinu Kantona Sarajevo, tj da vodimo mahalašku, evo tako da se izrazim politiku, i da pokušavamo na sve načine da učinimo nedostojnim neke od zastupnika, naprotiv, meni je drago što sam upoznao sve zastupnike koje nisam znao od ranije, i naravno da ću podržavati sve one projekte koji su bili i koji će biti dobri za naše sugrađane. Prvenstveno želim da se zahvalim Nenadiću i kompletnoj Vladi na saradnji i u nastavku mog djelovanja, kako u Klubu SDA, ukoliko se to ne bude njima svidjelo, imaju ograničene stranke i neka odlučite o tome. Ja ću postaviti nekoliko pitanja prvenstveno vama predsjedavajući i uvaženom mandataru za sastav nove Vlade a tiče se nekoliko Zakona koje su kolegice i kolege zastupnici u toku dok sam ja bio predsjedavajući Skupštine Kantona Sarajevo podnijeli, a ja sam to zajedno sa sekretarom Skupštine uredno i prosljedio, kako Zakonodavno-pravna komisiji, kao jedinoj komisiji koja može dalje prosljedivati i ostalim komisijama koje su nadležne za te zakone. Pa evo želim da postavim pitanje vama predsjedavajući, ne želeći da koristim terminologiju koju ste vi koristili da grubo kršim Poslovnik ne dostavljajući zakone na dnevni red, a evo sada ste shvatili kada ste predsjedavajući, da to nije grubo kršenje Poslovnika nego je to poštivanje Poslovnika i Ustava Kantona Sarajevo, i ja vam se zahvaljujem na istom.

Predsjedavajući:

Zastupniče Čelik imate tehničke smetnje, nismo vas čuli ovo zadnje što ste kazali.

Poslanik/zastupnik Mirza Čelik:

Da evo, ja se izvinjavam zaista bilo je tehničkih problema, ali evo možete vi isključiti mikrofona, ili neko je ostavio mikrofona. Interesuje me zaista šta je sa zakonima koje su podnijeli zastupnici u Skupštini Kantona Sarajevo i smatram da bi isti trebali biti dio ekspozea koji je predložio mandatar Forto. Ono što me također jeste kreiranje modela finansiranja

skupštinskih zastupnika i zastupnica koje bi ovisilo o njihovom prisustvu i učešću u radu sjednica i aktivnosti radnih tijela. Znači na koji način mislimo i možemo učiniti da zastupnike koji ne dolaze na sjednice, kako komisija, tako i Skupštine, kažnjavati, odnosno način na koji bi trebali da odbijamo od plate. Zakonom o radu je to malo teže. Pa evo molit ću nekoga da mi odgovori na to pitanje.

Predsjedavajući:

Zastupnice Čelik pokušajte malo isključiti kameru, slabo vas čujemo prekida.

Poslanik/zastupnik Mirza Čelik:

Predsjedavajući da li me čujete sada?

Predsjedavajući:

Čujemo vas u prekidima.

Poslanik/zastupnik Mirza Čelik:

Da, evo mislim da je bolje sada.

Predsjedavajući.

Evo stručna služba vas pitam imate li uključene (nerazumljivo).

Poslanik/zastupnik Mirza Čelik:

Je li dobro. Predsjedavajući da li me čujete?

Predsjedavajući:

Možete nastaviti.

Poslanik/zastupnik Mirza Čelik:

Interesuje me koji su projekti realizacije prve faze projekta uređenja područja Stojčevac i podrška projektima uređenja i razvoja područja Vrelo Bosne? Zaista bih volio evo i kako naši sugrađani, ja dolazim sa Ilidže pa evo mislim da će biti i to njima interesantno. Koji su to projektima kojima možemo da se nadamo u narednom periodu? Donošenje Zakona o nepotizmu i stranačkom zapošljavanju je nešto što evo već dugo vremena čekamo i bit ću sretan zaista da u Registru svih uposlenih u Kantonu Sarajevo bude objavljena i sistematizacija onih ljudi koje treba da primi nova Vlada i da se to radi na jedan transparentan način kako bi mogli svi građani u Kantonu Sarajevo pratiti kako konkursnu proceduru i sam izbor kandidata za radno mjesto. Obzirom da je (nerazumljivo), evo premijer je već kazao, odnosno mandatar, da će za ekonomski oporavak biti nešto što ćemo posegnuti za zaduženjem. Pa interesuje me zaista evo i dugo sam vremena provodio sa inicijativom za Bjelašnicu, to je jedno udruženje, odnosno grupa građana koji daju dobre smjernice za realizaciju projekata kako same same staze na Bjelašnici, tako i projekata za našu blisku budućnost. Poput evo i alping kostera, pa imali smo priliku da čujemo i njihovo mišljenje za vezano rekonstrukciju dvosjeda na Igmanu. Pitanje za novog mandataru ili evo za novog ministra privrede jeste da li će se nastaviti trend razvoja odnosno investicija na samoj Bjelašnici, jer to evo oni korisnici i naši turisti će svakako očekivati u narednom periodu. Ono što bi dobro bilo jeste novi šestosjed i otvaranje nekoliko novih staza i da upotrijebimo našu turističku ponudu. Također za Ministarstvo za rad, socijalnu politiku, raseljena lica i izbjeglice, mi smo na sjednicama ukoliko se sjećate u prethodnom periodu često govorili vezano za dvije zgrade u Otesu, to je vlasništvo GPA, pa je bila prilika da čujemo i od sadašnjeg mandataru u prethodnom sazivu premijera Forte, da će se te dvije zgrade otkupiti i da ćemo pokušati na bilo koji način vratiti sigurnost među građane u Otesu jer evo u jednoj kalendarskoj godini imate preko 1000 krivičnih prijava iz samo te dvije

zgrade. Da li je to nasilničko ponašanje, da li je to uništavanje javne imovine i sve ono što nije dostojno tog dijela grada u kojem i stanovnici imaju zaista velike napore da se odupru tim vandalizmima. Pa evo pitanje za premijera da li će biti otkupa te dvije zgrade GPA i u kojoj je mjeri predviđeno u kojoj kalendarskoj godini? Ono što me je oduševilo, evo moram zaista priznati jeste da je najavljeno i ukidanje nekoliko parafiskalnih nameta pa me interesuje da li je plan za opšte korisne funkcije šume da se ukinu? I evo znamo svi ko se nekada bavio privredom da je to prihod Kantonu negdje oko (nerazumljivo) te da li Vlada odnosno da li će moći odgovoriti premijer, da li će biti ovaj parafiskalni namet ukinut našim privrednicima? I zaista podržavam ono što smo kolega Vreto i ja imali priliku da razgovaramo sa bivšim načelnikom Memićem i sa članovima Vlade koji su još u sazivu, a to je rekonstrukcija Ilidžanske stare željezničke stanice. I mislim da bi to bio jedan veoma bitan projekat za lokalnu zajednicu odakle i ja dolazim jer znamo šta je Ilidža u prethodnom periodu bila, nadam se da će se i ova pandemija korona virusa završiti i da ćemo imati priliku svi da vratimo Ilidžu tamo gdje joj je i mjesto. Najveći broj noćenja i zaista apelujem na sadašnju, odnosno kada se bude imenovala Vlada, da ne štedi na ovom projektu, jer taj projekat će se zaista brzo isplatiti. Hvala vam predsjedavajući, molim ću zaista za odgovore, ako bude trebalo neko pitanje da ponovim, rado ću to učiniti. Zahvaljujem.

Predsjedavajući.

Zahvaljujem se uvaženi kolega Čelik. Kada je u pitanju pitanje koje ste uputili meni nije baš najjasnije na koje zakone mislite. Ono što sam ja provjerio, svi zakoni koji su podnešeni od strane zastupnika u Skupštini Kantona Sarajevo prosljeđeni su Vladi i Zakonodavno-pravna komisija. Od koje još uvijek nismo dobili nikakvo mišljenje ni stav. Nova Vlada Kantona Sarajevo koja je evo danas nakon imenovanja će preuzeti funkciju će nam sigurno dostaviti svoje prijedloge mišljenja kada su u pitanju zakoni koji su prethodnom periodu kroz Skupštinu Kantona Sarajevo inicirani u smislu izmjena i dopuna. Nadam se da je odgovor bio OK. Sljedeće pitanje imala je uvažena zastupnica Bibija Kerla. Izvolite zastupnice Kerla, možete se javiti.

Poslanik/zastupnik Bibija Kerla:

Pozdravljam sve prisutne koji prisustvuju ONLINE sjednici Skupštine Kantona Sarajevo, svima vama kao i našim gledaocima čestitam Novu 2021 godinu. Ja imam danas par pitanja, prije svega za premijera Kantona Sarajevo pa ga molim da pomno prati i da proba da odgovori poslije mojih pitanja. Zašto se u Ekspozeu ni u najmanjim naznakama jasno ne vidi ulogu premijera u vođenju Vlade u najavljenim reformskim progresima. Obrazloženje: poštujući izlaganje mandatar Forte i pomno slušajući osnovne crte Ekspozea ne mogu a da ne primijetim jednu stvar koja me zabrinjava a to je činjenica da se u Ekspozeu uopšte ne vidim uloga novog premijera Kantona Sarajevo, što će to gospodin Forto kao premijer raditi, kako misli koordinirati rad nove Vlade? Mi smo imali negativno iskustvo u prošlom mandatu s tim jer je uloga premijera ostala u sjeni glavnih oratora šestorke. Drugo pitanje kako mislite balansirati odnose unutar Vlade i da li imate diskreciono pravo na temelju sporazuma koji je dodatak Ekspozeu kreirate političko rješenje ukoliko bude razilaženja u stavovima ministara. Za ovo pitanje imam obrazloženje. Izvjesno je da će politika četiri raznorodne stranke i niza nezavisnih zastupnika na poljima mnogih pitanja ukrstiti svoje koplja stoga je u interesu javnosti da zna kakvu će ulogu imati premijer u rješavanju sporova koji nastanu zbog ideoloških polariteta ili nespremnosti djelovanja parlamentarne većine da podrže određena rješenja koja će se neminovno nametnuti u vašem radu. I da li imate slobodu da na temelju sporazuma koji je dodatak Ekspozeu kreirate politička rješenja u slučaju razilaženja u stavovima ministara i stranaka ispred kojih su imenovani? Treće pitanje, zašto u predloženim mjerama nema ni naznaka da će razdvojena Ministarstva po nivoima obrazovanja interesno djelovati u pravcu stalnog monitoringa i korigovanja izazova koje nosi ovaj nastavak?

Obrazloženje: ovaj nastavak izaziva brojne negativne reakcije u društvu što zbog objektivnog što zbog subjektivnog razloga. Prigovori roditelja su brojni u vezi online nastave i s pravom se pitaju ko kontroliše efikasnost pomenutog nastavnog procesa? S druge strane nastavni kadar se suočava s brojnim dilemama od toga koliko su učenici usvojili i razumjeli gradivo do toga kakve će posljedice isto ostaviti u smislu usvojenog znanja i njegove primjene u daljem obrazovnom procesu. Sve su to pitanja. S obzirom da je u Kantonu Sarajevo epidemiološka slika u vezi COVID-19 i dalje nepredvidiva i poprilično nejasna zašto prioritet Vladi nisu sistematična testiranja stanovništva na prisustvo infekcije virusa COVID-19 u općoj populaciji s ciljem otkrivanja stvarni prijetnji po zdravlje građana Kantona Sarajevo? I na ovo pitanje imam obrazloženje. Ne želeći da lično kritikujem nikoga za rasulo u zdravstvenom sistemu ali bojim se da je suočavanje sa problemima koje je ostavila pandemija COVID-19 unutar zdravstvenog sistema u Ekspozeu nevješto sakrivena dodacima o socijalnim i ekonomskim posljedicama pandemije. Da se svjesno fokus sa zdravstvenih mjera koje su najvažnije pomjerile isključivo na posljedice koje je pretrpila privreda, obrazovni sistem i socijalne neprilike koje iz toga proizilaze. Smatram da je potrebno da zdravstveni profesionalci jasno kažu urgentne mjere koje se bez odlaganja moraju provesti unutar resora zdravstva u Kantonu Sarajevo. Sljedeće moje pitanje. Zašto se mjere u oblasti zaštite zraka od zagađenja ograničavanja skupe tehnologije i zanemaruju mjere koje treba da smanje korištenje visoko zagađujućih energenata subvencioniranjem ekološki prihvatljiv energenata. U vezi zaštite životne sredine ne mogu da ne primijetim da se u ekspozeu uopšte ne vodi računa o socijalnoj noti navedenog problema i da se priča o izrazito skupim projektima koji su u suprotnosti sa projekcijama ekonomskog nazadovanja u 2021 godini. Zato me interesuje kako bez tih mjera budući premijer misli riješiti problem koji za sobom povlači odluku o zabrani korištenja uglja u Kantonu Sarajevo koji za značajan broj građana trenutno finansijski najisplativiji oblik nabavke energenata u zimskom periodu. Šta je ustvari alternativa? Šesto pitanje: u oblasti kulture pitam mandataru koji su razlozi za ovakav odnos prema kulturi i šta je reformsko u poimanju kulturnih politika, ako je kultura ostavljena u amanet europskim kulturnim fondovima. Neprijatno sam iznenađena tvrdnjama u ekspozeu da će Vlada podržati otvaranje institucija kulture europskih fondova za oblast kulture. Da li je to jedini način rješavanja nagomilanih problema u institucijama kulture. Ko garantuje uspjeh njihovih projekata posebno ako se ima u vidu da se ekspozeu nigdje ne pominje neophodna edukacija u oblasti pristupa fondovima EU koja je neophodna za uspješnu aplikaciju za isti. Sljedeće pitanje je vezano u pogledu prostora uređenja i zaštite okoliša. Tu ne vidim da se kao poseban zadatak dali sebi i Vladi očuvanje ventilacionih koridora i konzervacije zelenog pojasa u oblasti unutrašnjeg dijela Sarajeva pa s pravom pitam da li to znači da navedena problematika više nije prioritet nove Vlade? I za ovo pitanje imam obrazloženje. Ako se referišemo na dodatak ekspozea koji se odnosi na dogovorene mjere nove koalicione Vlade mi u Ekspozeu ne možemo vidjeti šta zaista misli uraditi budući premijer po navedenom pitanju. Da li će svojim službenim položajem autoritetom i vodstvom Vlade pokazati sluha da se u što kraćem roku donesu mjere koje će preventivno rasti (nerazumljivo) brzine zagađenja zraka u Kantonu Sarajevo? S obzirom da se najavljuju reforme sistematizacije radnih mjesta da li to znači da ćete pristupi rješavanju problema s kojim se suočava dijagnostički kadar obrazovanja na Fakultetu zdravstvenih studija koji trenutno da je kadrovski jedva da je prepoznat unutar javnih zdravstvenih ustanova. Sad za sada toliko. Hvala lijepo. Nadam se da ću dobiti odgovor na ovaj moja pitanja.

Predsjedavajući:

Hvala kolegice Kerla. Pitanje zastupnica Amra Hasagić.

Poslanik/zastupnik Amra Hasagić:

Je li se čujemo predsjedavajući? Pozdravljam uvaženo rukovodstvo, sekretara Skupštine,

koleginice i kolege zastupnice, članove Vlade i sve one koji na bilo koji način prate rad današnje sjednice. Prije nego postavim pitanje, željela bih da se zahvalim premijeru Nenadiću i članovima Vlade koje je on predvodio, te također da iskazem zahvalnost na spremnosti da odgovore na probleme koji su prouzrokovani pandemijom COVID -19. svoja pitanja upućujem premijeru gospodinu Forti. U Ekspozeu koji ste ranije izlagali, u onom prvom ali i ekspozeu koji smo maloprije čuli, navodite da će Vlada djelovati na osnovu dva ključna principa i to otvorenost i odgovornost te da ćete transparentnije dodjeljivati novac. Kada kažete transparentnije, zanima me na koji period mislite? Moje pitanje se isključivo odnosi na javni poziv koji je raspisalo Ministarstvo kulture i sporta, jer svjesni smo transparentnog rada ministara Alikadića bez obzira na pritiske javnosti koje je imao obnašajući tu funkciju a također smo i svjedoci da u vrijeme Vlade šestorke čak i na zahtjev Ureda za borbu protiv korupcije niti jedan aplikant nije objavljen. Moje sljedeće pitanje, Ministarstvo prostornog uređenja na čelu sa ministrom Kapidžićem pristupilo je izradi sasvim novog pravilnika za objavljivanje javnog poziva, subvencioniranje rješavanja stambenog pitanja mladih. Zanima me da li će programom rada novoformiranog Ministarstva biti obuhvaćen i ovaj javni poziv i na koji način će se isti provoditi obzirom da nije ništa navedeno u Ekspozeu? I moje posljednje pitanje jeste, u Ekspozeu navodite da ćete poseban fokus u okviru Ministarstva privrede staviti na podršku razvoju poslovno privrednih zona. Mene zanima da li možemo očekivati punu podršku razvoju industrijske zone Ilijaš i nove privredne zone Semizovac na području Općine Vogošća i na koji način mislite to uraditi? Hvala vam puno.

Predsjedavajući:

Zahvaljujemo se zastupnici Hasagić. Sljedeći zastupnik koji ima da postavi pitanje je zastupnik Mahir Dević. Izvolite imate riječ.

Poslanik/zastupnik Mahir Dević:

Zahvaljujem. Čujemo li se predsjedavajući? Hvala vam najljepša. Ja ću imati dva pitanja, naravno u diskusiji ću to kazati poslije ali evo zaista mi je razočaravajući način na koji je premijer Kantona Sarajevo gospodin Forto u drugom pokušaju iznio ovaj Ekspoze. Ali evo u diskusiji ću to kazati. Dva pitanja. Prvo pitanje za ministricu pravde, a vezano je za sve njene prijedloge Zakona koje je ona nama predlagala u prvoj godini dana Vlade šestorke ovdje, podsjetit ću vas da su tu bili Zakon o prijavi imovine, autentično tumačenje Zakona, i da su sve te stvari dobile epilog u na Ustavnom sudu i da je Ustavni sud naložio da se svi ti zakonski akti usklade sa pravnim sistemom FBiH i Kantona Sarajevo. Vidim da se najavljuju, također u međuvremenu je došlo do presude Ustavnog suda vezano za Uredbu Vlade o zapošljavanju o supervizorima. Znači bukvalno skoro sve što je predloženo tada ispred Ministarstva pravde i uprave je osporeno na Ustavnom sudu, a onda smo nakon toga imali zaključak Skupštine Kantona Sarajevo u kome je naloženo ministrici da u što skorije vrijeme ove zakone uskladi sa presudama Ustavnog suda. Moje pitanje glasi kada će biti svi ti zakoni usklađeni da ne dođemo sada ponovo u situaciju da neki još novi Zakon predložimo i da ponovo imamo presudu Ustavnog suda. To je prvo pitanje za ministricu, ili evo za premijera Vlade Kantona Sarajevo. Drugo pitanje, također Klub SDA je podnio apelaciju Ustavnom sudu vezano za ovu izmjenu Zakona i proceduru koju ste vodili. Mi danas ulazimo u jednu pravnu situaciju u kojoj ćete vi vjerovatno imenovati novu Vladu odnosno potvrditi novu Vladu Kantona Sarajevo, da li ste svjesni kako ćete raz riješiti ovo pitanje ukoliko presuda Ustavnog suda utvrdi ono o čemu smo mi govorili na prethodnoj sjednici? Da li ćete na takav način napraviti pravnu nesigurnost u ova dva Ministarstva o kojima smo govorili odnosno sada po vašoj izmjeni četiri ministarstva i na koji način to planirate riješiti? Jer mi pretpostavljamo da smo u pravu kada je ta stvar u pitanju da će Ustavni sud presuditi u našu korist. Da li ste svjesni premijeru u šta uvodite Kanton Sarajevo? Drugo pitanje je za ministra privrede Kantona Sarajevo. Pošto ste vi premijeru rekli da će se on brinuti o 900 krava u Kantonu Sarajevo, mi

smo očekivali da kažete da će se on brinuti o 900 privrednih subjekata u Kantonu Sarajevo koji su pogođeni pandemijom, u njegovoj biografiji koju evo čini mi se da je mi kao Klub nismo ni dobili, ali evo izuzimam da je moguće da je neka tehnička greška bila. Ja konkretno nisam dobio na mail, ali došao sam na biografije ministara na neki način i pročitao sam ih, pored toga što je u 31 godini završio Fakultet sporta i tjelesnog odgoja ne vidim u biografiji navedenog ministra privrede nikakvog radnog iskustva u oblasti privrede, a posebno u oblasti ekonomije. Ono što je navedeno u toj biografiji je vrlo šturo i pitanje direktno za ministra, mislim da ga i znam iz nekog nevladinog sektora, da li će on sebi dozvoliti sebi situaciju da bude ministar tzv lutak na kanafi gospodina Konakovića, kao što je to dozvolio bivši premijer gospodin Edin Forto? Pošto mi ovdje ne vidimo nikakve kompetencije, nikakvu ekspertsku Vladu, da li će on sebi dozvoliti da bude vođen od strane gospodina Konakovića? To su za sada ta dva pitanja. I treće pitanje, spominjete Zakon o stranačkom zapošljavanju i nepotizmu. To je vjerovatno neka nova šarena laža pored onog Zakona o prijavi imovine i registra zaposlenih koji ste napravili. Mi vas pozivamo da zaista tome ozbiljno pristupite da ponovo ne dođemo u situaciju da nešto pompezno najavljujemo, a vi to jako dobro znate u medijima uraditi, da najavljujemo nešto od čega neće biti bukvalno ništa. Vidim da stavljate akcenat na to. Ne bi loše bilo možda da ste kazali da ste 800 ili 900 ljudi uhljebili u godini dana prethodnoj kada ste bili jer čini mi se da ste ponovo sastavili Vladu nezaposlenih i Vladu uhljeba iz prethodnog mandata. Ja ovdje zaista ne vidim nikakvih eksperata. Ali naravno o tome ćemo govoriti u diskusiji. Zahvaljujem predsjedavajući.

Predsjedavajući:

Zahvaljujem se kolega Dević. Zastupnica Smiljana Viteškić ima pitanje. Izvolite, imate riječ.

Dopredsjedavajuća Smiljana Viteškić:

Zahvaljujem predsjedavajući. Pozdravljam sve koji prate naš rad. A posebno odlazeću Vladu koja je u jeku epidemije pandemije Korona 19 u cijelom svijetu maksimalno radila profesionalno i pravedno. Za današnji rad sjednice imam nekoliko pitanja. Naravno upućena su Ministarstvu zdravstva. Prvo pitanje ministru zdravstva kako mislite riješiti (smetnje) sindikat je 22 mjeseca bez kolektivnog ugovora a 16 mjeseci generalnog štrajka zbog nepotpisivanja ugovora.

Predsjedavajući:

Dopredsjedavajuća Viteškić molim vas imate tehničkih problema, možete li ponoviti pitanja?

(dopredsjedavajuća Viteškić nije čula predsjedavajućeg i nastavila je govoriti tako da se dio govora nije čuo)

Dopredsjedavajuća Smiljana Viteškić:

Zdravstvenih ustanova i smatrate li neophodnim nastaviti isto tamo gdje je stalo? U javnom (smetnje) vode se u skladu sa federalnim Zakonom o akreditaciji i certifikaciji. Treće, pozdravljam izradu Strategije zadržavanja zdravstvenog kadra na prostoru Kantona Sarajevo a pitanje je kako. Ne čuje se? Čujete li me predsjedavajući?

Predsjedavajući:

Prvo pitanje nismo baš najbolje čuli? Dobro bi bilo da ponovite.

Dopredsjedavajuća Smiljana Viteškić.

Drugo pitanje? Dobro. Ministru zdravstva imate li uvid u dosadašnju certifikaciju i akreditaciju zdravstvenih ustanova i smatrate li neophodnim nastaviti istu tamo gdje je stala u JU DZ Kantona Sarajevo jer su to aktivnosti koje se provode u skladu sa federalnim Zakonom

o akreditaciji i certifikaciji zdravstvenih ustanova? Treće je, pozdravljam izradu Strategije za zadržavanja zdravstvenog kadra na prostoru Kantona Sarajevo a pitanje je kako dugoročno možemo riješiti opredjeljenje mladih doktora za porodičnu medicinu? Znači oni uglavnom prođu kroz primarnu zdravstvenu zaštitu i svi žele neku drugu specijalizaciju. Znači sadašnja informacija je da 200 doktora medicine u Kantonu Sarajevo je bez posla, jedva ih čekaju naravno sve zemlje u okruženju. Potrebno je brzo djelovanje na ovom polju i pitam ministra šta misli o tome, o njihovom zapošljavanju? Sljedeće je pitanje mjera koja nam je predložena provoditi aktivan nadzor rada Ljekarske komore Kantona Sarajevo, doduše piše u skladu sa zakonskim aktima, kako to mislite raditi kada je jasno da je Komora samostalno i neovisno strukovno udruženje doktora medicine? Sljedeće pitanje je donosi se novi plan restrukturiranja zdravstvenih djelatnosti i reorganizacije zdravstvenih ustanova. Obzirom da donošenje plana traje dugo, može li se onaj koji je donešen u ovoj Skupštini revidirati i tako što prije doći do rješavanja ovog problema reorganizacije i restrukturiranja zdravstvene zaštite? Sljedeće pitanje se odnosi na Uredbu o zapošljavanju u javnim ustanova. Mjera je pooštriti nadzor nad radom na usmenim ispitima na konkursima uz obavezno snimanje usmenih ispita uz mogućnost da svaki kandidat i kandidatkinja ima uvid u usmeni dio ispita svakih kandidata. Ja evo postavljam pitanje, i ranije sam to pitala, postoji li mogućnost da se Uredba o postupku prijema u radni odnos pojednostavi u segmentu prijema deficitarnog medicinskog kadra? Na ove konkurse javljaju se kandidati sa zavidnim referencama i dugogodišnjim radom u praksu. Ne javi se nikada veliki broj da se mora baš provoditi eksplicite ova procedura, prema tome molim vas da razmotrite tu mogućnost pojednostavljenja prijema deficitarnog kadra u zdravstvene ustanove. Evo primjer, zakomplikovani prijem medicinskog kadra i konkurs u JU DZ Kantona Sarajevo, koji traje pola godine i ne zna se da li će se poništiti ili će se ostvariti to što je urađeno na konkursu. Sljedeće moje pitanje zašto se u mjerama koje će provesti ova Vlada nije spomenula poljoprivreda? Spomenuo se PD Butmir i problemi u ovoj firmi, ali evo recimo podsticaji u poljoprivredi. Nije poljoprivreda samo PD Butmir. Nije spomenuta ni apotekarska djelatnost, nadam se da je i u toj grani ima nekih mjera koje bi se trebale provesti. I moje redovno pitanje kada se imenuje nova Vlada kakav je sastav Vlade u pogledu nacionalne pripadnosti ministara? Hvala lijepo.

Predsjedavajući:

Zahvaljujem se dopredsjedavajućoj Viteškić. Pitanje ima zastupnik Damir Nikšić. Izvolite imate riječ.

Poslanik/zastupnik Damir Nikšić:

Hvala. Uvaženi dopredsjedavajući da li se čujemo? Dakle pozdravljam drage kolegice i kolege, kao i građane pokraj malih ekrana. Ja bih za promjenu volio čuti i predstavnike radnih tijela jer taj dio nekako uvijek preskočimo na sjednicama. Dakle nemam pitanje za mandataru ali imam pitanje za predstavnike radnih tijela. Mislim da je važno da se predstavnici radnih tijela očituju po pitanju nacionalnog sastava članova predložene Vlade. Interesuje me njihovo obrazloženje, tj mišljenje o tome zašto predloženi sastav Vlade ne zadovoljava član 27. Ustava Kantona Sarajevo? Hvala vam.

Predsjedavajući:

Zahvaljujem zastupniče Nikšić. Pitanje ima zastupnica Bišćević-Tokić. Izvolite imate riječ.

Poslanik/zastupnik Jasmina Bišćević-Tokić:

Hvala predsjedavajući. Pozdravljam sve svoje kolege i kolegice, gledaoce kraj malih ekrana i želim svima da čestitam ovu Novu 2021 godinu. Prije mojih pitanja ja se želim zahvaliti odlazećoj Vladi na čelu sa Mariom Nenadićem i da kažem da su se lavovski borili kroz ovu pandemiju COVID -19. imam par pitanja, sve se odnose na mandataru Fortu. Prvo pitanje

odnosi se na ekspoze gdje je napisano da kreiranje mjera za sufinansiranje obrtnika koji su na bolovanju ili samoizolaciji, zanima me da li imate mandataru analize ovih mjera? Kolike su vam finansijske analize? Mislim na finansijski proračun? Odakle ćete plaćati sufinansiranje za sva bolovanja i za sve simbolizacije? Zanima me da li znate u principu koja je razlika između bolovanja i koja je između samoizolacije i na osnovu kojih zakonskih normi ćete isplaćivati bolovanje obrtnicima a kako ćete drugim građanima Kantona Sarajevo? Sljedeće pitanje moje, na prvoj stranici vašeg Ekspozea da kažem napisali ste nešto na što sam ja iskreno ostala zatečena da Sarajevo može biti pametna sredina. Je li to gospodine Forto smatrate da Sarajevo do sada nije bilo pametna sredina, podcjenjujući sve građane Kantona Sarajevo, želim da mi odgovorite na ovo pitanje. Sljedeće pitanje na koji način ćete donijeti tarifnu politiku za komunalna preduzeća da mi objasnite, na šta ste tačno mislili? Spominjete također zagađenje zraka kroz vaš program i Ekspoze a onda nigdje u programu nemate vjetrokoridora niti imate da kažem problema vezano za urbanizam napisano u svom Ekspozeu na kojima je insistirao i zalagao se trenutni ministar Faruk Kapidžić koji je predložen kao ekspert ispred svoje struke. Pa me zanima da objasnite koji su onda vaši ciljevi kako bi doprinijeli da se smanji to zagađenje zraka ako ste sve ovo zaboravili napisati u vašem Ekspozeu. Naveli ste da će unaprijediti preventivne programe. To ste naveli koliko se sjećam, u prošlom Ekspozeu kada ste bili mandatar bivše Vlade. I bio je iznos 250.000 KM da ćete dati na preventivne programe. Napomenut ću vas da niste niti jedan preventivni program uradili pa vas sada pozivam da nam javno kažete koji su to preventivni programi na koji ćete doprinijeti našim građanima Kantona Sarajevo. I također sa lokalnom zajednicom u vašem Ekspozeu napisali ste da će svaki stanovnika imati zdravstvenu zaštitu pa vas i tu molim da mi objasnite analizu toga, finansijske proračune, i na koji način ćete to omogućiti? Evo ja se zahvaljujem. Dalje ću u svojoj diskusiji.

Predsjedavajući:

Zahvaljujem se kolegici Bišćević-Tokić. Pitanje ima Dževad Poturak. Izvolite.

Poslanik/zastupnik Dževad Poturak:

Zahvaljujem predsjedavajući. Da li se čujemo? Zahvaljujem. Selamim i pozdravljam sve one koji prate naš rad. U današnjem Ekspozeu gospodina Forte očekivao malo tj puno bolji Ekspoze. Ali OK. Šta je tu je. Mogao bih postaviti mnogo pitanja ali evo izdvojiti ću nekoliko vezano za, prvo pitanje vezano za Ministarstvo za boračka pitanja o kojem nismo čuli zapravo ništa. Šta je u stvari plan jer ova Vlada je uradila puno za dopunska i druga prava boraca. Omogućeno im je prioritarno zapošljavanje u javnom sektoru. A šta je plan nove Vlade? Možete li nam nešto više reći? Koji su to planovi u ovom segmentu? Moje drugo pitanje bi bilo prema Ministarstvu zdravstva kada se kaže razvoj Kantonalne bolnice. Ministar budući koji nam dolazi upravo iz te bolnice, ja bih stvarno želio i volio da čujem gospodina Vranića da nam potvrdi koliko je ova Vlada uložila truda i sredstava u razvoj upravo Opće bolnice iz koje on dolazi? To bi nam zaista značilo. Zahvaljujem predsjedavajući.

Predsjedavajući:

Zahvaljujem se zastupniče Poturak. Sljedeće pitanje ima Haris Zahiragić. Izvolite.

Zastupniče Zahiragić da li se čujemo?

Poslanik/zastupnik Haris Zahiragić:

Poštovanje, da li se čujemo? Na žalost i ova sjednica je održana online, smatram da nije smjela biti održana online ovako važna sjednica. Pa tako kada budu pitanja i inicijative podnijeti ću inicijativu i očekujem podršku ostalih kolega zastupnika da se buduće sjednice održavaju uživo i u tom smislu trebam inicijativu podnijeti iako znam da je Kolegij prejak kao zastupnik Kriznom štabu Kantona Sarajevo. Ali to je opet posebna tema. Da se držimo tačke dnevnog

reda i pitanja na Ekspoze, tzv. Ekspoze premijera Forte. Uz dužno poštovanje prema gospodinu Edinu Forti, ovo što smo mogli čuti od njega više liči na kandidaturu za predsjednika razreda, nego za kandidaturu i ozbiljan Ekspoze premijera, a posebno u uslovima u kakvim se Kanton Sarajevo nalazi u momentu kada on preuzima Vladu. Jedan od stvari koje je kazao, dakle privreda koja je na koljenima, zatvorene radnje. Prođite gradom vidjet ćete koliko je poslovnih prostora zatvoreno, mala i srednja preduzeća specifično, turizam i ugostiteljstvo da ne spominjem. Znanate i obrte također. U tim uslovima premijer kaže da će se u privredi baviti sa 900 krava. Uz dužno poštovanje opet prema svim ljudima koji se bave poljoprivredom i stočarstvom, ona kao takva jeste bitan segment svakog društva, međutim Kanton Sarajevo u situaciji u kojoj se nalazi zaista to ne bi smio biti prioritet kada je privreda u pitanju. To može biti samo jedan od segmenata rada. On je to istakao kao specifičnost budućeg rada Ministarstva privrede i PD Butmir. Ako sam ga dobro shvatio. Mnogo ću više kazati u diskusiji. S obzirom da su ovo pitanja. Ja bih želio konkretna pitanja postaviti. Prvo premijeru Fortu a onda i pojedinim ministrima. Za premijera Fortu bih želio pitati šta mu znači stvoriti partnerstvo sa finansijskim institucijama, što je naveo u Ekspozeu. Dakle, kreditno zaduživati Kanton Sarajevo jel to što je htio da kaže? Ili našao je adekvatan izraz stvoriti partnerstvo, nije to nikakvo partnerstvo. Vjerovatno gospodin Forto planira nastaviti praksu koju je radio kada je bila Vlada šestorke sa prekomjernim zaduživanjem Kanton Sarajevo. I to ćemo sada ko pratiti. Dalje zapošljavanje užih i širih članova porodice u komunalnoj privredi i komunalnim javnim preduzećima je istakao kao jedan negativan fenomen. Želim da ga pitam da li je on, ovdje doduše vrlo stidljivo priznao da su oni zapošljavali članove porodice pa čak i naših kolega zastupnika u KJP? I ako je to tako onda je to za hvalu, pohvalu. Samo želim da znam da li je ovo izvinjenje javnosti, priznanje grešaka koje je pravio u proteklom mandatu ili je ipak ovo prebacivanje krivnje na druge političke opcije, na druge Vlade koje su nekim ranijim periodima vladali? Također kazao je naš u Ekspozeu, piše naš grad će biti čist. Ranije smo uključivali građane u akcije čišćenja. Želim da ga pitam da li gospodin Forto čišćenje i probleme sa čistoćom u Sarajevu vidi rješenje na način da građani Kantona Sarajevo čiste ulice dok KP Rad tenderiše? Provodi opasne i ozbiljne nabavke koje su predmet istražnih radnji svih relevantnih institucija. Dakle KP Rad će davati političkim saradnicima i ljudima iz većine poslove višemilionske a građani će čistiti Kanton. I posljednje pitanje za premijera Fortu, ne mogu ih više imati jer mu je Ekspoze na tri stranice, četiri. Ne znam ni ja koliko, što je vrlo neozbiljno i zaista razočaravajuće od njega. Kazao je da će u obrazovanju fokus staviti moram pročitati da ne bih pogriješio, dakle u osnovnom obrazovanju i odgoju, prva rečenica koju je stavio da će u fokusu biti borba protiv šovinizma, rasne, etničke i vjerske mržnje. Ja sam se šokirao. Premijer Forto hoće da kaže da naša djeca u obdaništima, u predškolskim ustanovama i OŠ imaju probleme sa rasnom mržnjom, sa vjerskom mržnjom, sa šovinizmom. Ja mislim da građani Kantona Sarajevo i naša djeca nikada u historiji ove Skupštine nisu imali teže optužbe od ove koju je premijer Forto sada iznio. Uz dužno poštovanje prema svima, svjestan činjenica da sigurno postoje izolovani slučajevi koji bi se kao takvi morali posmatrati, ali staviti kao prvu tačku borbu protiv šovinizma, nacionalne, vjerske mržnje kod djece, maloljetnika, to je mene šokiralo. I tražim od premijera Forte da obrazloži ovo i da ukoliko sam ga pogrešno shvatio a nemam ga šta pogrešno shvatiti jer jasno piše, ja ću to objaviti pa građani mogu vidjeti da se izvine svim građanima Kantona Sarajevo i njihovoj djeci zato što ih je optužio da imaju problem sa nacionalnom, vjerskom mržnjom i šovinizmom. To je zaista šokantno. Ovo nisam vidio nikada u životu, ovako tešku kvalifikaciju spram djece, pazite. To osnovno obrazovanje i srednjeg i predškolskog odgoja to su sve maloljetnici. I oni mrže? To je problem Kantona Sarajevo, jel premijeru? Zaista šokantno. Kada su u pitanju pojedini ministri, želio bih postaviti nekoliko pitanja kandidatima za ministre. Prije svega gospodinu Adnanu Šteti, želio bih ga pitati šta je formalno po struci s obzirom da njegovu biografiju ja nisam dobio na e-mail ne mogu da vidim gdje je završio fakultet. Zanima me gdje je ministar Šteta završio fakultet, na kojem univerzitetu? To je prvo pitanje. Drugo pitanje i za premijera i za

ministra Šetu. Molim vas. Projekat tramvajskih stajališta. Ovo građane Kantona Sarajevo posebno ih pozivam da ovo slušaju. Ministar Šeta kada je bio ministar u ranijem sazivu Vlade Edina Forte potpisao je ugovor 19.10.2018. za implementaciju prve faze projekta sa rokom izvršenja šest mjeseci. Naravno s obzirom da nije nikada završena, evo prošlo je dvije godine, građani vide da nema ništa od novih tramvajskih stajališta, da nema nikakvih naplata elektronskih. Međutim ono što građani Kantona Sarajevo mogu vidjeti ako uzmu relevantne dokumente jeste da je ministar Šeta isplatio preko 4 miliona ili tačnije 4.611.000 firmi odavno u javnosti poznatoj kao bliskoj SDP. Dakle platio 4,5 miliona naših para unaprijed za realizaciju projekta koji nikada se nije desio. Elektronsku naplatu karata. I pitanje je koliko će još morati potrošiti na javne radove. Pazite molim vas, ne samo da je platio taj iznos BS Telecomu, nego je dalje imenovao nadzornog inženjera. Nadzor je predložio čovjek koji se bavio izvođenjem radova. To je nezapamćeno. Čovjek koji se bavi projektovanjem nadzire firma. Dakle firma sama sebe nadzire, jel to? To je također jedan skandalozan čin. Kompletan faza prve faze projekta trebala je biti završena do kraja 2019 godine. Sada je 2021 ništa nismo vidjeli od toga. Vidjeli smo na Otoci, građani Kantona to znaju ko god vozi automobil, ima neka drvena bajta koja je postavljena tamo. Već je istruhla. Traka je čitava zauzeta skretanja, mora se skretati iz ove trake. Saobraćajne nesreće su na tom mjestu učestale. Stalne. To stoji dvije godine dana. Od projekta ništa. Prema projektu zatvaranja tramvajskih stajališta, navodno predviđeno je zatvaranje tri strane stranice a četvrta strana s koje dolazi tramvaj je otvorena. I sada Kanton Sarajevo je već potrošio pet miliona i koliko bi još trebao potrošiti za sistem naplate zatvorene karata u koje ljudi mogu preko tramvajskih šina ući. To je skandalozno. Da ne govorim o Obali i o nemogućnosti objektivnoj postavljanja zatvorenih stajališta jer bi se spriječio saobraćaj pješaka, e bi mogli trotoarom hodati ukoliko bi se zatvorile već uske i male stanice. I otprilike ovo je po mom mišljenju duboko sam istražio ovaj projekat, jedan od najvećih prevara u Kantonu Sarajevo. Ikada. Jedina veća prevara, koja nije veća po finansijskom iznosu, ali je veća po procjenjivanju inteligencije građana Kantona Sarajevo jeste nabavka trolejbusa. Također koje je gospodin ministar Šeta radio. Ja koliko sam vidio kada je imenovana Vlada Edina Forte, po Fejsbuku smo mogli vidjeti lijepe zeke nove trolejbusa. Međutim nabavljeni su trolejbusi koji su rashodovani. Na PIK, zapravo na mobile.de stranici ukoliko uzmete vozila iz Švicarske vidjet ćete da ljudi dijele te trolejbusa. To je rashodovano. I pazite šta su se oni sjetili, šta je njima naumpalo. Firma iz Tuzle koja nema nikakvih poslovnih rezultata četiri dana.

Predsjedavajući:

Zastupniče molim vas.

Poslanik/zastupnik Haris Zahiragić.

Pitanje, ovo je pitanje. Samo je malo šire. Pokušat ću ga skratiti.

Predsjedavajući:

Molim vas da budete koncizniji.

Poslanik/zastupnik Haris Zahiragić.

Hoću. Dakle firma iz Tuzle uveze po 10.000 trolejbusa a naša Vlada ih plati i ministar Šeta 120.000. pitam ga da li namjerava i ove trolejbusa koje su najavili nabavku opet nabavljati rashodovano smeće koje vrijedi samo u željezu? To je pitanje konkretno. I treće pitanje za gospodina Šetu, projekt adaptivno upravljanje saobraćajem. Dakle promijenjen je Plan javnih nabavki 30.12. gdje je povećana nabavka sa 9 na 11 miliona, uprkos mišljenju ekspertne skupine. Dan kasnije nakon što se čulo da će Vlada otići raspisan je javni poziv vrijedan 11 miliona. FUP izuzimala je dokumentaciju koliko ja znam iz tog slučaja i zanima me da li će nastaviti na taj način provoditi javne nabavke u Ministarstvu saobraćaja? To su četiri pitanja i

očekujem odgovor na sva četiri od strane ministra Štete tj od strane premijera Forte. Kada je u pitanju ministar, kako se sada zove ministarstvo komunalne privrede, urbanizma i kako ste ga već spojili i sastavili, želio bih ga pitati koja su njegova iskustva i šta on zna u urbanizmu i zaštiti okoliša s obzirom da niti je te struke niti ima takvo iskustvo. Pitanje za premijera Fortu i za sve kolege iz nove skupštinske većine, s obzirom da je gospodin najavljen kao nestranački ministar po medijima a da je on bio kandidat za načelnika Breze ispred Stranke NiP gdje je osvojio zaista malih 500 glasova, koji je bio glavni motiv da njega predložite? Čovjeka koje građani Breze nisu željeli doveli ste u Kantonu Sarajevo da upravlja sada najvećim i najvažnijim Ministarstvom u Kantonu Sarajevo, sada kada ste spojili dva vrlo značajan Ministarstva. Kada je u pitanju rad gospodina ministra koji će biti Envera koji je bio ranije direktor VIK-a želio bih da ga pitam da li će nastaviti šta je s projektom EBRD? Koji je iznos sredstava do sada povučen? Koliko je nepovučeno? Koji su ukupni pojedinačni iznosi plaćanja provizija za nepovučena sredstva? Šta se dešava s kreditom EBRD-a? I posljednje pitanje za njega da li je istina, ja sam dobio informaciju pred ovu Skupštinu od uposlenika iz VIK-a da je on prilikom imenovanja za v.d. zatim i za direktora dobio ugovor na neodređeno iako to po Zakonu ne bi se smjelo dešavati? Tako da nakon što je smijenjen ostao je raditi. I na kraju pitanje za ministra Katicu. S obzirom da je posljednjih godinu dana bila vrlo aktuelna tema VSTV na svim onim press konferencijama, na svim sastancima VSTV nisam mogao a da ne vidim da pored Milana Tegeltije bivšeg predsjednika VSTV sjedi gospodin Katica kao šef kabineta gospodina Tegeltije. Mene zanima sada da li ministar MUP-a budući smatra da je stanje u VSTV dobro, da li smatra da je stanje u pravosuđu dobro, da li smatra da naša vrijedna policija treba se bojati kriminalaca i ne smjeti ih hapsiti zato što kada ih uhapsi pravosuđe ih pusti. Građani Kantona Sarajevo su posebno u strahu radi toga. Niko ne smije kriminal uopšte prijavljivati, policajci se ustručavaju radi svojih porodica da se bave tim teškim kriminalitetom jer znaju daće ih pravosudni sistem pustiti. Želio bih mišljenje gospodina Katice da li je zadovoljan radom VSTV, gospodina Tegeltije i šta on misli o tome i je li imao uopšte uticaja u tome? Da li je on kao šef kabineta bio dio VSTV i da li je učestvovao u radu VSTV na taj način? Za sada toliko pitanja a kroz diskusiju ćemo naravno neke druge stvari delegirati. Hvala predsjedavajući.

Predsjedavajući:

Zahvaljujem kolega Zahiragiću. Pitanje ima zastupnik Hamed Aljović.

Poslanik/zastupnik Hamed Aljović:

Predsjedavajući čujemo li se? Zahvaljujem predsjedavajući. Selamim i pozdravljam sve kolegice i kolega zastupnike i građane koji nas prate na malim ekranima. Imam prvo pitanje za kandidatkinju za ministricu odgoja i obrazovanja. Molim vas da mi odgovorite koliko ste upoznati sa procesom kurikularne reforme u Kantonu Sarajevo, tj aktivnostima na kojima rade stručni timovi? Da li znate u kojoj je fazi izrada samog kurikularnu? Šta vi planirate uraditi po pitanju istog? Da li je to prioritetno ili ne? Mislim da nakon rezultata Timsa i Piza testa mi više ne smijemo gubiti vrijeme za bolje obrazovanje. Moje drugo pitanje upućeno je prema kandidatu za ministra za boračka pitanja u Kantonu Sarajevo. Na koji način planirate ekonomski osnažiti pripadnike boračke populacije? Drugo pitanje isto za ministra za boračka pitanja. Da li vam je poznato da porodice umrlih boraca odnosno branioca do 57 godina nemaju pravo na egzistencijalnu naknadu prema Zakonu o dopunskim pravima boraca. Da li planirate ispravite tu nepravdu prema tim porodicama? Zahvaljujem.

Predsjedavajući:

Zahvaljujem kolega Aljoviću. Pitanje ima zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi, svi vi koji pratite rad ove sjednice. Pa imao bih ja ako puno pitanja vezano za Ekspoze mandataru ili premijera budućeg. Međutim uvažavajući činjenicu da ima tu i novih ministara ne bih da ih na taj način obeshrabrujem ali će biti valjda prilike da postavimo neka pitanja koja su sasvim logična na temelju onoga što smo mogli čuti iz ne baš inspirativnog Ekspozea budućeg premijera. Ono što bih posebno istakao je to da ne bih želio da obeshrabrujem te ministre i valja njima se uhvatiti u koštac sa problemima koji su zaista gorući u Kantonu Sarajevo, pogotovo u jeku pandemije. Međutim ono što bih htio da postavim mandataru odnosi se na primarnu zdravstvenu zaštitu, pa bih samo da ga podsjetim prije nego što postavim pitanje da je u jednogodišnjem mandatu bilo prilike kada je bilo moguću reći kada su bile normalnije prilike nego danas, što se tiče primarne zdravstvene zaštite moglo se raditi puno toga ali nije učinjeno a čini mi se da je ova primarna zdravstvena zaštita zapravo primila te početne udarce pandemijske krize i mislim da je amortizirala u dobroj mjeri te snažne udare i neočekivane situacije i nepredvidive situacije s kojima smo se suočili. I ne vjerujem da je to najslabija karika u zdravstvenom sistemu. Zato pitam mandataru na koji način, i pomoću čega s obzirom na ograničena sredstva i ulaganja naravno za pandemijsku borbu odnosno borbu protiv pandemije moraju se iznaći sredstva ali i s obzirom na privremeno finansiranje na koji način se mogu popraviti ti uvjeti u primarnoj zdravstvenoj zaštiti, revolucionarnije nego što je to do sada popraviti situacija vezana za primarnu zdravstvenu zaštitu? Druga stvar ponukao me je intervjuu budućeg mandata od prije dva dana i koji se odnosi, ono što se može, barem mi očekujemo, izvjesnu korektnost od budućeg mandata jer on je u svom Ekspozeu rekao i pozvao sve i poziciju i opoziciju i sve druge ljude da surađuju kako bi unaprijedili život. Čak je govorio o tom segmentu odlaska mladih ljudi. Međutim ja ne smatram da mladi ljudi odlaze već bježe od surove stvarnosti u kojoj živimo i to je pravi termin. Mandatar je u jednom trenutku kazao da nije postojala ministrica ili nije obavljala dužnost ili kako god, to se tako zaista moglo shvatiti, rada i socijalne politike. Vrlo je nekorektno premijeru buduću, da kažete za osobu da nije radila svoj dio posla koja ni dana jednog od kada je podnijela ostavku nije odsustvovala čak ni iz zdravstvenih razloga. Obavljala je posao. Dovoljno je zbog javnosti samo da se kaže da je podigla socijalni minimum za 6%. u jeku pandemija. Radila taj posao kada niko nije htio da se prihvati vrlo užarene stolice ministra zdravstva ona je tako radila i u onom vremenu kada je obavljala tu dužnost moram kazati da je otvoren u Općoj bolnici Urgentni centar, izolatorij. Dakle i pored toga što je, nemojte da vas podsjećam premijeru, sve vam ovo govorim buduću da vas podsjećam na ono vrijeme kada je ministrica Bogunić podnijela ostavku pa nije prihvaćena nikada ostavka, znamo iz kojih razloga. Da ne otvaram ta pitanja. Ali mislim da se zaslužuje ili ispravka ili isprika ili izvinjenje ministrici Agić koja je radila na dva kolosijeka da se pri tome kaže da nije. Ona je radila svaki dan i to cjelokupna javnost zna i sada me u jednom trenutku i navodi na pomisao odnosno asocira me na Konfučijevu izreku, kaže: "Čuvajte se onim ljudima koji žele da vam nametnu osjećaj krivice". Ja ne bih volio da je to u pitanju iz prostog razloga što ne zaslužuje osjećaj krivice upravo ministrica Agić i ono što od vas očekujemo je korektnost.

Predsjedavajući:

kolega Marić molim vas da se koncentrišete na pitanja.

Poslanik/zastupnik Zvonko Marić.

To je pitanje. Ja želim ispriku. Rekao sam predsjedavajući, mislim da ste me dobro čuli, ako nekome ne prija ovo što ja kažem onda neka se stavi u položaj onoga koji je tj ministre Agić koja je morala da takve stvari pročita i svi njeni kolege, kolegice, rodbina, prijatelji itd. I svi mi. To je pitanje. I ja očekujem ispriku ili da se izjasni ili precizira šta je mislio. Hvala.

Predsjedavajući:

Zahvaljujem se kolegi Mariću. Sljedeće pitanje ima zastupnica Neira Dizdarević. Izvolite, imate riječ.

Poslanik/zastupnik Neira Dizdarević:

Hvala predsjedavajući. Pozdravljam sve zastupnike i zastupnice, članove Vlade kao i građane koji prate naš današnji rad. S obzirom da je premijer Forto u svom Ekspozeu se jednim dijelom dotakao i populacije djece s poteškoćama razvoju na molbu roditelja ove djece ja želim da postavim pitanje vezano za angažman logopeda u DZ koji je istekao sa 31.12. a navodno uslijed odluke o privremenom finansiranju postoji problem produženja ovih ugovora za dalje, u mjesecu januaru kao i za asistente i mobilne timove koji nisu za sada možda toliko urgentni jer u januaru kako je naravno raspust nema direktnog rada sa djecom ali se svakako treba raditi na pripremama individualnih nastavnih planova i programa što bi moglo prouzrokovati određeno kašnjenje ukoliko ne budemo dovoljno brzo reagovali. Vjerujem da je premijer upoznat s ovom situacijom ali evo na ovaj način želim da prenesem i poruku ovih roditelja da se ovo da kažem uzme u razmatranje u što kraćem roku. A moje drugo pitanje odnosi se na politiku nove Vlade prema zaštiti planina Bjelašnica i Igman. Budući da je ministar Kapidžić u zadnjim danima svog mandata uprkos protivljenju vlastitog sektora za okoliš potpisao pozitivno mišljenje za Regulacioni plan Igman Veliko plje sa aspekta procjene uticaja na okoliš, ignorišući niz primjedbi samog Ministarstva na čijem je bio čelu. Toliko hvala.

Predsjedavajući:

Zahvaljujem. Sljedeća zastupnica koja želi da postavi pitanje, Bilsena Šahman izvolite.

Predsjedavajući:

Zahvaljujem predsjedavajući. Pozdravljam kolege. Pozdravljam naše sugrađane. Dužna sam se zahvaliti premijeru Nenadiću i njegovoj Vladi na dobro urađenom poslu koji će se očigledno tek naknadno vidjeti koliko su dobro radili u svoj ovoj nedaći koja ih je, i nas snašla. Na žalost nisu imali podršku politike. Mnoga pitanja sa kojima se slažem su postavile kolege pa se neću ponavljati jer se evo već odužilo. Kolega Zvonko je napomenuo nešto što sam i ja htjela vezano za ministricu socijale. Ja ću budući i bivši premijeru da vas pitam da li ćete i ovoga puta voditi Vladu kao blijeda sjena? Predstavili ste Ekspoze od kojeg sam očekivala mnogo, mnogo više, osim pet floskula predstavili ste tako blijed Ekspoze da ja zaista ne mogu da vjerujem ili ste mislili da nema potrebe jer nastavljate nešto što ste nekada započeli ili ste podcijenili i nas i građane sa pompeznom najavom a na kraju je izašla samo. Više ste se fokusirali na rad bivše Vlade a ne na Ekspoze i na ono što ćete bolje uraditi. Rekli te da ćete biti premijer svih nas. Ja bih vas zamolila da to budete. Jer to u prvom dijelu mandata niste bili. Ja lično sam to osjetila, znate i sami vezano za inicijative. Što se tiče novih a starih ministara mislim da će oni raditi dobro. Ali ja bih vas zamolila i pitam vas da li ćete to moći da se malo više i energičniji i odlučnije postavite i da vodite ovu Vladu i ako treba nemojte se sustezati da tražite do Nenadića da vam pomogne u vođenju Vlade jer vi morate biti lokomotiva i voditi ministre kao što je to radio i premijer Nenadić. Toliko, kasnije ću u diskusiji nešto. Ali zaista sam šokirana ovakvim Ekspozeom. Zahvaljujem.

Predsjedavajući:

Zahvaljujem se kolegici Šahman. Nemamo više pitanja. Otvaram raspravu. Oprostite prvo ćemo preći na odgovore na pitanja. Molim mandatara gospodina Edina Fortu da odgovori na postavljena pitanja ili mu eventualno treba određena pauza da se pripremi.

Mandatar Edin Forto:

Ja mogu odgovoriti na pitanja. Zahvaljujem svim zastupnicima i zastupnicima na postavljenim pitanjima. Neka od njih su vrlo konstruktivna a neka su samo za javnost ali to ne umanjuje važnost cijelog procesa. Ja ću pokušati u najboljoj vjeri sa svojim najboljim znanjem odgovoriti. Iako su neka pitanja postavljena direktno budućim ministrima, ja ću odgovoriti u svoje ime a svi budućí ministri će imati više prilika da sa vama komuniciraju da vam direktno odgovaraju na ono što vas najviše zanima. Zastupnik Čelik. Ako neko od pitanja sam pogrešno zapisao, molim vas, slobodno zapišite pa me na kraju ispravite. Na koji način ćemo tretirati zastupnike koji ne dolaze na sjednice? Ovo je skupštinsko pitanje i ja bih volio, iako to stoji u mjerama, želim da pojasnim da je sporazum o prioritetnim mjerama ustvari sporazum skupštinske većine na osnovu koje ova Vlada će raditi. Ali one stvari koje su vezane za skupštinske poslove potrebno je da vi u Skupštini u zakonodavnom dijelu vlasti riješite između sebe. Uređenje Stojčevca i Vrela Bosne, kojim konkretno projektima se može nadati? Evo to je pokrenuto ve ranije dok smo u prvom dijelu mandata bili. Neka sredstva su odvojena za pripremu projekata za uređenje Stojčevca. Neke pripremne radnje su i ovoj sadašnjoj Vladi urađene a ja vam mogu samo obećati da ćemo nastaviti aktivnosti. Projekat je koliko znam već spreman i po njemu ćemo raditi uređenje Stojčevca. Što se tiče uređenja Vrela Bosne je kao park sastavni dio JU Zaštićena područja Kantona Sarajevo i u sklopu razvoja i te ustanove ćemo raditi projekte na unapređenju ponude na Vrelu Bosne. Tako da zastupniče Čelik nemojte se brinuti, nastaviti ćemo započete aktivnosti i dovršiti ovo što smo rekli. Zakon o borbi protiv nepotizma nisam najbolje vidio koje je ustvari pitanje zastupnika Čelika. vidim da se on raduje ovom Zakonu. Ja samo mogu reći da je ovaj Zakon započeo u prvom dijelu našeg mandata, ministrica je to već bila pokrenula široku stručnu raspravu, i pripremu za ovaj Zakon. Tako da će ovaj Zakon u nekoj vrsti nacarta vrlo brzo doći vama na dnevni red u Skupštinu. Da li će se nastaviti trend razvoja investicija na Bjelašnici? Da. Zgrada u Otesu, otkup zgrade. Hoće li biti otkupa zgrada u Otesu i kada. Ovo je ministar iz prvog dijela mandata, ministar Garibija već pripremio. Potpisan je sporazum. Da, zgrade u Otesu će biti otkupljene. Ono što smo uradili u prvom dijelu mandata je činjenica da tim sporazumom s vlasnikom te zgrade iz Austrije smo uštedjeli višemilionski iznos za budžet Kantona Sarajevo i skratili period u kojem će oni upravljati tim zgradama suštinski, kada će biti transfer na Kanton. Ja ne vidim nikakvu prepreku da kada se prenese vlasništvo sa sadašnjih vlasnika na Kanton, da se onda u skladu sa posjedovanjem, tačnije sa korištenjem tih stanova da se dalje prenese vlasništvo na krajnje korisnike. Da li će se naknada za šume ukinuti? Iskreno se nadam da hoće i to što prije. To je isto nešto što smo započeli ranije. Ministarstvo finansija je organizovalo u skladu sa, u saradnji sa Udruženjem poslodavaca Kantona Sarajevo raspravu o više parafiskalnih nameta. Ovaj namet je bio jedan od prvih u kojem se raspravljalo. Tačno je u pravu je zastupnik Čelik da će to biti udar na budžet u smislu da ćemo mi kao država uzeti manje novca iz privatnog sektora, i trošiti ga na način na koji se to već troši, u skladu sa Zakonom o budžetu, ali ono što ćemo mi ustvari pokušati da uštedama na drugim mjestima, u nepotrebnoj potrošnji, boljim upravljanjem naših kantonalnih firmi i institucija da ćemo dovoljno uštedjeti da ovaj iznos koji godišnje varira između tri i pet miliona KM, da možemo apsorbirati kroz budžet kako bi napokon privatni sektor oslobodili ovog potpuno suludog nameta. Jer ovaj namet je suštinski svim firmama bez obzira imaju li one ikakve veze sa drvnom industrijom a veća njih u Kantonu Sarajevo nema. Rekonstrukcija stare željezničke stanice na Ilidži. Ovo je isto, shvatio sam kao vaš komentar da je to jedan dobar projekat, slažem se. To je također projekat koji je mislim zastupnik Vreto pokrenuo još početkom 2019 godine, nema razloga da ne nastavimo sa ovim projektom i ne dovršimo ga. Zastupnica Kerla, zašto se u Ekspozeu ne vidi jasno uloga premijera u najavljenim reformskim procesima i šta će premijer, šta ću ja uraditi, kako mislim koordinirati rad ove Vlade? Osnovni posao premijera je da koordinira rad Vlade. Ja ću to raditi najbolje što znam zastupnice Kerla. Zašto se ne vidim jasno uloga premijera u Ekspozeu? Zato što se uloga premijera podrazumijeva u radu svake Vlade. Moj rad je definisan i Zakonom o

Vladi i Poslovníkom koji uređuje rad Vlade. Kako ću balansirati odnose unutar Vlade? Imam li ovlaštenja da upravljam u slučaju neslaganja? Pretpostavljam neka politička neslaganja. Kakvu ću ulogu imati u rješavanju sporova između stranaka i samostalnih zastupnika? I imam li ovlaštenja da se naslonim na sporazum koji sam vam dostavio kao dodatak ovom Ekspozeu. Balansiranje odnosa unutar Vlade je sastavni dio mog posla. Što se tiče politike, politika će raditi svoje kroz zakonodavnu granu vlasti. Vi ste svi zastupnici dole, svi ste jednaki i uticat će na nas onoliko koliko nam Zakon dozvoljava a mi ćemo raditi u skladu sa Zakonom. Zašto u mjerama nema naznaka da će biti stalni monitoring online nastave? Nisam najbolje shvatio, ja sam svjestan da uvođenje i to brzo uvođenje online nastave za veliki broj djece ali i studenata usljed pandemije je izazvalo dosta negodovanja jer je to ustvari jedna tranzicija koja je urađena brzo, ali ja vam moram vas uvjeriti da je to nešto što će biti fokus unapređenje nastave u uslovima pandemije. I to piše u mjerama. To sam iznio u Ekspozeu. Zašto prioritet nije sistematično testiranja stanovništva? Jedna od mjera zastupnice Kerla je upravo uvođenje i drive in testiranja koje kod nas postoji u primarnoj zdravstvenoj njezi u Domovima zdravlja samo na papiru. A mi ćemo ustvari uvesti i tako to i piše, stvarno drive in testiranje gdje će ljudi moći doći svojim automobilima i bez miješanja sa drugim, potencijalno zaraženim građanima i bez rizika po sopstveno zdravlje u slučaju da su negativni, a i sa umanjenim rizikom za zdravstveno osoblje koje to vodi. Mi već planiramo možda neke lokacije u saradnji sa lokalnom zajednicom. Zašto se mjere za zrak svode na visoke tehnologije a ne vodi se računa o subvencioniranju energenata? Kako mislimo riješiti problem zabrane uglja? Ne znam tačno na koje visoke tehnologije ste mislili zastupnice Kerla. Ali mjere za zrak se suštinski u našem okruženju svode na sljedeće: da ljudi imaju manje potrebe za energijom. Znači da ljudi koji se griju u zimskim mjesecima da im treba manje energije koji god energent oni koristili. Da bi ovo postigli potrebno je da uradimo dvije stvari: jedna stvar je da utoplamo individualne objekte stanovanja, kako bi ljudi sa manje energije mogli da ugrije svoje domove. I drugi način je subvencioniranje novih tehnologija ili starih tehnologija koje su kvalitetnije gdje se sagorijeva energent. Jedan projekat o kojem se govori već ovih dana je i projekat koji je pokrenula trenutna Vlada sa ministrom Kapidžićem je zamjena peći. Mi pozdravljamo takav projekat. Vidjet ćemo koji je ustvari opseg tog projekta, koliko tačno novca treba da se on sprovede i koji su kriteriji dodjele ovih peći. Ali zamjena peći nisko kvalitetnih onim boljim i visokokvalitetnim će također smanjiti emisije u zrak. Tu nisu nikakve nove tehnologije ali ako govorite o utopljavanju javnih objekata, to je nešto što, evo ako bi mogli zamjeriti, to je činjenica da postojeća Vlada i ministar Kapidžić uz svu brigu o zraku nisu sproveli projekat koji smo mi već bili pripremili a to je utopljavanje velikih kantonalnih objekata. To je ne samo dobra mjera za zrak nego je i ušteda. Jer je to ulaganje gdje je povrat novca u samo par godina. To bi bilo oko 20 miliona KM gdje spremnih preko EBRD bez kamata jer je 20% toga (smetnje) koja pokrivaju sve troškove i kamata i konsultanata. Znači projekat koji je bio spakovan samo da se sprovede. Mi ćemo ga naravno pokrenuti opet i to je jedna od mjera za zrak. Što se tiče vašeg pitanja u dijelu subvencije energenata. Mi bi trebali kao jedna država koja ima, čije stanovništvo je energetska siromašno. A kada ste energetska siromašni to znači da veliki dio svojih izdvajanja dajete za energiju u odnosu na neke zemlje koje su naprednije od nas. Mi treba da smanjimo potrebe građana za energijom. To je najvažnije. Subvencioniranje postojećih energenata ne vodi tome. Neće umanjiti potrošnju energije subvencioniranjem energenta. U prvom dijelu mandata bila jedna šokantna odluka Federalne Vlade da poskupi Sarajevu plin za jedan značajan iznos. Tada smo mi kao Vlada a vi kao Skupština, jer vi ste zastupnice Kerla tako glasali da se uvedu subvencije za plin kako ne bi dodatno poskupilo grijanje građanima, i kako građani koji već imaju plin ne bi prešli na manje prihvatljiva ekološka goriva. I zadnji dio vašeg pitanja Kako riješiti problem zabrane uglja? Ministar Kapidžić je u jednom dijelu i u javnosti dosta je govorio o zabrani uglja. Nisam primijetio da li postoji, možda ćemo zateći u Ministarstvu neki akcioni plan, procjenu koliko bi to koštalo i kako bi uredili taj sistem u kojem mi građanima zabranite nešto što je do jučer

bilo legalno i što je istovremeno za njih najpovoljnije. (smetnje) u tom trenutku. (smetnje) u posjedu studije koja govori da građani kada imaju para, znači kada kućanstvo ima novca rado prelazi sa uglja i drva na plin i na čišće energente. Dakle ljudi da imaju pare da bolje žive oni bi naravno prešli na bolje energente. Oni koji koriste prljave energente su oni koji su prisiljeni na to. Mi ćemo im pomoći da to prevaziđu. Mi možemo zabraniti ugalj koji je najslabijeg kvaliteta, pojačati inspekcijski nadzor pravnih subjekata koji u Kanton dovoze i prodaju taj ugalj. Ali ne podržavamo zabranu nečega što je ljudima osnovno njihova prava a to je da se griju za novac koji oni imaju. Jer bi tom zabranom pokrenuli možda lavinu subvencija za koju nisam siguran da li ih možemo isfinansirati. Radije ćemo ići na to da oni koji koriste ugalj da ga puno manje koriste jer im je kuća utopljena i sređena a ne da im subvencioniramo ugalj i da ga oni troše onoliko su im do tada i da zagađenost bude kao što je sada a to je neprihvatljivi nivo za građane. Eh, koji su razlozi za ovakav odnos u kulturi ako ih ostavljamo, ako javne ustanove u kulturnom sektoru ako ih ostavljamo europskim kulturnim fondovima. Je li ovo jedini način rješavanja problema u kulturi jer se ne spominje edukacija neophodna za pristup EU fondovima. Ovo je mjera koja je ustvari iz 2018 godine, ona znači da JU u kulturi ne trebaju samo da se svode na korisnike budžetske, na budžetska sredstva nego da i sami u svojim kapacitetima unaprijede rad i kroz saradnju EU fondove ali i regionalnu i drugu saradnju unaprijede ponudu i svoj rad i generalno položaj ovih ustanova. Ovdje nema ništa kontroverzno. Ako postoji potreba za obukom kadra bilo kojeg od ovih kulturnih institucija kako bi lakše pristupili regionalnoj saradnji EU fondovima mi ćemo tu rado pomoći. Očuvanje ventilacionih koridora se ne vidi nigdje vjerovatno u Ekspozeu ili mjerama. Da li to znači da navedena problematika nije naš prioritet? Da li ću ja pokazati sluha da se donesu mjere koje će smanjiti razine zagađenosti? Evo ja sam o zagađenosti već u jednom dijelu pitanja prije govorio. Osim ovih utopljavanja individualnih objekata, proširenja plinskog dometa, znači proširenje obuhvata plinskog grijanja, proširenje obuhvata centralnog grijanja, postoji još jedna mjera ključna za naš zrak, a to je ustvari javni prijevoz i regulacija u saobraćaju. Adaptivno upravljanje u saobraćaju koje su još neki zastupnici pomenuli, na to ćemo doći. Unapređenje javnog prijevoza, smanjenje saobraćajnih gužvi to će doprinijeti kvalitetu našeg zraka, jednako kao i ove energetske mjere koje sam pomenuo. Studija o ventilacionim koridorima koja je u proteklom periodu dosta se o njoj govorilo, ja ću napomenuti vas ali i javnost, Studiju o ventilacionim koridorima je usvojila ova Vlada u prvom dijelu mandata na prijedlog ministra Damira Filipovića. Prestanite se ponašati kao da je ova Vlada na bilo koji način protiv te Studije. Mi usvojili tu Studiju i poslali je vama na Skupštinu. Znači, samo da se podsjetimo na neke stvari. Ja ne mogu da vjerujem da se stalno priča o toj Studiji kao nešto protiv čega ćemo mi biti. Znači mi donijeli tu Studiju. Šta je sa dijagnostičkim kadrom na Fakultetu zdravstvenih studija, da li ćemo ga unaprijediti novim sistematizacijama koje se spominju u mjerama? Evo iskreno da vam kažem zastupnice Kerla nisam upoznata s ovom problematikom ali rado ću vam naknadno odgovoriti na to. Znači kadar na Fakultetu zdravstvenih studija, dijagnostički kadar neće biti nikakav problem da se u konsultacija sa ministricom visokog obrazovanja i sa samom ustanovom, ovim Fakultetom, da vam zajedno odgovorimo na ovo pitanje. Zastupnica Amra Hasagić javni poziv Ministarstva kulture i sporta da li će biti transparentno? Hoće biti će transparentno. Postoje i sadašnji ministar Alikadić izvinjavam se pošto pokušavam što prije da odgovorim na veći broj pitanja ovdje je zaradio pohvale javnosti zbog transparentnog načina trošenja sredstva u svom resoru, posebno u prvom dijelu nakon svog imenovanja. Nema nikakvog razloga da mi ne nastavimo transparentno i da još dodatno ne unaprijedimo transparentnost dodjele sredstava u ovom resoru. Stambeno pitanje mladih, da li će program rada novog Ministarstva uključiti ovaj program koji je već pokrenut? Ministar će odlučiti kroz budžet koji ćemo donijeti nadam se već do kraja januara za 2021 godinu. Odlučit će na koji način će se tretirati ovakve vrste programa. Ako je ovaj program pokrenut do te mjere da bi bilo protivpravno ga zaustaviti, mi ga naravno nećemo ni kočiti ni zaustaviti. Ali na ovo pitanje vam možemo odgovoriti tek

možda na usvajanju budžeta će biti pravi, na nacrtu će biti pravi trenutak da razgovaramo o ovom pitanju. Možemo li očekivati pomoć u industrijskim zonama u Ilijašu i Semizovcu i na koji način. Možete očekivati finansijsku pomoć. To smo radili i u prvom dijelu mandata uz šok i nevjericu načelnika koji su mislili da iz političkim razloga neće dobiti ovu pomoć. Dobit će je svi projekti koji su dobri bez obzira na političku pripadnost. Ako su ove industrijske zone spremne, mi ćemo pomoći. Ja znam pouzdano da ova u Semizovcu još nije formirana a ako je načelniku Vogošće, Ilijaša ako im je potrebna naša pomoć mi ćemo rado pomoći. Zastupnik Dević. Za ministricu pravde je vezano. Ovo je pitanje vezano za prijedloge Zakona iz prve ja kažem iz prvog dijela mandata, kada je bila Vlada šestorke. Zakon o prijavljivanju imovine, Ustavni sud je naložio usklađenje Zakona, kao i za Uredbu o zapošljavanju koja se (smetnje). Kada će sve to biti usklađeno? Zastupniče Deviću ja mislim da ste vi već mogli pitati sadašnju ministricu pravde i uprave jer je ona upravo i odgovorila, uradila je analizu i odgovorila Ustavnom sudu na koji način se ovi akti usklađuju. Sve što je potrebno dodatno uskladiti to ćemo uraditi u rekordnom roku, naravno uz šire angažovanje stručne javnosti. Moram vas podsjetiti da su ovi zakoni iz početka naišli na skepsu javnosti kao i u stručnoj javnosti. Ali na naše insistiranje ovaj Zakon i ova Uredba su doneseni i sprovede se u stvarnosti. Apelacija na postojeći Zakon o organima javne uprave, ovo je za javnost. Zakon kojem su resori presloženi, posebno kada se radi o spajanju resora prostora i komunalne privrede, kao i razdvajanje resora u obrazovanju. Pitanje glasi da li ćemo napraviti pravnu nesigurnost i kako to mislimo riješiti ako se Ustavni sud presudi vjerovatno protiv ovog Zakona ovakvog. Zastupniče Deviću ovo je skupštinsko pitanje. Znači Skupština je donijela taj Zakon. Ako bude potrebe da se nešto uskladi ili promijeni u skladu sa presudama bilo kojeg suda koji nam je nadležan, mi ćemo naravno tome i pristupiti i mislim da ne ulazimo ni u kakvu pravnu nesigurnost. Ne vidim ovo je samo komentar vezano za brigu o krava, ja sam namjerno pomenuo brigu o kravama i znajući da će ovo skrenuti sa nekim možda važnijih tema, htio sam objasniti javnosti, a zastupnici ovo vrlo dobro već znaju, javnost nije svjesna, da se Vlada Kantona, između ostalog bavi ugostiteljstvom, uzgojem na farmama i drugim stvarima kojim se država ne bi trebala baviti. Napredne države ne rade ovo što Kanton Sarajevo radi. To ukazuje ili da smo imali višak para pa se bavimo nečim što je neefikasno ili nismo znali dobro da radimo. Znači samo je pomenuto kao plastičan primjer čime se sve Kanton mora baviti. Naravno da to nije ključno pitanje. Ključno pitanje u privredi je oporavak od posljedica pandemije. Da li će ministar privrede dozvoliti da bude. Ovo nije relevantno. Zastupnica Viteškić. Kako mislimo riješiti štrajk radnika u zdravstvu? Zastupnice Viteškić, zastupnici u zdravstvu su pokrenuli u štrajk za ko ji ja duboko vjerujem da je bio političke prirode. Na naše kada je naša Vlada u prvom dijelu mandata ponudila kolektivni ugovor, ovaj Sindikat je odbio i stupio u štrajk. Ja bih postavio možda kontra pitanje rukovodstvu ovog sindikata kako su dozvolili da 22 mjeseca radnici budu nezaštićeni bez potpisanog kolektivnog ugovora? Da li su svjesni da neko buduće rukovodstvo bilo koje zdravstvene institucije, gdje rade radnici iz ovog sindikata, da se jednostavnom izmjenom sistematizacije ljudi mogu ostati bez posla. Ljudi koji su bili zaštićeni a više nisu zahvaljujući nekom čudnom pristupu pregovorima ovom sindikatu. Prvo su dozvolili da istekne taj kolektivni ugovor a onda su odbili da potpišu novi. Ono što vam ja mogu reći vezano za radnike u zdravstvu, radnici u zdravstvu, medicinski kadar će biti fokus ove Vlade, oni su prvi front odbrane od pandemije. Ali generalno prvi front bilo kakvog izazova koji imamo u zdravstvu. Zdravstveni radnici će uvijek biti fokus ove Vlade. Za administraciju, koja radi u zdravstvu nisam siguran. Znači zdravstveni radnici. I mislim da sindikati treba da znaju da iskoriste ovaj fokus koji će i ova Vlada imati na radnicima u zdravstvu, zdravstvenim radnicima. Imate li uvid u dosadašnju certifikaciju zdravstvenih ustanova i da li ćemo nastaviti te aktivnosti, posebno u DZ? Mislim da zastupnica Viteškić govori o instituciji AKAZ koja certificira sve zdravstvene ustanove. Naravno da će ovo biti fokus. Htio sam nešto reći ali ću preskočiti. Mislim da Smiljana Viteškić član vaše porodice radi na certificiranju u DZ i on vam je sve ovo mogao reći. Aktivan nadzor Zdravstvene

komore. Kako ćemo ovo raditi imajući u vidu da je zdravstvena komora samostalna. U skladu sa zakonskim propisima gdje Ministarstvo može tražiti određene informacije od komora. Znači samo u skladu sa zakonom, ne pada nam na pamet da idemo van svojih ovlasti. I da uređujemo rad Ljekarske komore na način koji to Zakon ne propisuje jer oni jesu samostalni. Možemo li ponovo raditi na Plana reorganizacije restrukturiranja zdravstvenog sektora koji je već usvojen u Skupštini. Dijelovi tog plana reorganizacije jesu ono čime bi se mi htjeli baviti samo što je taj plan donesen na jedan ishitren način. Ono što mi moramo uraditi je polako pristupiti reorganizaciji našeg zdravstvenog sektora. Pri tom, mi ne govorimo o reformama, govorimo o reorganizaciji na način da se zdravstvene institucije u Kantonu Sarajevo usklade sa federalnim zakonom o zdravstvenoj zaštiti što sada nije slučaj, mi smo zadnji Kanton koji to nije uradio. Uredba o zapošljavanju. Postoji li mogućnost da se Uredba pojednostavi u segmentu prijema deficitiranog medicinskog kadra? Prijem je komplikovan u DZ, jer se ne zna da li će se konkurs poništiti a zdravstveni radnici čekaju. Možda postoji mogućnost da se zbog hitnosti neki dijelovi pojednostave u Uredbi. Ali mi o tome tek analizu toga tek možemo pristupi nakon imenovanja, ta Uredba je takva kakva jeste, ona je zakonski obavezujuće za sve ustanove. Ako bude načina da pojednostavimo posebno u okruženju pandemije, mi ćemo to uraditi. Trenutno vam ne mogu odgovoriti da li to stvarno možemo uraditi. Nije pomenuta poljoprivreda i poticaji, nije pomenuta (nerazumljivo) djelatnost. Ako ovo stavim u formu pitanja, vjerovatno kako ćemo raditi sa poljoprivrednom i poticajima. Zakonski određeno u Zakonu o poljoprivrednim poticajima će dati budućem ministru privrede određena sredstva koja po Zakonu će raspolagati, to bude po nekad pet ili šest miliona godišnje KM, zavisno od visine budžeta gdje e procentualno određeno. Ono što je fokus ove Vlade da svi poticaji koji budu išli iz Ministarstva poljoprivrede i Ministarstva rada će ustvari biti fokusirani na ono što smo na početku rekli. Na radna mjesta spašavanje postojećih i širenje broja radnih mjesta u privatnom sektoru. Ja se iskreno nadam da će ovi poticaji imati svoje učinke i napominjem da kroz istoriju dodjele ovih poticaja nismo se baš nadgledali analize učinaka ovih poticaja da li oni išta dobro donose Kantonu i građanima. Budući ministar privrede će upravo ovo raditi, pratit će učinke poticaja koje on dodijeli. Koji je nacionalni sastav Vlade? To preliminarno dok smo razgovarali, dok smo pregovarali o Vladi, ovo smo pomenuli više zato što je to stvarno često bude u interesu javnosti. Ispraviti će me sada prisutni ako griješim jer to nikada nije bio fokus mog rada, prebrojavanje po etničkoj pripadnosti. Iz reda bošnjačkog naroda od 13 mislim da je 9 pripadnika. Iz reda srpskog naroda 1 član Vlade. Iz reda hrvatskog naroda 1, i iz reda Ostalih 2. mislim da sam dobro rekao. Zastupnik Nikšić je uputio isto ovo pitanje samo malo strožije jer se pozvao na član Ustava, član 27. i ovo je pitanje bilo za komisiju skupštinsku komisiju a ne za mene, pa ću ga preskočiti. Zastupnica Bišćević-Tokić imamo li analizu mjera poticaja za obrte? Odakle ćemo plaćati bolovanja' da li ja znam razliku između bolovanja i simbolizacije? Zašto poticaju idu obrtnicima a ne drugim građanima Kantona Sarajevo? Zastupnice Bišćević-Tokić mi ćemo o poticajima tek razgovarati. I kroz budžet koji ćete vi dobiti u nacrtu i u prijedlogu ćemo vidjeti kako će biti poticaji dijeljeni, po kojim kriterijima. Ono što je ključno je da poticaj, posebno kroz Ministarstvo privrede koliko znam nisu planirani u nacrtu postojeće Vlade, ali mi tek kada uđemo u institucije, posebno finansije i kada u komunikaciji sa višim nivoima vlasti, posebno sa FBIH, kada budemo znali na koje transfere drugih novima vlasti tranše od MMF, od EU; i druge izvore zaduživanja, na koja sredstva možemo računati za poticaje. Ali sigurno će ovo biti jedna od glavnih tema na usvajanju budžeta. Da li mislim da sada Sarajevo nije pametna sredina? Vjerovatno pozvali ste se na moju izjavu da Sarajevo treba biti pametna sredina. Nemojte pogrešno shvatiti zastupnice Bišćević-Tokić ovo se nije odnosilo na pamet i inteligenciju građana, nego u smislu uvođenja novih tehnologija, pametno upravljanje. Evo neki ste se također oglasili po pitanju urbanizma, razvoja, itd. (smetnje) pametne tehnologije. To je nešto o čemu se puno govori. I što bi mi voljeli. To je suštinski uvođenje novih tehnologija u pojačanje kvaliteta života. Nisam ništa loše mislio, nadam se da vas ovaj odgovor zadovoljava. Na koji način ćemo

donijeti tarifnu politiku za komunalna preduzeća? To će svi znate, ustvari ne znam koliko svi znate, ali volio bih da svi znate da postojeća tarifna politika diskriminira privatni sektor. Da ljudi koji su poduzetnici, koji stvaraju radna mjesta, stvaraju vrijednost, pune naše budžete, su diskriminirani na način da plaćaju skuplje grijanje, skuplju vodu, skuplji plin i skuplji odvoz smeća. Ako bude u ovom prvom periodu mijenjanja tarifne politike, bit će u pravcu da uštedama proizvedemo novac koji onda možemo vratiti privatnom sektoru kroz ispravku ovih nepravedne tarifne politike. Ali to je vrlo ozbiljan dokument koji tek treba da donesemo. U programu nema vjetrokoridora, ova studija o vjetrokoridorima iako pričamo o zraku. Ja sam već komentarisao, znači mi smo donijeli tu Studiju. Nema potrebe da se pretvarate kao da smo protiv te studije. Nema ničega ni o urbanizmu. Koji su ciljevi kako bi se smanjila zagađenost zraka? Već sam u prethodnim odgovorima rekao neke osnovne pravce u smislu smanjena zagađenosti zraka. Jedna od stvari koje ću sada dopuniti ono što sam već rekao, najranjivija kategorija zbog zagađenja zraka su djeca. I to djeca u predškolskim i osnovnoškolskim ustanovama. Dok čekamo taj dan kada ćemo imati nule emisije u Kantonu Sarajevo, a za što je potrebno po iskustvu mnogo naprednijih sredina od naše, višedecenijski napor i višedecenijska ulaganja. Dok se to ne desi, pokrenut ćemo veliki projekat uvođenja filtera za zrak u predškolske javne predškolske i osnovnoškolske ustanove. Tako kada se dese one epizode koje imamo najmanje 20 dana u svakoj sezoni grijanja, a nekada i više, da možemo reći roditeljima slobodno odvedite djecu u predškolske i osnovno školske ustanove tamo je zrak čist. Ovo neće biti jeftin projekat, ali ovo je nešto čega se nećemo libiti da se zadužimo da ovo sprovedemo i da možda već od sljedeće godine, sljedeće grejne sezone jedan dio JU ima čist zrak i u trenucima kada e vani zrak otrovan. To da nemam ništa o urbanizmu, evo podsjetit ću vas na neke od aktivnosti u ovom trenutku Zavod za planiranje Kantona Sarajevo, vi to dobro znate priprema dokumente urbanističke planove za urbane sredine u Kantonu Sarajevo, to su ključni razvojni dokumenti. Ono na šta se moramo skoncentrisati naravno konačni obračun sa bespravnom gradnjom. Znači to je ključ. Sve ostale stvari u smislu su dugoročne stvari koje mi nećemo promijeniti u naredne dvije godine na način da se to vidi, da je to svakom građaninu vidljivo. Ali naravno, borba za zdraviji i bolji način urbane transformacije Kantona Sarajevo Kantona Sarajevo je nešto čemu ćemo biti posvećeni. Preventivni programi, nismo u prvom dijelu radili niti jedan, pa da vidimo koji će to program biti. Mi smo u prvom dijelu, mislim da smo radili preventivni program preko Zavoda za materinstvo. Radili smo preventivni program za rak dojke i nije tačno da nismo ni jedan radili. Ali kada bih se sjetio i kada bih malo ušao u dokumentaciju od ranije, mislim da smo radili još neke programe, a veliki broj programa jeste bio u pripremi ali nismo uspjeli, nije nam dozvoljeno da završimo. Tako da ćemo vratiti fokus na preventivne programe u privatnoj zdravstvenoj zaštiti. Imam li analizu i finansijski proračun kako će svi građani biti osigurani jer je tu u mjerama stoji da će biti u saradnji sa lokalnom zajednicom. Mislim da je po opštini oko 20 do 40.000 KM godišnje u budžetu da bi se svi građani koji nemaju zdravstveno osiguranje uveli u osnovni paket zdravstvenog osiguranja. Ovo nisu velik iznosi. Na isti način ste postavljali pitanje kada smo osigurali trudnice i bilo je pitanje koliko je to novca, gdje taj novac u budžetu. Zdravstveno osiguranje po osobi nije skupo a vrlo je indikativno da neko živi u nekom gradu, u sredini koja ima 15 ustanova u zdravstvu a nemaju pristup tim ustanovama. Mi ćemo se pobrinuti da u saradnji sa opštinama svi građani imaju pristup zdravstvenim ustanovama kroz osnovni paket zdravstvenog osiguranja. Zastupnik Poturak, šta je zapravo plan Ministarstva za boračka pitanja? Mogu li reći nešto više o tome. Nisam naravno elaborirao jer bih onda kroz sve resore višesatno izlaganje bi bilo o Ekspozeu. Žao mi je, evo izvinjavam se što su neki razočarani Ekspozeom, htio sam jednostavno da ponudim cijeli dokument što sam uradio a da stavim naglasak samo na neke od stvari. Naglasak u Ministarstvu za boračka pitanja je bilo stambeno zbrinjavanje po već odobrenoj konačnoj listi sa već unaprijed utvrđenim kriterijima. 198 porodica od čega su mislim 164 porodice iz porodica šehida i još 34 iz RVI. Mislim da je ovo dovoljno da kažemo danas da je to fokus. A naravno ekonomsko osnaživanje boračke

populacije. To će ići po programima i u saradnji sa boračkim udruženjima koja treba da nam ponude ove programe koje ćemo mi finansijski podržati i da na programskoj osnovi pomažemo boračku populaciju a ne dodjela sadake kako je najčešće boračka populacija na taj način i ponižena, i šire a ne samo u Kantonu Sarajevo. Razvoj kantonalne bolnice, koliko kje ova Vlada uložila truda i sredstva u razvoj upravo ove bolnice iz koje dolazi budući ministar. Ovo je bilo pitanje za budućeg ministra Vranića. Mislim da je ova Vlada i u cijelom sazivu, a i budući ministar Vranić svjesna da je napravljeni pomaci i postojeće Vlade u funkcionisanju Opće bolnice. Ono što smo mi praktično rekli da ćemo to opet staviti u fokus, to znači da ćemo nastaviti projekat unapređenja rada ove zdravstvene ustanove. Zastupnik Zahiragić je imao vrlo zanimljivo izlaganje kod postavljana pitanja i dosta je dao konstatacija, na koje nisam siguran da li trebam komentarisati i davati neki odgovore jer nisu bili u formi pitanja. Ali evo za one što je eksplicitno pitao, pokušat ću da ti odgovor. Šta znači sklopiti partnerstvo sa finansijskim institucijama je li to kreditno zaduživati? Odgovor je da. Zastupniče Zahiragiću u krizu možete finansirati razvoj samo na dva načina, uštedama što uključuje uštede na platama naše velike administracije, imamo 24.000 ljudi koji primaju novac sa budžeta. Ili zaduživanje. Jer kada nemate novca ili ćete uštediti ili ćete se zadužiti. Nema trećeg načina. Ako želite razvoj, a ako ne želite razvoj, možemo ostaviti sve kako jeste i pretvoriti kantonalni budžet u jedan bankomat koji isplaćuje plate i naknade a ne bavi se razvojem što ja mislim da bi trebao biti osnovni zadatak ove Vlade. Da li sam priznao da smo mi ustvari zapošljavali članove porodica i je li ovo izvinjenje javnosti ili je ovo prebacivanje krivice? Ovo je vezano za Zakon o borbi protiv nepotizma i stranačkog zapošljavanja. Ne radi se ni o jednom ni o drugom, jednostavno se radi o uređenju jedne oblasti koja nije uređena i to na način ko ji još nije viđen u BIH. Gdje se treba zabraniti stranačko i porodično zapošljavanje izabranih i imenovanih dužnosnika. Mislim da jednostavno ne vidim da li je išta sporno sa zakonom koji ima ovaj cilj. Da li čišćenje zaista vidim tako d građani čiste dok Rad tenderiše i daje pojedinim firmama višemilionske tendere. Ne znam mislili ste na javnu ustanovu na JP Rad, ne znam o kojim tenderima tačno govorite, ali kada govorimo o akcijama čišćenja to su stvari, suštinski se svodi na podizanje svijesti javnosti oko načina na koji se naša sredina i treba i može očistiti. Naravno da ne očekujemo da građani vrše usluge koje treba da vrše kantonalne firme koje su plaćene za to, međutim moram vam reći zastupniče da jedan dobar dio odgovornosti leži i na građanima. I zbog toga jeste akcija podizanja svijesti oko čišćenja naše najbliže sredine. Evo ja ću vam mogu vam reći kod čišćenja snijega. Zakon propisuje ta rade kantonalne firme ili firme sa kojima lokalne zajednice potpišu ugovore, jer kantonalna firma Rad nije jedina koja čisti snijeg u Kantonu Sarajevo. Nekada opštine unajmite neke privatne firme. A isto tako Zakon propisuje šta građani čiste i koji dio ulica i pločnika građani trebaju da očiste. Vrlo često građani ne preuzimaju ovu odgovornost nego jednostavno zovu kantonalno Ministarstvo ili kantonalnu firmu i žale se da snijeg nije očišćen. Vrlo često ne znaju da su oni odgovorni za ono što se počisti da iskoristim jednu frazu, ispred svoga praga. Dakle mi možemo imati čist Kantona i grad, samo ako i građani i kantonalne institucije zajedno krenu u akciju čišćenja. Podizanje svijesti i ovom problemu je nešto što su druge sredine uradile prije nekoliko decenija, na žalost mi to radimo tek sada. Mislim da nije kasno i da možemo brzo unaprijediti našu sredinu. Mogu li obrazložiti borbu protiv rasne, etničke i druge mržnje i šovinizma. Ne bih ovo posebno obrazlagao. Ako imate problem s tim da u školama jedna od osnovnih vrijednosti bude borba protiv svih ovih devijacija koje ste spomenuli i koje smo mi pomenuli u svom dokumentu, onda mislim da vi trebate razmisliti koji bi vaš (smetnje). Projekat tramvajskih stajališta, ovdje je bilo dosta komentara. Ja nisam samo pitanje čuo. Samo bih napomenuo da je ovaj projekat potpisan u vrijeme Vlade prije prvog dijela našeg mandata. Znači to ste i sami naveli u svom zalaganju. Ovaj projekat je potpisan mislim u oktobru 2018 godine. Mi smo zatekli ovaj projekat i pokrenuli ga. A onda je taj projekat zakočen i onda se o tom projektu pričalo kao da se ništa ne dešava. A u stvari je zakočen. A zašto je zakočen? Možda vi bolje znate, ali evo mi ćemo kad uđemo opet u resor

mi ćemo vidjeti to u kojem je statusu taj projekat. Ni jedna isplata nije urađena nikome a da nije u skladu sa ugovorom i sa projektom. Znači nema isplata o kojim vi govorite da je nekome nešto prebačeno a da nije u skladu sa ugovorom. I podsjećam, sa ugovorom koji smo zatekli. Ja da sam bio tada ja možda ne bih potpisao taj ugovor na taj način. Nabavka rashodovanih trolejbusa. Da li opet namjeravamo nabaviti rashodovane trolejbuse. Tender i proces nabavke rashodovanih trolejbusa ako govorite o onim švicarskim trolejbusima preko firme iz TK, je pokrenut 2017 godine, raspitajte se ko je bio ministar u tom trenutku. Mi ne namjeravamo nabavljati takve trolejbuse ali namjeravamo nabaviti nove novcate trolejbuse što smo u prvom dijelu mandata najavili. Formirali kreditnu liniju sa EBRD, pokrenuli proceduru tendera i koliko znam odabir nabavljača je nastavila i postojeća Vlada Marija Nenadića i ja se nadam da ćemo mi taj proces kompletirati i po nekim najavama, koliko znam možda će se desiti da već u ovoj 2021 godini građani se voze u novim novcatim trolejbusima kakve i zaslužuju. Adaptivno upravljanje saobraćajem. Nisam siguran kakvo je bilo pitanje ovdje ali mogu vam reći da je to jedan od prioriteta, također preko EBRD koja je spremna podržati ovaj projekat koji će nam pomoći da umanjimo saobraćajne gužve i onda imat ćemo svu onu korist o kojoj smo prije govorili, posebno u smislu i uštede vremena građana u prevozu svakodnevnom ali i zagađenosti zraka. Šta ministar komunalne privrede zna o urbanizmu. To ne moramo. Koji je glavni motiv, mislim evo kao princip šta neko zna o nečemu. Mi ovdje nismo ne osjećamo se kao da smo na nekom testu ili ispitu, naš rad će pokazati kako radimo. Vi ćete nas ocijeniti, i Skupština i generalno građani, tako da nije problem da postavite ovakvo pitanje, ali odgovor ćete dobiti tek u narednom periodu. Koji je glavni motiv da imenujemo ovog ministra Hadžiahmetovića imaju u vidu njegovu kandidaturu u Brezi. Ovo nije relevantno (nerazumljivo), osim da kažem da je to mislim bilo je nekoliko ovih prigovora i komentara na račun biografija. Znači onaj ko pročita biografije ove Vlade i koji kaže da stručnost nije bila prvi kriterij ja onda ne znam stvarno kakva su očekivanja a posebno imajući u vidu koji su ljudi bili sve imenovani u proteklom periodu. Evo meni je to neobično, ali evo ja sam i rekao nama norveški standardi, a kada nismo mi (nerazumljivo), ali to je OK. Da li će se nastaviti projekat EBRD, ovo je u VIK. Koliko su plaćene provizije za nepovučena sredstava. Ovo mi je stvarno zanimljivo pitanje imajući u vidu da smo mi plaćali kaznu EBRD za nepovučena sredstava zbog nerada kandidatkinje sa liste SDA u tom trenutku direktorice Muzur. Direktorica sa liste SDA zakočila ovaj projekat, i platila kaznu, svi smo mi ustvari platili kaznu za nepovučena sredstva i vi sada postavljate to pitanje. Ja mislim da vi to pitanje, odgovor na to pitanje možete dobiti u svom Klubu. Kakvo je stanje u VSTV i pravosuđu. Da li se policija treba bojati kriminalaca, da li je ministar Katica, budući ministar zadovoljan radom VSTV? Mislim da ovo nije relevantno. Zastupnik Aljović jeste li upoznati s komisijom za kurikularnu reformu ovo je za ministricu Naidu Hota. Dokle je stigla ova kurikularna reforma i šta namjerava, šta svi zajedno vjerovatno namjeravamo uraditi. Naravno da je upoznata i naravno da je ovo komisija koja radi već duži period i koja je prošla više Vlada. Ovo je stručna komisija, ne bi trebala se stavljati u politički kontekst. I naravno da je kurikularna reforma jedan od glavnih prioriteta ovog resora. Kako ćemo osnažiti pripadnike boračke populacije. To je gospodin zastupnik Aljović. To sam odgovorio već kada sam odgovorio zastupnik Poturak je imao slično pitanje. Da li je poznato da porodice branilaca do 57 godina nemaju pravo na egzistencijalnu naknadu i kako ćemo ispraviti ovu nepravdu. To može biti jedno od pitanja kada budemo raspravljali o budžetu. Zastupnik Marić na koji način pomoću čega ćemo popraviti uvjete u primarnoj zdravstvenoj zaštiti. Postoji par načina. Jedan način koji ja mislim da je ispravan je ustvari bolje upravljanje ovom institucijom. Zdravstveni radnici u ovoj instituciji pada s nogu, posebno sada u ovim najtežim pandemijskim uvjetima. Dok se neki određeni njihovi rukovodioci skrivaju po kancelarijama kako ne bi slučajno došli u dodir sa nekim od zaraženih pacijenata. Znači imamo način upravljanja materijalnih sredstva i ljudskih resursa koji je neadekvatan. To je problem novih firmi i ustanova. Ali u DZ u ovoj pandemijskoj situaciji to je posebno bilo naglašeno i mogli smo to vidjeti svi kao korisnici

usluga zdravstvene. Također još jedan način, suštinski način da se poprave stanje u primarnoj zdravstvenoj njezi je da opštine zajedno sa svojim lokalnim DZ, da se uključe u unapređenje zdravstvene usluge na lokalnu. To je također jedan od načina. I drugo pitanje zastupnik Marić mogu li ponuditi ispriku ministrici Agić. Izvinjavam se ako sam bilo koga uvrijedio i ministricu Agić ili bilo koga u svom izlaganju, to mi stvarno nije bila namjera. Nalazimo se u političkoj areni pred javnosti, nekada kažemo neke kritike koje su možda preoštre, i evo stvarno nudim svoje izvinjenje i ministrici i bilo kome sam možda preoštro nešto poručio. Zastupnica Dizdarević šta je s angažmanom logopeda i mobilnim timovima i njihovim ugovorima. Pošto je DZ imao ove ugovore koji nisu produženi, nisu predviđeni ni u privremenom finansiranju ono što je ustvari na prethodno pitanje sam odgovorio, način upravljanja ovom zdravstvenom institucijom DZ su imali mogućnost slanja zahtjeva u određenom roku da se ovi ugovori produže, što se nije dogodilo. Ovo pitanje treba uputiti rukovodstvu DZ a ako postoji neka nepravda prema ovoj struci mi ćemo im u najskorijem roku u skladu s našim mogućnostima i otkloniti. Zaštita planina Bjelašnica i Igman. Ministar Kapidžić nije potpisao sporazum. Ovo je bio komentar zastupnice, mislim da nije upućeno kao pitanje. Zastupnica Šahman da li će i ovog puta voditi Vladu kao blijeda sjena da li će biti energičniji i odlučniji. Zastupnice Kerla meni je žao što mnogi građani kao i vi mislite, ustvari zastupnica Šahman ali je zastupnica Kerla imala skoro isto pitanje. Žao mi je da i vi i neki drugi zastupnici mislite da je ljubaznost slabost. Mislim da to samo potiče uz činjenice da smo mi jedno tranzicijsko društvo gdje smo navikli da neko ko lupa šakom od sto ustvari je jak, a neko ko ljubazno i tiho na neki normalan način razgovara da je on slab. Ja vas uvjeravam da to nije tako a naši rezultati će to pokazati. Ovo je sve što sam dobio od pitanja, ako nekome nisam odgovorio, ja se izvinjavam možemo pokušati ponovo.

Predsjedavajući:

Zahvaljujemo se na odgovorima. Otvaram raspravu. Da li ima neko prijavljen za raspravu? Uvaženi zastupnik Haris Zahiragić. Izvolite, imate riječ. Zastupnice Zahiragić imate riječ. Zastupnik Zahiragić ima tehnički problem evo predlažem da sljedeći zastupnik, odnosno zastupnica koji su se prijavili da diskutuju, sljedeća zastupnica je Bibija Kerla. Izvolite imate riječ.

Poslanik/zastupnik Bibija Kerla:

Prije nego što bilo šta kažem u korist ili protiv nove Vlade Kantona Sarajevo želim da se zahvalim Vladi premijera Nenadića i svim ministrima. Pandemija COVID-19 je krivac pa Vlada premijera Nenadića nije uradila više nego što je uradila. Klub DF će biti konstruktivan. Nećemo ništa blokirati radi političkih interesa, pratiti ćemo rad buduće Vlade, podržat ćemo ono što bude u interesu građana a kritikovat ćemo ono što ne bude u skladu sa poboljšanjem života standarda Kantona Sarajevo. Žao mi je stare Vlade, a novoj Vladi želim puno sreće. Hvala lijepo.

Predsjedavajući:

Zahvaljujemo se zastupnici Kerla. Sljedeći prijavljeni Haris Zahiragić ukoliko je otklonio tehničke probleme. Sljedeća zastupnica koja se prijavila je Jasmina Bišćević-Tokić. Izvolite, imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo, na pola pitanja koja sam postavila premijer je onako šturo odgovorio, onako u svom elementu, kao što smo navikli prije godinu dana od njega da nam odgovara na pitanja u Skupštini. Ali evo pojasnit ću ja svoja pitanja radi građana Kantona Sarajevo da znaju zašto sam uopšte pitala i na što sam mislila kada sam tražila finansijske proračune i analize svakih mjera koje su predložene u Ekspozeu premijera Forte. Na žalost,

evo prije nego što počnem govoriti o programu, ja sam se nadala da će stvarno biti riječ o nekoj ekspertnoj Vladi. Evo podsjećam gospodina Fortu da su oni najavljivali punih usta da će to biti neka ekspertna Vlada koja će biti na čelu Kantona Sarajevo. Međutim, kako je vrijeme odmicalo, ne znam da li je on svjestan, ali građani Kantona Sarajevo i te kako jesu, jer svakodnevno pričamo sa njima, ne da Kanton Sarajevo neće imati ekspertnu Vladu, nego neće imati ni potrebnu struku u pojedinim ministarstvima. Na žalost, on može reći da su svi stručni, ali čak nemate ni pojedinu struku na datim ministarstvima. Pa onda pojedini ministri već kažu kako će formirati ekspertne timove koji će u suštini raditi u samom Ministarstvu. Na žalost svjedoci smo da mnogi ugledni političari su već komentarisali saziv ove Vlade Kantona Sarajevo, i mislim da je i za običnog laika vidljivo da se radi samo o sprovođenju politike a ne o poboljšanju uslova života građana Kantona Sarajevo kako nam premijer punih usta želi populistički predstaviti svoj Ekspoze gdje su već dvije kolegice zastupnice rekle da je vrlo blijeda i štura slika jednog Ekspozea koja nam je on i njegova Vlada mogla predstaviti da kažem o svom budućem radu. Početkom decembra prošle godine tzv. četvorka Kantona Sarajevo je predstavila javnosti svoje principe i mjere kao osnovu za rad nove Vlade. U dokumentu koji naziv sporazum o prioritetima nove skupštinske većine nalazi se veliki broj taksativno nabrojanih principa i prioriteta nove skupštinske, koja bi u suštini trebala da čini program nove Vlade. Ona to nije i danas je svima jasno da ovo nije ni princip ni sporazum da kažem četvorke, nego da je ekspoze koji u sebi otkriva određene slabosti, nejasnoće, populizam predstavljenog samog dokumenta. Pa to uglavnom izgleda ovako, da kažem vrlo šturi ciljevi. Reforma i depolitizacija obrazovanja. Bez ikakvog obrazloženja. Revitalizacija komunalne infrastrukture u nadležnosti Kantona Sarajevo. Poboljšane uslova rada i snažnija zaštita radničkih prava. Ja ću napomenuti gospodina Edina Fortu, a svjesna sam da vrlo dobro se sjeća da sam podnosila dvije inicijative dok je bio mandatar prethodne Vlade, vezano za radnička prava, ne da nisu ni usvojene inicijative, nego se Vlada Kantona Sarajevo nije udostojila da mi uopšte udostojila da mi odgovori na date inicijative zato što gospodin Edin Forto nije znao šta će u tim inicijativama uopšte napisati. Kada mi neko napiše da je snažnija zaštita radničkih prava već vidim da se radi o populističkim nekim mjerama ili političkim kako bi on to htio da kažem. Pitala sam ga vezano za subvenciju obrtnika koji su na bolovanju ili samoizolaciji, da li ima analizu ovih mjera? D ali zna otprilike koliko je toga bilo u prošlom periodu, je li se raspitao otprilike i koji je finansijski proračun te analize. Nama mandatar kaže da uopšte nema nikakve analize da će prilikom budžeta to razmatrati kako bi mogao utvrditi koliki je uopšte broj takvih ljudi koje bi on sufinansirao. Ali znao je napisati u svom Ekspozeu da će to podržati bez obzira na finansijski proračun koji nam je vrlo bitan. Ni za jednu mjeru u ovom strateškom dokumentu nema finansijski proračun. Niti za jednu mjeru. Nikakvih ciljeva nema, do kada, od kada, da postavi da kažem neki dead line otprilike kada se to misli implementirati. Na žalost sve je nabacamo, puno je da kažem generalizovano nekih stvari i naravno da mnogim zastupnicima nije bilo jasno i evo postavili su mnoga pitanja na koja je samo probao odgovoriti uvaženi premijer. Vezano za zdravstvene radnike rekao je neke stvari koje su tačne a neke koje je mudro prećutao ali evo ja ću ga podsjetiti da su radnici u zdravstvu i njihov sindikat, koji kaže da je populistički i da je politički, dobili presudu Ustavnog suda FBiH. Vi ste gospodine Edine Forto potpisali kolektivni ugovor koji nije reprezentativan. U ono vrijeme bivši ministar Filipović je faktički dokazao reprezentativnost nekom sindikatu ko ji nije reprezentativan. I takvu odluku vam je osporio Ustavni sud FBiH. Pa ste rekli da medicinske sestre u svojoj plati imaju i regres. Toliko o znanju u zdravstvenom sistemu koji ste vi nama evo ja gledam deset minuta izlagali. Tako da kada sljedeći put kažete da je neko populistički ili politički nastrojen, onda spomenite da je taj sindikat dobio presudu na Ustavnom sudu FBiH iz nečega što ste vi potpisali kao kolektivni ugovor. Kada već spominjete kolegicu Smiljanu Viteškić, vi kažete da neko od njeni članova u porodici radi na AKAZU. Gospođa Smiljana Viteškić je godinama bila na čelu jednim od organizacionih jedinica DZ u Kantonu Sarajevo. Sama je bila učesnik AKAZA. Kada niko u to vrijeme nije

radio u iz njene familije u DZ ona je bila taj koja je vodila akreditaciju DZ. Ali možemo mi gospodine Forto govoriti da je vaš cilj za reformu primarne zdravstvene zaštite vaša supruga koja radi u DZ, ako ćemo već ići na ličnoj osnovi. Ali moj je stav da ne trebamo ovdje ići lično, da trebamo pričati općenito neke stvari i stvarno pomagati jedni drugima kao i građanima Kantona Sarajevo. Gospođa i doktorica Smiljana Viteškić e to iz svog iskustva rekla. Ako vi imate nekih drugih problema, voljeli bi da na sljedećoj Skupštini nama to javno kažete ali nemojte ovako raditi stvari u koje niste upućeno. Vrlo je zanimljivo da znate koliko krava ima u PD Butmir, pa kažete da će ministar privrede bavite se i kravama. Ministre Deliću ne dozvolite da vas ovako neko podcjenjuje. Vi ste mlad, i sposoban čovjek koji možete da odgovorite zadatku u Ministarstvu privrede a ne da vodite računa o nekim kravama. Neka to radi menadžment ili uprava PD Butmir. Naravno možete im pomoći ali nikako da vi o njima vodite računa. Koliko je ova Vlada transparentna i koliko vodi računa o svemu, upravo ukazuje da se u tom PD Butmir sada vodi proces gdje je pokrenuo Ured za borbu protiv korupcije upravo iz vaših dana gospodine Forte, jer direktor je bio iz šestorke. Tako da očekujemo epilog samog Tužilaštva ali mi i dalje zagovaramo da vi budete transparentni i da podržavate naravno svaki Zakon koji će voditi o tome. Navodite čist glas, (nerazumljiv) grad da glasate za uvođenje moratorija. Pa zašto ste uveli gospodine Forto i vaša politička partija moratorij da mnoge komunalne firme sada nemaju dovoljno radnika kako bi nam omogućili odvoz smeća, pa evo građani Kantona Sarajevo vide svi da su puni kontejneri jer nema ko da ih istrese. Vi ste ti koji ste sudjelovali u uvođenju moratorija. Vi, lično vi kao direktor Naše stranke. Čitala sam u Programu inicijativu da ćete davati 1000 KM za porodilje. Znači kada ste prvi budžet usvajali na čelu s vama, moja inicijativa je bila da za svaku novorođenu bebu u Kantonu Sarajevo Kanton izdvoji 1000 KM. I naravno tada predsjedavajući koji je vodio Skupštinu rekao mi je da sa te stavke na koju sam ja stavila da se odvoje ta sredstva za porodilje, znate idu tramvajska stajališta. Nisam više htjela nikakve inicijative da podnosim vezano za porodilje jer mi je bilo jasno da tadašnji ministar za rad i socijalnu politiku i vi kao tadašnja Vlada nećete podržati ovu inicijativu, što i dan danas smatram da je jako dobra inicijativa bez obzira iz koje Vlade potiče. A mi danas na Otoci imamo to neko tramvajsko stajalište gdje svakodnevno moje kolege iz Kumrovca padaju jer se zaleđi. Ali je plaćeno 4,8 miliona avansno za opremu tog stajališta gdje nije uopšte stajalište napravljeno. Ali evo napravljena je oprema i kupljena oprema za takvo stajalište. Prijava imovine, kažete da je to jedan od vaših važnijih Zakona bilo, da je to sve transparentno i onda nećete vjerovati.

Predsjedavajući:

Zastupnice Bišćević-Tokić vrijeme vam je isteklo a evo imamo ispravku krivog navoda zastupnik Jakupović.

Poslanik/zastupnik Vedran Jakupović:

Pozdravljam vas i gledaoce pored malih ekrana. Krivi navod, dva su bila kriva navoda, nisam htio da prekidam kolegicu. Prvo da u Ekspozeu nije postojao taj kako ona reče time line, znači da nisu vremenski okviri u kojima su mjere planirane da budu izvršene. Znači postoje kratkoročne, srednjoročne mjere i dugoročne mjere. Kratkoročne su planirane da se urade do jeseni 22 druge, srednjoročne 20% do kraja mandata i dugoročne da se izvršenje krene tokom ovog mandata. Znači izvršenje ispod 20%. drugi krivi navod opet jedna ručno politička priča u kojoj je kolegica Bišćević-Tokić kao brinula za porodilje i htjela da novac s autobuskih odnosno tramvajskih stajališta prebaci na porodilje, a znala je da prije toga Vlada gospodina Zolja potpisala ugovor, taj novac je bio završen, operativan i taj novac se više nije mogao prebacivati bilo gdje, odnosno mogao se prebacivati na štetu Kantona Sarajevo. Dakle dobro se sjećamo te priče u kojoj ste svi željeli taj novac koji ste već potpisali i završili ugovor da negdje prebacujete i da kao brinete o građanima Kantona Sarajevo. Hvala.

Predsjedavajući:

Zahvaljujem kolega Jakupoviću. Ispravka krivog navoda, Jasmina Bišćević-Tokić.

Poslanik/zastupnik Jasmina Bišćević-Tokić:

Ja ne znam uopšte predsjedavajući šta je krivi navod, kolega je upravo rekao ono što sam rekla da sam tražila za porodilje 1000 KM i da mi je tadašnji predsjedavajući rekao da je to iz stavke rezervisano za tramvajska stajališta. Ta tramvajska stajališta uopšte u Kantonu Sarajevo ne možemo vidjeti a na čelu je bio Adnan Šteta protiv kojeg se danas već dignute da kažem neke optužnice. Prema tome ne znam uopšte šta je krivi navod. Zahvaljujem.

Predsjedavajući:

Zahvaljujem se. Da li je kolega Zahiragić otklonio tehničke nedostatke može li se javiti? Izvolite kolega Zahiragiću imate riječ.

Poslanik/zastupnik Haris Zahiragić:

Hvala predsjedavajući. Izvinjavam se radi tehničkih nedostataka, potrudit ću se, nisam shvatao ozbiljno da će trajati ove online sjednice ovoliko, želio sam da vjerujem da ćemo i mi kao druga parlamentarna tijela u FBiH ipak se uživo sastajati. Ali eto hajde opet je to posebna tema. Prije svega bih se želio referisati na odgovore koje mi je premijer Forto pokušao dati, na neke odgovorio na neke nije. Da krenem redom, zapisivao sam pa ću morati pogledati. Kazao je šta znači stvoriti parnerstvo. Odgovorio mi je. To znači kreditno zaduživati Kanton. Jer trebaju građani da znaju šta je u vrhu prioriteta nove Vlade i treba stvari nazivati pravim imenom. Kazao je da je jedna opcija zaduživanje, drugo uštede i smanjivanje plata u javnom sektoru. Ja Predlažem da mi prvo smanjimo sebi plate i zastupnici i ministri i direktori a tek onda radnicima u Kantonu Sarajevo. Jer plata premijera je tri četiri puta pet puta veća od nekih radnika zaposlenih u javnom sektoru. Nadalje, kada je kazao da sam spomenuo zapošljavanja a pro po Zakona. Nisam ja spomenuo a pro po Zakona nego je u mjerama za komunalnu privredu je navedeno da će se prestati zapošljavati u komunalnim preduzećima. Ja sam samo podsjetio, nisam htio nikog da prozivam na jedan slučaj kada je za vrijeme njegove Vlade za mandata direktorice iz Naše stranke zaposlena član porodice jedne od kolega iz Skupštine. Neću nikome da stavljam metu na glavu. Nego sam samo pitao jel to izvinjenje, jel to priznanje ili šta je već. Znači ne smijemo imati duple standarde. Trebamo biti jednaki prema svima. Ne želim sada tu osobu da stavljam u fokus jer mislim da u ovoj Skupštini ima puno gorih ljudi sa puno gorim zloupotrebama položaja. Nadalje, kada e pitanje za gospodina Katicu kada su bila pitanja. Žao mi je što premijer Forto nije ništa odgovorio. Ja sam ga pitao s obzirom da je gospodin Katica došao prošli put s pozicije šefa kabineta, dakle prvog saradnika gospodine Tegeltije koji je neslavno završio svoj drugi mandat u VSTV pitao sam ga koliko je on aktivno učestvovao u radu VSTV i šta misli o tom radu. I u konačnici da li misli da je pravosudni sistem i VSTV dobro radio, da li policija Kantona Sarajevo konačno se smije uhvatiti u koštac s kriminalom ozbiljnim u Kantonu Sarajevo koji postoji, s obzirom da ljudi kada odrade taj posao ili građani kada prijave vide za nekoliko dana radi lošeg pravosuđa te koje su prijavili ili te koje je policija obrađivala vide ih na ulici hodaju sa svojom djecom. I to je jedan od možda glavnih problema u Kantonu Sarajevo. Ali žao mi je što niko nema hrabrosti da o tome govori. Pa evo ja sam odlučio da i to spomenem. Volio bih da kroz neku diskusiju mi odgovori na ta pitanja. Dalje, kada je u pitanju šovinizam, vjerska i nacionalna mržnja u predškolskim, osnovnim i srednjim školama ja nisam protiv toga, nego sam protiv toga da to bude prioritet u radu tog ministarstva. Vi imputirate gospodine Forto našoj djeci da su zadojeni šovinizmom, nacionalnom i vjerskom mržnjom. Ja tvrdim da to nije istina. Naša djeca u Sarajevu, pa i ja kao dijete ko ji sam se rodio pred samu agresiju i četiri godine bio bez plina, vode, struje, gdje mi je mater prala pelene u zaleđenoj vodi ne znam mrziti. Mi u Sarajevu ne mrzimo ni nacionalno, ni vjerski, bože sačuvaj. I molim vas radi nekih izolovanih

slučajeva koji možda i postoje nemojte stavljati djeci Sarajeva metu na glavu gospodine Forto. Mi ne mrzimo. I ni u periodu kada smo možda imali razloga da mrzimo, nismo mrzili. Nemojte kaljati naše iskrene namjere, naš iskren odnos spram svih dobronamjernih građana ove države gospodine Forto. To vam neće proći, ja vam obećavam. Poslušajte me dobro, neće vam to proći. Dalje, kada su u pitanju trolejbusi koje sam spomenuo, gospodin Forto mi je odgovorio da je to nabavila Vlada 2017 godine. Žao mi je što gospodin Forto gospodina Konakovića koji mu je dao šansu da bude premijer ispred njega proziva, a ja znam da gospodin Konaković nije učestvovao. Ima on svojih aferima kada je Gras u pitanju međutim ta nabavka je provedena za vrijeme ministra Štete. Nabavili ste nam rashodovane trolejbuse sa smetljišta Švicarske i platili ih, čovjek koji ih je uvezao iz Tuzle platio je 10 trolejbusa 120.000. vi ste ih platiti 1000% skuplje. Pa to je nezapamćeno i nemojte molim vas izvrtati ovdje. To je paradoksalno da ja branim kolegu Konakoviću od vas gospodine Forto. Gospodin Konaković nema veze s nabavkom tih trolejbusa jer ministar s tog mandata nije želio potpisati taj sporazum. A da ne govorim ko je isplatio to. Molim vas trebate znati šta se dešavalo u vašoj Vladi. Kada su u pitanju tramvajska stajališta isplaćeno je 4.600.000 za elektronski sistem zatvaranja i prodaje karata. Međutim niste zakopali ni jednu stanicu jer objektivno se to ne može uraditi. I neko će odgovarati jednog dana za to kada se ti problemi iz pravosuđa koje sam ja spomenuo konačno počnu odmotavati. Nadam se da su započeli. Dalje, ono što želim ja također, upravljanje saobraćajem. Ja se slažem da treba upravljati saobraćajem na adekvatni način da bi se smanjilo zagađenje zraka da bi se fluktuacija vozila kroz Sarajevo ubrzala međutim ukoliko se 30. decembra promijeni plan javnih nabavki i poveća se za 3 miliona a 31 se raspiše tender koji je na svu sreću zaustavljen i (nerazumljivo) državna agencija za javne nabavke, poništen je poziv. Nadam se da ponovo tako nešto neće pokušati uraditi, 2 miliona dodati preko noći za Novu godinu. Ko to raspiše tendere 31. decembra. Molim vas gospodine Forto to mi recite. Pa nisu građani Kantona Sarajevo neobrazovani do te mjere da to ne mogu razumjeti. Nemojte podcjenjivati ni mene ni njih. Kada je u pitanju vaš Ekspoze gospodine Forto. Ako ga tako možemo nazvati, ovo na par stranica što ste nam stavili i provodila nas po par opštih mjesta, ja ću samo neke fragmente prokomentarisati. Kazali ste da su ovo teška vremena da živimo svi u istom kanonu i da imamo sve izazove koji moramo biti ujedinjeni oko njih s aspekta korone. Slažem se. Svaka pozitivna., evo vidim ja kada sam ušao u Skupštinu počeo sam na prvoj Skupštini sam već problematizirao gužvu u DZ, katastrofu, minuse na kojima građani stoje. Evo vi ste to usvojili i drago mi je. Ako budete tim smjerom išli svaku ću vašu inicijativu podržati. S druge strane mi opozicija tadašnjoj Vladi Marija Nenadića nije se tako ponašala. U nekim trenucima imao sam osjećaj da obrađuje svaka negativna vijest opoziciju. Zloupotrebljena je pandemija na najbrutalniji i najgrublji način. Evo ja obećavam da to nećemo raditi, hajdemo svi zajedno pokušati popraviti barem ono što se popraviti može u zdravstvenom sistemu u Kantonu Sarajevo. Dalje, kažete sve što budete radili znat će se. To ne morate vi govoriti, to vma ja obećavam. Svaku netransparentnu stvar, svaki pokušaj javne nabavke koji je kriminalan, kakve ste imali na desetine, u prošlom mandatu, ne vi gospodine Forto nego određeni članovi vaše Vlade, određeni direktori, a koje ste vi krili, kada je u pitanju Rad pitali ste koji ste tačno tenderi. Evo jedan od tendera koji istražuju sada sve relevantne agencije za održavanje MAN autobusa. Imam čitavu fasciklu, ovoliko, ja ću to kroz poslaničko pitanje na drugoj tački dnevnog reda tražiti informaciju od Ureda za borbu protiv korupcije koji obrađuje taj predmet. I građani će se šokirati na kakav način su se provodile javne nabavke. Dalje, ono što ste naveli u svom Ekspozeu, navodno Ekspozeu, moram se svaki put ograditi, spominjali ste zaštitu okoliša, a opet ponavljam ukinuli ste Ministarstvo zaštite okoliša i urbanizma. Ili evo radi kolege Nikšića jer me prošli put zamolio, spojili ste ga sa već opterećenim Ministarstvom komunalne privrede. U tom smislu, molim vas, sve što, kada je u pitanju spomenuli ste utopljanje koje je treba da se radi. Međutim projekat koji je gospodin Kapidžić pokrenuo sa UNDP kada je u pitanju zamjena ložišta je puno jeftiniji, puno efikasniji, jer na tonu uglja kada se utoplate možete

smanjiti ne znam potrošnji sa pet na četiri tone uglja. A ove peći skroz izbacuju ugalj. I molim vas u tom smjeru idite. Nemojte praviti projekte prema izvođačima ili prema potencijalnim partnerima koje imate u planu. Pravite projekte prema potrebama Kantona Sarajevo i najefikasniji i najefektivniji način da te stvari rješavamo. Kazali ste samo da vidim, nemam puno vremena, spominjali ste zapošljavanje. Ja moram ponoviti što je kolega Dević kazao vi ste zaposlili 800 novih ljudi u Kantonu Sarajevo i nemojte molim vas pokušavati sada se praviti kao da to niste uradili. Ni na to niste kvalitetno odgovorili. Ministarstvo saobraćaj kada je u pitanju, kažete da ćete se s problemom Grasa suočiti i da ćete plaćati otpremnine. Međutim, prava istina je da je u mandatu vaše Vlade trošak godišnji povećan za 19 miliona kada je Gras u pitanju. Niste imali hrabrosti. Nadam se da ćete ovaj put imati hrabrosti, jer ako budete imali imat ćete moju podršku a vjerujem i podršku mojih kolega u klubu. Moram ponoviti kada je Ministarstvo za odgoj u pitanju, ono je katastrofa i pozivam vas da se izvinite građanima Kantona Sarajevo i njihovoj djeci za ono što ste rekli da imamo problem sa fašizmom, šovinizmom, nacionalnom i vjerskom mržnjom. To je neistina. Gruba neistina i podvala građanima Kantona Sarajevo. Kada su u pitanju principi koje ste potpisali, a sam pročitao na desetine puta to u najboljoj namjeri, želeći pohvaliti ono što je dobro a kritikovati ono što je loše. Ovo je gospodine Edine Forto lista želja i (nerazumljivo) mjesta. Svaki plan i svaki sporazum mora imati tačno navedeno koliko para, koji je rok, kada i kako. Vi ste isto, ima stranica na Fejsbuku, zvala se Treba. I vi ste doslovno kao na stranici Treba, treba ovo, treba ono. Molim vas, ovaj plan može imati samo smisla ako na osnovu njega napravite izvršni plan i dostavite a ne da prodajete šarene laže građanima Kantona. Navedite kada i šta ćete uraditi. Neke stvari koje ste ovdje naveli.

Predsjedavajući:

Zastupniče Zahiragić vrijeme vam.

Poslanik/zastupnik Haris Zahiragić:

Govorim ispred Kluba gospodine Okeriću. Hvala. Kada su u pitanju mjere kazali ste hitno pristupanje izradi Rebalansa budžeta u skladu sa potrebama. Ja vjerujem da ste vi ovo negdje kopi pejst pravili, gospodine Forto želim vas obavijestiti da budžet Kantona Sarajevo nije ni usvojen, tako da nemate šta ni rebalansirati. Žao mi je što niste ranije pokušali imenovati Vladu i onda možda i usvojiti budžet na vrijeme. Ali evo imate koliko, 15 dana, 20, da donesete budžet inače će radnici u Ministarstvu obrazovanja oba sadašnja, Ministarstvu komunalne privrede i urbanizma neće moći dobiti platu. Jer to pravno lice više ne postoji. I to je problem. Dakle imat ćete samo 20 dana da u ovakvim uslovima napravite budžet. Jedva čekam da vidim kakav će taj budžet biti. I kada je vaš potpisani sporazum u pitanju spominjete uključivanje privatnih udruženja u procese sporta, ja nisam komunista u tom smislu da mislim da je sve javno nužno bolje od privatnog, međutim gospodine Forto poučeni ranijim iskustvima sa vašim privatnim institutima i planovima molim vas nemojte da ponovo budu planirana fantomska udruženja. Nego da stvarno ona udruženja koja budu radila dobiju najbolje pare. I na kraju jedna stvar iz ove vaše liste lijepih želja bez i jednog konkretnog načina njihove implementacije želim da vas pitam, šta znači rodna ravnopravnost. Da li to znači spolna ravnopravnost? Ukoliko znači onda se izvinjavam na pitanju. Ukoliko ne znači želio bih da mi pojasnite šta znači. Eto toliko za prvu diskusiju. Hvala vam predsjedavajući što ste uvažili i što ste me saslušali, svim zastupnicima.

Predsjedavajući:

Zahvaljujem kolega Zahiragiću. Sljedeći prijavljeni je kolega Mahir Dević, izvolite.

Poslanik/zastupnik Mahir Dević:

Čujemo li se predsjedavajući? Zahvaljujem. Prije svega želim da kažem da smo mi u nekom

prethodnom periodu kada se krenulo sa smjenom ove aktuelne Vlade, odnosno imenovanjem ove nove Vlade jako puno se govorilo o tome kako nama treba nova ekspertska Vlada u Kantonu Sarajevo, kako ćemo prevazići te stranačke Vlade, kako su one nekompetentne i na kraju sve te priče, mi danas imamo sljedeću situaciju: da nova parlamentarna većina u tzv. ekspertsku Vladu predlaže ljude iz svih oblasti a skoro da nema nikakvih eksperata. Ja sam u svojim pitanjima postavio pitanje, evo konkretno je bilo vezano za resor privrede naravno nemam ništa apsolutno protiv imena i prezimena ministra, nego sam samo pitao je li to ta stranačka ekspertska Vlada u kojoj profesor fizičkog vaspitanja treba da vodi privredu. Ne omalovažavajući naravno tu struku, daleko od toga, ali ako govorimo o resoru privredu kojeg treba da vodi profesor tjelesnog i zdravstvenog odgoja, ako je to ta ekspertska Vlada koju vi predlažete poštovana gospodo, onda smo mi u ozbiljnom problemu. Postavio sam pitanje vezano za resor pravde i uprave. I onoga što smo imali kao praksu u godini dana u kojoj je bila tzv Vlada šestorke. Znači skoro svi zakonski akti koji su krenuli, i uredbe iz tog resora načelu sa ministricom Brčić na kraju su završili presudama Ustavnog suda koje su potvrdile da to nije rađeno u skladu sa Ustavom i zakonima FBiH. A onda naravno u tom vašem ekspertskom populizmu da ga tako nazovem kojeg vi nama ovdje prosipate od onog momenta kada su kifle ušle u Skupštinu Kantona Sarajevo, pa sve do danas to je ono što mi gledamo u Kantonu Sarajevo, i taj film koji se odvija, bez ikakvih ozbiljnih planova, čak ovaj put sa puno manje elana od strane premijera čini mi se, to je ona jedina razlika koju ja vidim. Jer tada prvi put kada je ulazio vjerovatno nije znao u šta ulazi, pa je bio pun elana. Danas je daleko umjereniji po pitanju tih najava. Ne vidi se ta vrsta elana, vidi ste jedan klasična forma koja je bila izložena kroz Ekspoze premijera Kantona Sarajevo koja apsolutno ne obećava ništa novo građanima Kantona Sarajevo. Mi smo potpuno ubijeđeni ispred kluba SDA da ova Vlada Kantona Sarajevo će možda biti i najlošija od ove prethodne dvije koje su bile. Ona prva je barem imala elana. Ova druga je imala kompetenciju. A ova čini mi se nema ni elana a nema ni kompetencije, plus ima pandemiju, ima taj vrhunac populizma koji se nama ovdje servira već desetak godina u Kantonu Sarajevo. Nisam također ništa čuo oko nacionalnog sastava Vlade. Da li smo mi taj nacionalni sastav Vlade napravili u skladu sa Ustavom Kantona Sarajevo? Nisam to čuo, volio bih da mi se na to pitanje zaista odgovori, ukoliko to nije urađeno, to je ozbiljno kršenje Ustava Kantona Sarajevo. Prošli put ste upozoravali na to. Bilo bi dobro da vi date odgovor na tu vrstu pitanja. Također, vi u vašem Ekspozeu navodite da ćete usvojiti 10 strategija na pola mandata otprilike u jeku pandemije. Vi to niste bili u stanju da uradite za godinu dana skoro ni jednu strategiju niste čini mi se usvojili oblasti, jednu a koja je početa u prethodnom mandatu, čini mi se u oblasti obrazovanja. Znači ako ćemo mi praviti Ekspoze u kome ćemo u tih 10 strategija pisati naše puste želje da ćemo nešto uraditi a naravno na kraju nećemo ništa iz te oblasti uraditi, mislim da to ne treba uraditi. Bolje bi bilo da smo napisali da ćemo usvojiti jednu strategiju a ne deset. To je jedna šarena laža da tako kažem građanima Kantona Sarajevo. Spominjete holding. Holding je izuzetno ozbiljna stvar za kompetencije koje vi imate u resoru buduće komunalne privrede odnosno u ukupnom sastavu vaše Vlade. Potpuno smo ubijeđeni da u tom segmentu nećete uspjeti ništa ozbiljno uraditi. Prema tome mislim da je vrlo neozbiljno da najavljujete jednu takvu vrstu aktivnosti jer to podrazumijeva jednu plansku aktivnost, jedno ozbiljno vrijeme koje je potrebno da se takvo nešto uradi. Prema tome to je također jedna od stavki za koju mi smatramo da je to jedna obična šarena laža. Spominjete da ćete ponovo ukidati parafiskalne namete, paralelno s tim kažete da vam budžet pada, da ćete dizati kredite. Koje ćete parafiskalne namete ukidati? Hoćete li opet ukidati opšte korisnu funkciju šuma da u Ilijašu, Hadžićima, Trnovu, Ilidži pored toga što nema ministara iz tih mjesta, da kaznite ta mjesta u odnosu na izborni rezultat koji su postigli, da ukinete još i te parafiskalne namete iz kojih se asfaltiraju određeni dijelovi puteva? Nisam dobio taj odgovor. Jesu li to ta sredstva od OKFŠ, jel to ta reforma u kojoj ruralne opštine treba da kaznite za izborni rezultat koji su postigli na prethodnim izborima? Ili da putem MUP-a Kantona Sarajevo kažnjavate građane uoči samih izbora da napravite neku

atmosferu u kojoj bi građani trebali da se okrenu protiv aktuelne vlasti? Naravno to ću posebno pitati pod zastupničkim pitanjima vezano za to kažnjavanje za maske. Jesu li to te strategije i ono što vi nudite u budućnosti kao nova Vlada Kantona Sarajevo? Spominjete vrlo populistički Turističku zajednicu u kojoj ćete vi kao sada smanjiti upravljačke strukture, tamo ukinut ćete tamo neka dva tri mjesta i to je sada jedna renesansa koja će napraviti ogromne uštede u budžetu Kantona Sarajevo. Možda od 200 do 400, možda i 800 KM, možda 2000. I takve stvari vi nama pišete u Ekspozeu i vi mislite stvarno da ćemo mi povjerovati da vi nešto možete uraditi. Mi smo potpuno ubijeđeni da se ništa ozbiljno neće dešavati u Kantonu Sarajevo. Također potpuno smo ubijeđeni da ćete ponovo kako ste krenuli napraviti pravu anarhiju oko izmjene ovih Zakona, da ćete nas ponovo uvesti u neku pravnu borbu, u kojoj ćemo mi vama dokazivati da ono što vi radite ne radite u skladu sa zakonom i potrebnim procedurama, iz jednog prostog razloga, očigledno nam, odnosno vam fali i nam fali eksperata koje ste najavljivali. Ako su vaši eksperti profesori tjelesnog i zdravstvenog odgoja uz dužno poštovanje naravno toj struci koja radi u obrazovanju, ako su to vaši eksperti i ako su vaši eksperti kadrovi, posebno iz NIP-a prvo nazovete nestranačkim kadrovima, nećete čak ni da kažete da su vaši kadrovi a onda nakon toga ih malo Milanovićevim rječnikom malo ih okupate i naparfemišete i onda ih predstavite u nekom novom mandatu kao vaše ministre i onda ih, pazite iz nestranačkih kadrova pretvorite u nove eksperte ko ji će kao povesti Kanton Sarajevo naprijed. Maloprije sam kazao da od kada su kifle ušle u Skupštinu Kantona Sarajevo mi doživljavamo jednu ozbiljnu dekadencu i potpuno sam ubijeđen da će se taj put nastaviti u narednom periodu. Zahvaljujem predsjedavajući.

Predsjedavajući:

Zahvaljujem se kolega Deviću ali imam potrebu da vam skrenem pažnju već dva puta u svom javljanju želite da diskreditujete pojedine osobe, ministre u novoj Vladi Kantona Sarajevo. Kolega Deviću s obzirom da ste završili Medresu, trebali bi da znate da nije lijepo vrijeđati ljude i udariti na njihovu čast i ugled. Birajte riječi i govorite o djelima tih ljudi. Ovo sam imao potrebu najdobronamjernije da vam kažem i skrenem pažnju. Ipak trebamo poštovati dignitet ove Skupštine. Hvala. Sljedeći. Ispravka krivog navoda zastupnik Mahir Dević.

Poslanik/zastupnik Mahir Dević:

Čujemo li se predsjedavajući. Nisam ja ni jednog ministra spomenuo ni imenom i prezimenom, ja sam rekao da od nove Vlade ne očekujem ništa s obzirom da postoji ogroman nesrazmjer u njihovom formalnom obrazovanju i resorima koje vode. Znači nemojte mi predsjedavajući stavljati u usta neke riječi koje ja nisam kazao, ni jednog ministara ja nisam spomenuo imenom i prezimenom. I ni na koji način nisam ni jednog omalovažio. A naravno da sam izrazio bojazan i kazao da sam ustvari bolje rečeno potpuno ubijeđen da tu neće biti nikakvih rezultata. I nije mi bila zaista namjera nikoga imenom i prezimenom da vrijeđam. Uzeo sa primjer Ministarstva privrede samo u smislu formalnog obrazovanja i kompetencija koje se traže za vođenje tog resora. Ni u jednom momentu nisam pričao o ličnosti bilo kog ministra niti to imam namjeru. Eto toliko.

Predsjedavajući:

Zahvaljujem kolega Deviću sljedeći zastupnik koji se prijavio je Damir Nikšić. Izvolite.

Poslanik/zastupnik Damir Nikšić:

Hvala predsjedavajući. Da li se čujem? E ovako, drage kolegice i kolege, poštovani gledaoci pored malih ekrana. Ne znam da li uopšte trebam govoriti s kakvim sam nestrpljenjem očekivao ovaj dan još od trenutka kada sam stavio svoj potpis 18 potpis na listu nove skupštinske većine. Toliko nestrpljiv sam bio, toliko žarko želio da se ova sjednica desi što prije da sam zbog toga da ne bi odugovlačili sa procedurama prethodno povukao jedan

prijedlog Zakona, jedan amandman do kojeg mi je i dalje jako stalo. Iskreno sam vjerovao da su ta imena tih kandidata bila odavno spremna i da nisam jedini koji je žurno očekivao ovu Vladu eksperata ko ju smo obećali javnosti. Vladu koju će činiti simboličnu prekretnicu koja će označiti jedan novi pravac, prekid sa dosadašnjim ustaljenim praksama. Naravno očekivao sam da ćemo i ravnopravno učestvovati u njenom formiranju, da ću se malo više pitati ali do toga očigledno nije došlo, jer da sam se više pitao u sastavu ove Vlade bi bilo barem tri puta više Srba. Ali ne zato što ja tako hoću, što ja nešto zanovijetam, otežavam, podrivam već zato što tako kaže Ustav. Zato što sam se uostalom kao i svi vi obavezao svečanom zakletvom da ću poštovati Ustav da ću ga se pridržavati, da ću se zalagati za ljudska prava i slobode i da ću u svim prilikama štiti interese i ravnopravnost naroda i građana BIH i FBiH i Kantona. Tako barem stoji u Svečanoj zakletvi koju smo svi dali. Dakle u svim prilikama i ovo danas je jedna takva prilika. Naime Amandmanom XIX na Ustav Kantona Sarajevo utvrđeno je da će pod navodnicima „konstitutivni narodi i pripadnici grupe ostalih biti proporcionalno zastupljeni u Vladi. Takva zastupljenost će odražavati popis stanovništva iz 1991 godine do potpune provedbe Aneksa VII u skladu sa članom 9. tačka 11. a. Ustava FBiH”. Dozvolite mi onda da primijetim da predloženi sastav Vlade ne zadovoljava član 27. Ustava Kantona Sarajevo. Iako Ustavom nije određen tačan broj članova Vlade prema nacionalnoj pripadnosti, već samo princip za utvrđivanje nacionalnog sastava Vlade Kantona Sarajevo do kojeg bi se trebalo dolaziti matematičkom računicom, to ne isključuje obavezu svake skupštinske većine pa i ove, tj naročito ove u kojoj lično učestvujem svojim potpisom da ukoliko se ukaže mogućnost otkloni određenu disproporciju u nacionalnom sastavu Vlade Kantona. Da li ovaj i ovakav sastav Vlade znači da ta mogućnost ne postoji, tj da je u Sarajevu danas prosto nemoguće pronaći tri eksperta iz reda srpskog naroda. Možda ovo pitanje ne treba postavljati novoj skupštinskoj većini niti novom mandataru, možda ovo pitane moramo postaviti sebi, kao društvu, tj svim građanima Sarajeva i Kantona Sarajevo. Naravno, mišljenje i računanje nacionalnog sastava Vlade varira. Prema popisu stanovništva iz 1991 u devet prijeratnih gradskih opština u sastavu Vlade bi trebalo biti četiri ministra ili ministrice iz reda Srpskog naroda. Jedno iz reda hrvatskog, šest iz reda bošnjačkog naroda i dvoje iz reda ostalih. Može se raspravljati o tome da bi broj ministara ili ministrica iz reda srpskog naroda trebao biti tri ili najmanje dva, ali ćemo se svi složiti da jedno ni u kom slučaju ne zadovoljava navedenu ustavnu odredbu čija je primjena obavezna. Drugim riječima, iako se podrazumijeva obavezna primjena ove ustavne odredbe, prilikom predlaganja ministara, ona ni ovog puta nije u cjelosti provedena. A to što nije provedena ni u prethodnim Vladama, što nije provedena nikada, niti jednom od kada je Amandman na snazi ne može biti razlog i pravdanje da se nastavi s ovom neustavnom praksom, već upravo suprotno. Mislim da nije bilo previše za očekivati da će ova skupštinska većina za koju sam dao svoj potpis prekinuti sa navedenom neustavnom i nečasnom praksom. Istovremeno vjerujem da one koji su se u protekle dvije godine iole potrudili da se upoznaju sa suštinskim principima mog djelovanja u politici, a to je prije svega parlamentarizam, tj insistiranje na predstavničkoj demokratiji, na parlamentarnoj ustavnoj republici, nimalo ne iznenađuje ova moja diskusija. Podsjećajući ponovo sve prisutne a naročito one koji čine trenutnu skupštinsku većinu na svečanu zakletvu koju smo dali kada smo preuzimali ovu dužnost, smatram da je naša primarna dužnost da zaštitimo Ustav i ravnopravnost naroda tako što ćemo tu ravnopravnost konačno ispoštovati. Kada ako ne sada? Kako ako ne samom primjenom odredbi Ustava? Hoću da se zna da ja nisam protiv ove Vlade. Ja sam bio oduševljen, inspirisan jednostavnim, jasnim i konkretnim Ekspozeom budućeg premijera. Njegovom odlučnošću da se uhvati u koštac sa problemima izazovima koje je naslijedio i koji ga već čekaju. Mislim da njegov Ekspoze ne možemo nazvati populističkim samo zato što je bio razumljiv i što je ulio nadu i povjerenje velikom dijelu građana kojima u principu ne treba previše objašnjavati. Mislim da veliki dio nas, ne samo da se u potpunosti slaže sa svim izjavama o njegovom Ekspozeu, već da smo mu zahvalni što je izrekao u eter ono što mnogi misle. Ali se boji reći danas u Sarajevu. Iz prostog razloga što je glas manjine

da ne kažem razuma predugo zatomljen i zastrašen. Ja dakle jesam za ovu Vladu ali ne po cijenu osnovnih principa Ustava i ustavnog uređenja parlamentarne republike. Iz tog razloga prinuđen sam glasati prema građanskoj savjesti i dužnosti parlamentarca što znači da ću morati biti suzdržan, osim, osim ako moj glas bude presudan za imenovanje nove Vlade. U svakom slučaju a pogotovo da moj glas bude presudan za imenovanje Vlade u ovakvom sastavu ja ću iskoristiti ovu priliku, ovu diskusiju i odmah predložiti novom premijeru Vlade, tj budućem premijeru Vlade i predsjedavajućem Skupštine da prema članu 27. stav 5) u što skorijem roku kreiraju novi sastav Vlade koji će odražavati ustavne odredbe jer u protivnom kako tražiti od Skupština iz drugih dijelova BIH da poštuju i provede Aneks VII ako mi u glavnom gradu BIH to ne činimo. Mislim da smo nakon svega što smo prošli zajedno u ovoj borbi za povratak na poziciju u protekloj godini dana, mogli, morali i bili dužni građanima ponuditi barem u smislu nacionalnog sastava Vlade mnogo bolje, pravednije i ustavnije od ovoga danas. Hvala vam.

Predsjedavajući:

Zahvaljujemo se kolegi Nikšiću zastupnik Elmedinu Konakoviću.

Kolega Konakoviću imate riječ. Izgleda imate neke tehničke smetnje. Preći ćemo na sljedećeg prijavljenog, Jasna Duraković.

Poslanik/zastupnik Jasna Duraković:

Da li se čujemo predsjedavajući? Zahvaljujem. Obzirom da sam imala neke tehničke probleme jutros nadam se da neće doći do prekida. Evo ja ću biti vrlo kratka u svom izlaganju. Obzirom da se prvi put javljam želim zaista srdačno da pozdravim sve kolegice i kolege i naše buduće ministre i ministrice i vas naravno i sve one koji prate rad današnje sjednice putem kantonalne TV. Ja bih se osvrnula na ovaj Ekspoze koji je imao budući mandatar. Dakle bez obzira što svi mi imamo određenu dozu skepse pa možda čak i nepovjerenja prema novim pojedincima u novoj Vladi o kojima znamo vrlo malo i naravno imamo različita shvatanja i interpretaciju onoga što je rečeno, ja se ipak zahvaljujem budućem premijeru Edinu Forti na prije svega otvorenom, profesionalnom i nadasve ljudskom obraćanju sa jasnim ciljevima i nekim ohrabrujućim riječima koje je iznio u svom Ekspozeu. Dakle iako e dobio mnogobrojne kritike na Ekspoze ili primarno u pogledu kratkoće njegovog Ekspozea nedovoljno sveobuhvatnosti ili njegovog čak nastupa ili pristupa u njegovom radu koji je ocijenjen kao preblag ja upravo smatram da će u ovom vremenu krize mnogo više značiti upravo ta složenost organizacije, dobro upravljanje, efikasnost i operativnost u radu kao i naravno i konkretna rješenja i djela nove Vlade koja ipak mislim govore više od riječi. Dakle samo konstruktivnim radom i djelima ova nova Vlada može donijeti neophodne male suštinske promjene u cilju poboljšanja kvaliteta života svih građana i građanki i naravno postepenog vraćanja nadam se vrlo brzo u normalne životne tokove. I pored ovih adekvatnih rješenja za mnogobrojne nagomilane probleme koje će nova Vlada vjerujem ponuditi prvenstveno u vidu neke konkretnije fiskalne politike preveniranja daljnjih posljedica uzrokovanih pandemijom COVID -19 i vrlo brzo nadam se implementirati u narednom periodu uzevši u obzir činjenicu da se zaista nalazimo u teškom i izazovom vremenu krize koje će evidentno potrajati jako dugo a vremena je sve manje. Jako je važno otvoriti prije svega i sve te komunikacijske kanale, prema javnosti, i raditi kako ste vi rekli premijeru Forto na poboljšanju upravo te transparentnosti koja je nekako čini mi se u proteklom periodu pomalo izgubljena i to prvenstveno kroz bolje upravljanje u kriznoj komunikaciji koja se temelji upravo na koordinaciji boljoj između svih resora, svih ustanova i institucija i naravno svih st ručnih lica u Kantonu Sarajevo. Te efikasno i pravilno komunicirati prema javnosti gdje će se morati mnogo više raditi na davanju prije svega istinite i naravno blagovremene informacije prema javnosti. To je ono čini mi se što je obilježilo protekli period izostalo u potpunosti. Gdje su građani i građanke potpuno zbunjeni, mnogobrojan su neodgovorena pitanja, sijanje nekog straha, panike, što je potpuno opravdano u ovakvoj situaciji, onaj najodgovorniji faktor koji je trebao

da preuzme ulogu lidera da prosto taj strah i paniku svede na neki minimum to nije uradio na žalost. Ja se nadam da će to nova Vlada uraditi. Da će zaista opravdati i današnje njihovo imenovanje. Dakle nova Vlada se mora više potruditi da radi prije svega timski i vjerujem da će se potruditi da otvori svoja vrata da čuje i uvaži do sada zanemari vox populi pa tako i da čuje i uvaži sve korisne sugestije i kritike ili prijedloge koji dolaze od strane kako zastupnika i zastupnica u Skupštini Kantona Sarajevo, tako naravno i od strane šire javnosti, stručnih osoba i svih onih zainteresiranih strana koje žele dati svoj doprinos i na taj način unaprijediti rad ove Vlade. Nova Vlada, to su naravno i moja očekivanja će morati pokazati svu svoju odgovornost i profesionalnost na način da vrati to izgubljeno povjerenje izgubljeni osjećaj sigurnosti građana i građanki u Kantonu Sarajevo to ne govorim samo kada je riječ o primarno narušenom zdravstvenom sistemu u Kantonu Sarajevo, već da se vrati to povjerenje izgubljeno u institucije. Da se ljudima pokuša vratiti nada i motivacija da se zajedno s nama bore za unapređenje života svih nas u Kantonu Sarajevo. I naravno ono što je ključno i to ste rekli i naveli u svom Ekspozeu uz stalne napore da vratimo tu želju i volju da ljudi ipak ostanu i vjerujem da ćete raditi u zajedničkom najboljem interesu svih nas. Stoga vam želim sreću i uspjeh u budućem radu. Toliko i zahvaljujem.

Predsjedavajući:

Zahvaljujem se zastupnici Duraković. Sljedeći prijavljeni kolega Elmedin Konaković.

Poslanik/zastupnik Elmedin Konaković:

Hvala predsjedavajući. Nadam se da se sada čujemo malo bolje. Prije svega promijenio sam naravno koncept diskusije nakon ovoga što je kolega Nikšić govorio. Želim da kažem neka svoja opažanja. Generalno, kao neko ko je pokušavao pronaći hrabre, stručne, sposobne ljude da uđu u ovakvu političku arenu u kojoj su spremni pripadnici drugih političkih partija da vam prebire krvna zrnca, kopaju po prošlosti vas, vaše porodice, da ste izloženi različitim vrstama medijskog sataniziranja, naravno vrlo često neprincipijelnih pa i tužilačkih, pravosudnih institucija u interesu stranaka, svjedočim to lično, jer kroz takve procese prolazim, veliki je dobitak naći ovakve ljude koji su danas predloženi u sastav nove Vlade Kantona Sarajevo. Na tome im se iskreno od srca zahvaljujem. Kao što ne minimiziram i ne karikiram da je jednako bilo hrabro i od prošlih ministara u sastavu Mariove Vlade i Vlade koju sam ja vodio danas generalno sjesti na neku izvršnu poziciju. Zaista od srca, i posebno sam zadovoljan jer većinu ovih ljudi lično poznajem, prije svega njima hvala što su sjeli u ove užarene stolice i garantujem da će im život od danas biti teži nego što je do sada bio, ali da su funkcije koje obnašaju časne i da na njima mogu osvjetlati svoj i naš obraz i uraditi dobar posao za zajednicu. Kolega Nikšić je govorio o tome je li trebalo zadovoljiti Ustav i Kanton Sarajevo i FBIH. Dakle ja pored ovoga što govorim o hrabrosti ljudi da prihvate pozicije, govorio sam naravno, pa su me spinovali, izvrtali ljudi koji su napadali mene lično i moju političku opciju o tome kako je Sarajevo danas. Ono je po popisu 93% bošnjačko. Ono je takvo zato što je stranka SDS na početku i ratni zločinci Krajišnik i drugi proglasima, pritiscima tjerala ljude da napuštaju naš glavni grad i zato što je njeno Dejtonsko uređenje drugačije nego što je to bilo prije agresije na BIH, koje na žalost ne možemo zvati agresija zbog tih nekih pravnih promašaja naših vladajućih struktura. Ja je zovem agresija jer za ovo ne mogu odgovarati za ovo što u Skupštini govorim. Nije lahko, teško je naći u tih 7% časne, stručne, poštene ljude koji nisu Bošnjaci, koji su zajedno i sa nama prošli kroz sve golgote u odbrani od agresije koji imaju dobre, komotne poslove i koji su spremni da se takvih benefita ostave a dođu u ovakvu užarenu arenu. I evo vjerovatno sada već imaju dodir sa realnošću kakav njih posao čeka i kakve vrste kritika i to ovih najgorih „okupajte ih i namirišite ih”. Tako vam to izgleda izvana. Kolega Nikšić principijelno postavlja stvari ali ovdje zanemaruje jednu činjenicu. Politika je umijeće mogućeg i volio bih evo sada da je bio u prilici, ali ako jeste, a vjerovatno jeste i on se bori da popravlja ovo stanje, to je evidentno. Mora se suočiti sa našom političkom,

društvenom, životnom realnošću i na neki način baviti se politikom onako kako je to moguće. Naravno na gornjoj granici, optimalnoj granici mogućeg. Nije danas opozicija posebno nekorektna. Bilo je tih malo izvrtanja činjenica a ovako vam je to dragi članovi Vlade, skoro svaki put. Sve se ovdje prebiralalo, gdje si s kim sjedio pio kafu, gdje si bio u ratu, šta si struka. Naravno opozicija ima svoj dio posla a masa je činjenica ili dokaza da i ono što su oni radili nije bilo ništa bolje ili lošije, što ne smije zavaravati ni nas, ni nama postavljene ciljeve. Dakle u mandatu Vlade koju sam ja vodio, ministar privrede bio inženjer saobraćaja. U mojoj Vladi su tri DIF-ovca bila. Ja sam bio kao DIF-ovac na čelu Vlade, premijer sam bio kao neko ko je završio Fakultet sporta i tjelesnog odgoja, obrazovanje je vodio DIF-ovac, vrlo uspješno. SDA kadar Elvir Kazazović, vrlo uspješno. Donio je nekoliko prevažnih odluka jer je bio hrabar, imao je energiju, imao je karakter. Recimo upisne politike u srednje škole u vrijeme ministra Kazazovića su jedna od važnijih promjena u procesu obrazovanja pa smo napunili dole one stručne škole iz kojih djeca idu direktno na tržište rada a smanjili smo kvote recimo u Ekonomskoj sa sedam na četiri. Da ne elaboriram previše. U vrijeme Vlade koju sam ja vodio također je svršeni Fakulteta sporta i tjelesnog odgoja, ministar Ismir Jusko za kog mislim da siv u sali imate isto mišljenje. Da je riječ o dobrom, kvalitetnom, stručnom, moralnom čovjeku, on vam dolazi s DIF-a. Da vam kažem da su vam u toj sali danas vaše kolege Delalić i Mekić s DIF-a. Da su vam tu bile kolege Haris Alić, Ifet Mahmutović, Talović. Da vam je tu Poturak s DIF-a, da vam je bio Lakota s DIF-a. Da vam je tu Amer Kapo direktor Skenderije s DIF-a. Da su vam tu vrhunski sportisti Džeko, Pjanić, Neno Marković i nemojte molim vas, zato što se obračunavate sa mnom lično, derogirati jednu časnu profesiju. Evo svakog od ovih ljudi, zamislite sada, sada ih imaginizirajte šta o njima misli, većinom svi o njima mislimo dobro. A vi ste danas, zato što smo zamislite magistra menadžmenta u sportu stavili da odlučuje o pitanju sporta. Ili što smo pripadnika specijalne jedinice MUP-a stavili na čelo.

Predsjedavajući:

Kolega Konaković imamo ispravku krivog navoda zastupnik Mahir Dević.

Poslanik/zastupnik Mahir Dević.

Čujemo li se predsjedavajući. Zahvaljujem. Ispravka krivog navoda se odnosi na ovu zamjenu teza koje kolege Konaković pravi. Znači prof.dr. Elvir Kazazović je dolazio iz oblasti obrazovanja, i kao takav je radio kao ministar obrazovanja. Što je potpuno kompatibilno. On je profesor na FASTO ukoliko znam. Mi smo ovdje govorili nešto potpuno drugo, da profesor tjelesnog i zdravstvenog odgoja ide u resor privrede. I možda i to ne bi bilo problem da isti taj kolega Konaković nije najavljivao dva mjeseca u Kantonu Sarajevo ekspertsku Vladu koja će pozlatiti Kanton Sarajevo. A onda imamo ovakav razdor između onoga što smo predložili kao ministre i onoga što zahtjeva određeni resor. Znači ispravka krivog navoda se odnosi na to nije Elvir za poređenje ovakvog tipa kako to radi kolega Konaković. Hvala.

Predsjedavajući:

Hvala kolega Deviću. Zastupniče Konaković možete nastaviti.

Poslanik/zastupnik Elmedin Konaković:

Hvala predsjedavajući. Odlično je rekao Dević. Dakle Kazazović je sa FASTO, profesor je i dobio je sektor obrazovanja a Delić dolazi iz realnog sektora iz privrede i sporno je što je ministar privrede. Ja govorim generalno o tome što iza vas stoji kolega Deviću. Ismijavate jednu časnu profesiju, jednu cijelu generaciju hrabrih, stručnih ljudi, stavljate slike, to je Vlada tjelesnog odgoja. Od toga pravite kampanju. Ali ja to zapravo ne govorim vama, niste vi danas posebno ništa maliciozni, vi znate biti puno maliciozniji. Ja ovo govorim više ministrima da budu svjesni neke realnosti koja zapravo očekuje i nije loše da vi budete dobar korektor. Da bude, postavili ste...

Predsjedavajući:

Oprostite imate opet ispravku krivog navoda, kolega Dević.

Poslanik/zastupnik Mahir Dević:

Čujemo li se predsjedavajući? Ispravka krivog navoda se odnosi na konstataciju kolege Konakovića da mi nekoga ovdje omalovažamo. Nikoga ne omalovažavamo. Mi govorimo da formalno obrazovanje koje ima jedan dobar ministara ne odgovara kompetencijama koje se zahtijevaju za određene resore i Ministarstva. Znači nemojte govoriti da mi nekoga ovdje omalovažavamo. Nikoga mi lično i personalno ne omalovažavamo. Kada je u pitanju kolega Delić, ja to čovjeka znam površno, nemam loše mišljenje o njemu, međutim on nije čovjek koji dolazi iz privrede. On nije čovjek koji dolazi iz privrede i nije čovjek koji dolazi iz realnog sektora. Znamo gdje taj čovjek radio, znamo u kojoj je firmi radio, znamo kako je došao u tu firmu, znamo na kojim mjestima je radio itd. Ali da ne ulazimo sada u tu vrstu priče. Mi govorimo o njegovom formalnom obrazovanju. O njegovom radnom iskustvu i o potrebama koje zahtjeva Ministarstvo privrede Kantona Sarajevo. Mi nikoga ovdje ne omalovažamo već govorimo, odnosno napominjemo prije svega vas i one koji su govorili zajedno s vama da ćemo dobiti ekspertsku Vladu. Mi tvrdimo da nismo dobili tu Vladu.

Predsjedavajući:

Hvala. Možete nastaviti kolega Konakoviću.

Poslanik/zastupnik Elmedin Konaković:

Vrlo rado predsjedavajući koliko god puta. Neprincipijelno je da ovo nije bila ispravka krivog navoda. Svaki put kolega Dević održi govor nakon što ispravi krivi navod koji to nije. Ovo vam je slika kolege Devića i kolege Zahiragića ko ji iza sebe imaju ko biva taj neki flajer, poster tjelesni i zdravstveni odgoj. I ono što rade zaista jeste pokušaj da se jedna cijela profesija na UNSA, pazite, stavi u neki počinjeni položaj. Ja sam namjerno nabrojao imena ovih kolega, digniteta, cijele te priče, jer sam veliki broj tih ljudi dobio poruka od tih ljudi. Dakle ono što sam želio da kažem Vladi Kantona Sarajevo šta god mi ovdje pričamo vama treba biti manje važno. Osim kada shvatite da je zaista neka dobronamjerna kritika ili dobar prijedlog na osnovu kojeg možete popraviti svoj posao i rezultate prezentirati onima kojima je bitno da prezentiramo. Ne političkim strankama ni pojedincima ni zastupnicima čak, nego građanima u ovom slučaju Kantona Sarajevo koji od vas očekuju suštinske promjene. Ako budete Vlada kao što je bila Vlada Edina Forte za kojom je žalio 70% građana u svim anketama, kada je bila smjenjivana, osjetit ćete šta znači ta vrsta zadovoljstva dobro urađenog posla. Jer sve što mi možemo svojom retorikom, svojim spinovima, zapletima, kritikom, na vas ne treba ostavljati puno traga...

Predsjedavajući:

Kolega Konakoviću imamo opet ispravku krivog navoda, zastupnik Haris Zahiragić.

Poslanik/zastupnik Haris Zahiragić:

Nisam zaista imao namjeru po svaku cijenu ispravljati krive navode, međutim kada me je kolega Konaković imenovao imao sam potrebu da se javim. Dakle ja niti jednom riječju u svojim diskusijama nisam problematizirao to. To što sam mogao problematizirati iz razloga što sam kada smo podijelili koje ćemo resore komentarisati nisu me dopali ti. Ja sam prije par dana gospodinu Okeriću napisao status na Fejsbuku da su nastavnici tjelesnog odgoja u mom životu imali značajnu ulogu, moji treneri, jer sam bio sportista, moji nastavnici tjelesnog odgoja koji su bili pedagozi itd. Meni je žao radi te profesije što univerzalna primjena tih struka i znanja i zvanja i predstavljanja njima ekspertima njih pored mnogih eksperata budi

animozitet kod ostalih građana. Napravite tu anketu gospodine Konakoviću i vidjet ćete da građani su ogorčeni zbog toga, inženjeri, mladi ekonomisti itd. Druga stvar, nismo mi etablirali tu tezu, nego je tu tezu čini mi se etablirao gospodin Kljujić na TV. I ja sam tek tada shvatio šta se dešava i pogledao koji su ministri. I treća stvar.

Predsjedavajući:

Gospodine Zahiragiću navedite ispravku krivog navoda, nemojte diskutovati.

Poslanik/zastupnik Haris Zahiragić.

Neću, izvinjavam se. Gospodin Avdić je obrazovan kapiten i meni je drago da je on ministar sporta i kulture. Tu ste me obradovali gospodine Konakoviću jer konačno je jedan kapiten iz košarke dobio priliku nakon 20 godina, vas koji niste baš bili, jeste bili kapiten ali niste igrali tako dobro.

Predsjedavajući:

Navedite krivi navod kolega Zahiragiću.

Poslanik/zastupnik Haris Zahiragić:

I četvrti krivi navod gospodine Okeriću molim vas, moram to kazati još, jeste da je bilo ko problematizirao lično ljudima tim njihovo pravo da završe šta god hoće. Nego molim vas nemojte da skroz banalizujemo struku, profesiju, iskustvo. I ja to nisam radio nemojte mi molim vas imputirati. Ja to nisam radio. Ne želim da se raspravljamo, ne želim da se svađamo, mnoge od tih ljudi cijenim. Nije ni kolega Mahir, nije niko, samo je rekao da za privredu u ovom teškom trenutku bi trebala možda osoba s više iskustva, ili ne bi ali da u tom slučaju niste trebali najavljivati te stvari. Hvala vam i nadam se da se neće ova Skupština pretvoriti u naše ispravljanje međusobno navoda.

Predsjedavajući:

Hvala slažem se. Možete nastaviti kolega Konakoviću.

Poslanik/zastupnik Elmedin Konaković:

Koliko god vi budete htjeli prekidati, vi imate pravo sve dok ne ugrozite sam tok sjednice, ja ću vam svaki put nastaviti tamo gdje sam stao. Kolega Dević je recimo kao predsjednik Komisije za izbor i imenovanje u ovom mandatu, to mi je dobro kolegica Kerla napomenula prosljedio prijedlog za imenovanje ministra privrede politologa iz Banjaluke. Nimalo i nikako ne problematizirajući njegovu profesiju. Tu smo zapeli oko nekih drugih stvari, neću danas da otvaramo te Pandorine kutije. Vama je ponovo iz Vlade jako bitno da shvatite ono što je najvažnije za svoj posao da onako kako je radila Vlada Edina Forte zbog čega smo zdušno podržali njegovo ponovno imenovanje ako budete radili i ako budete bolji od toga, naravno sviju ćete nas učiniti ponosnim i sretnim. Građanima ćete Kantona Sarajevo pomoći da se popravi njihov dnevni život njihove egzistencijalne potrebe će biti lakše, prihvatljivije i imate nekoliko dobrih premijera. Vlada Edina Forte je bila hrabra Vlada. Otvorila je Pandorine kutije o kojima se nikada prije nije razgovaralo, bila je hrabra pogotovo u segmentu komunalne privrede i primjer vam je ministar Srđan Mandić. Evo vežem to i sa temom koju je otvorio Damir Nikšić, čovjek koji je hvala Bogu pokazao kako Sarajevo i dalje diše zato što je častan, stručan, dobar, pošten i nadasve hrabar čovjek. Ušao je u Pandorine kutije zaštićenih tajkuna kojima nikada niko nije smio iskontrolisati jedan račun a kamo li naplatiti vodu ili komunalnu uslugu. U tom segmentu ogleda se zadovoljstvo građana koji su ucjenjivač vašeg i našeg rada. I zato su vama i nama oni povjerali, dali povjerenje da ponovo u njihovo ime radite ozbiljne, časne i stručne poslove. Ja većinu vas poznajem personalno, upoznao sam vas, razgovarali smo, neke sam od vas anketirao i prepoznao sam ono što je najvažnije, ono što

kolega Nikšić sada traži, a sumnjam da će naći, koliko god put bude ponovio stručne, hrabre, odgovorne, ozbiljne ljude koji hoće da rade u Kantonu Sarajevo za platu od 2500 ili 2600 KM pod pritiskom koji je svakodnevni, principijelan i neprincipijelan, takvih je ljudi malo. Generalno, plus.

Predsjedavajući:

Kolega Konakoviću pretpostavljam da govorite u ime Kluba?

Poslanik/zastupnik Elmedin Konaković:

Govorim u ime Kluba. Još pet minuta. Ali šta ste mi štopali ove ispravke krivih navoda kolega ili šta? Dakle oni govore po tri četiri minute u mojoj diskusiji. Ja nemam ni sedam minuta u svojoj diskusiji.

Predsjedavajući:

Sve smo zaustavljali. Možete nastaviti.

Predsjedavajući:

Dobro. Govorit ću onda u ime Kluba.

Poslanik/zastupnik Elmedin Konaković:

Dakle kolega Nikšiću to ćete teško naći. I možete biti principijelni, neprincipijelni, po mom mišljenju trebate biti realni. I evo uzmite vremena koliko god hoćete, i probajte u gradu koji po Dejtonu izgleda drugačije nego što je izgledao sa svojih, koliko devet prijeratnih opština, sa Palama i Lukavicom koje su bile uključene u saziv, i Dejton nam je donio na žalost neka rješenja kojima nismo sretni ali je zaustavio tada taj prokleti, krvavi rat, agresiju kako je ja zovem, a inače pravno ne bih trebao imati pravo. Dakle to nije realno. Zato i vas molim da ove ljude kojih u hrabri, stručni, ozbiljni, predani odlučili većina njih, ne dolazi nam niko s biroa, niko ne dolazi nezaposlen, većina njih su ostavili svoje ozbiljne poslove. Dobar dio njih radit će za manje novca nego što je radilo u realnom sektoru, sa ozbiljnim menadžerskim pozicijama. Da vam ne pričam priču o svakom od njih, i šteta je, ali eto politički je bonton da danas premijer govori u ime cijele Vlade, njegov je Ekspoze, njegov je kabinet, da niste neke od tih ljudi malo pobliže upoznali. Dakle pred nama su teški procesi. Pored ovog očekivanog spinovanja i napada zbog mene na jednu cijelu profesiju, nije bilo previše teških riječi. Bilo je čak i najava da će kolege iz opozicije podržavati neke dobre ideje, vidjet ćemo. To bi moglo značiti za Skupštinu Kanton Sarajevo da možda mijenja način svog funkcionisanja, da ćemo neke svoje političke igre ostaviti na Twiterima i na Fejsbucima, možda na nekim pres konferencijama a ovdje se baviti suštinom ovog problema. Istakli ste nekoliko prioriteta koji su vrlo važni. Ekspoze premijera Forte je realna. On je zapravo nastavak Ekspozea. Forto nije novi premijer. Forto je aneks Ekspozea stavio u proceduru i puno vi toga imate o čemu je on govorio i ono kako je radio i ono zbog čega je zaslužio da ponovo bude premijer. Na to se nismo osvrnuli. Neka žuč je hajemo reći logična i normalna, nismo ni mi bili baš onako male mace kada se birala ova Vlada, svašta smo mi rešetali i pitali. Eto to je ko biva u ovim političkim procesima normalno. Ali ipak dio digniteta i naravno morao sam ovo o profesiji iz koje ja dolazim, jer ja to živim 15 godina i pregledali su ljudi moju diplomu, ispit po ispit, prijavu po prijavu. Žao mi je što zbog toga što sam ja s Fakulteta sporta treba da moje kolege, čija sam časna imena pročitao trpe i nose oreol eto on je znate nastavnik fizičkog. Nisam naravno komentarisao Ključića jer je riječ o jednom od velikana ovog vremena koji ima pravo na svoje mišljenje. I takvim ljudima kako ni Lazoviću ni njima sličnim ja nisam suprotstavljao svoja mišljenja. Ali sam dobio niz poruka od kolega s ovog Fakulteta da na neki način zaštitim tu svoju profesiju. I nemojte se na mene zbog toga ljutiti. A paralele su vrlo provjerljive ko je i kako je kada bio ministar privrede, ko je i ružno je da govorite nije on tamo bio. Znamo gdje je

bio budući ministar privrede. I ono što će biti dobro u ovoj priči, a time ću završiti, svaki ću vam mjesec dana uslikati ono što radi Adnan Delić i pokazati koliko je bila dobra odluka da baš on bude na toj poziciji ministra privrede. I svaka će vam se ta riječ obiti o glavu, ali ne zato što ja ovako govorim nego zato što sam ja to već jednom rekao ministru privrede. Djelima ih Harkane. E sada će vam biti djelima ih Adnane. I kunem vam se da će to biti više nego dobro u Ministarstvu privrede. Hvala.

Predsjedavajući :

Zahvaljujem se kolega Konaković. Replika Marjanović Konakoviću.

Poslanik/zastupnik Damir Marjanović.

Zahvaljujem se predsjedavajući. Kada budem diskutovao pozdravit ću sve ljude koje treba da pozdravim. U replikama obično imamo relativno malo vremena, opet ću iskoristiti jednu floskulu ponekada mi je žao što nemaju neke dopune a ne samo replike. Mi ovdje u kontinuitetu volimo da se igramo žmire i to na jako pogrešan način, kada nas traže zastanemo na sred polja, zažmirimo i mislimo da da nas oni drugi ne vide. Tako mi već 20 godina žmirimo nad realnom situacijom i nad onim što živimo i kako živimo. A moja replika i moja dopuna rečenice gospodinu Konakoviću se odnosi prije svega na onaj dio u kojem kaže da je bilo jako teško među 7% tih ljudi pronaći one koji su bili spremni da se odreknu svoga komfora, svoje zone i u kojoj djeluju, u kojoj funkcioniraju i da se prihvate jako teških pozicija i jako teških poslova koji su pred nama. Ja ću samo dopuniti gospodine Konakoviću nije to bilo teško uraditi samo u tih 7%, to je bilo teško uraditi u onih 93%, i to je sada realno stanje. Hajmo da otvorimo oči, realno stanje odnosa ljudi prema institucijama koje vode ovaj Kantona i odnosa prema onome što misle da te institucije mogu uraditi. Ovi hrabri ljudi, ja sam siguran, bez obzira pripadali u onih 7 ili 93% a to je totalno nebitno, će pokazati u narednom periodu kako to treba, kako to može funkcionirati. Zato im i dajemo šansu. Hvala velika.

Predsjedavajući:

Zahvaljujem se kolegi Marjanoviću. Replika zastupnik Zahiragić Konakoviću.

Poslanik/zastupnik Haris Zahiragić:

Čujemo li se predsjedavajući. Zaista nisam očekivao da će gospodin Konaković ili bilo ko biti uvrijeđen ovim plakatima da sam i pomislio da će biti uvrijeđen ja bi ih već na samom početku skinuo. Ali evo, kao znak dobre volje ja sam ih sada skinuo, i izvinjavam se ako su ga vrijeđali. To je bio performans koji je trebao da da otprilike mišljenje bez da izgovaramo išta. Ja nisam želio da uopšte o tome govorim. Samo sam plakate vidio, reko OK, dovoljno i to, hajmo govoriti o drugim temama. Imam dvije stvari koje bih volio prokomentarisati koje je gospodin Konaković kazao. Gospodin Delić je jedan sjajan momak, ja ga vrlo cijenim iz više razloga, onako ne poznajem ga previše dobro, međutim poznaju ga ljudi i kažu da je to jedan čestit i divan momak. Međutim, nemojte molim vas gospodine Konakoviću pokušavati konfrontirati njegovu čestitost i njegov ugled koji ima zaista u svojoj zajednici sa argumentima koje su moje kolege govorete apro po njegovoj iskustva. Dakle čast, dostojanstvo s jedne i iskustvo s druge nemaju apsolutno nikakve veze niti su kompatibilni, niti su u koliziji. Mislim ja znam da je vama potreban novi neki „djelima ih Adnane”. Evo i ja mu kažem djelima Adnane molim te, djelima Forto, djelima Konakoviću konačno. Nemojte nas više riječima. I jedna stvar koju bih još morao kazati. Zaista sam se nadao, ja poznajem gospodina Konakovića poprilično dugo. Uvijek sam znao da je čovjek koji je spreman, pa neka možda i iznuđeno, ali u glavnom na kraju bude spreman da se bori protiv kriminala, korupcije, često je bio hrabar kada je to trebalo biti. Ja ne znam gdje je taj Konaković kojeg sam ja poznavao nestao. Ja sam govorio o ozbiljnom kriminalu u Grasu, o ozbiljnijem još kriminalu u

Ministarstvu saobraćaja. Postavljao sam prava pitanja i vjerujte mi jedva sam čekao da Konaković kaže Zahiragiću u pravu si, to su teme, evo svojim primjermom pokazujemo svaki kriminal je kriminal, odakle god on dolazi. A kada je moj stav, i kada je u pitanju neko iz moje stranke ili iz bilo koje druge stranke. Međutim, on je na žalost prešutio. Želim da vjerujem da je on to zapisao tamo nigdje da će u drugoj diskusiji prvo demantovati Fortinu optužbu da je on nabavio trolejbuse skuplje 1000% smeće je nabavio koje se ne može ni voziti za 1,2 miliona zamislite. Pa on ne vrijedi ni u željezu. I njega je gospodin Forto optužio. Demantujete ga gospodine Konakoviću jer sam ja u to vrijeme vašu čast branio od takvih napada. Branite i vi svoju, znate to uraditi. Druga stvar, molim vas demantujete mene ili osudite nabavku stanica i plaćanje avansno, i sve ono što sam nabrojao. Želim da vjerujem da ćete u drugoj diskusiji na koju imate pravo, to uraditi. Ukoliko ne uradite, zaista ne znam kako ćete moći ujutro kada ustanete pogledati sebe u ogledalo. Ja vas znam, ja znam da vas to baš žulja, da sada morate štititi radi koalicije. Dobro znam da vam i smetaju te nabavke ali budite hrabri.

Predsjedavajući:

Vrijeme kolega Zahiragiću.

Poslanik/zastupnik Haris Zahiragić:

Hvala.

Predsjedavajući:

Zahvaljujem se kolegi Zahiragiću. Sljedeći prijavljeni kolega Marić. Izvolite, imate riječ-.

Poslanik/zastupnik Zvonko Marić:

Zahvaljujem predsjedavajući. Ono posebno što me raduje da ipak nema one doze malicioznosti koja bi priličila s obzirom na ranija zbivanja i ranije događaje u ovakvoj situaciji, odnosno smjeni Vlade ili dolaskom nove Vlade. I to je ono što je pozitivno, što i znači da ne živimo u predpolitičkom vremenu. Međutim, ono što moram reći je da se osvrnem od samog početka, onako hronološki, da je Ekspoze gospodina Forte nekako oskudan i nije baš bio inspirativan za bilo kakvu vrstu rasprave i ono što ja mislim dakle ja dobro poznajem i dugo se već znamo gospodina Fortu i on zna je ovo potpuno oslobođeno bilo kakve zle namjere ali ću reći da ovi građani Kantona Sarajevo su zaslužili nešto sadržajni Ekspoze, konkretniji. I na kraju krajeva i ova Skupština ga je zaslužila. Nismo ga imali možda je popravio utisak u nekim odgovorima na neka zastupnička pitanja. Ali ono što je posebno bitno je činjenica ta da smo ovom prilikom iskristalizirali stvari i shvatili svi i nadam se da su i građani da je predizborno vrijeme prošlo i da ne možemo govoriti o nikakvoj eksperstkoj Vladi. Dakle povela se diskusija o tome kako su i na koji način ministri došli na te pozicije itd. Otvorilo se čak pitanje nacionalnog balansa u skladu sa Ustavom itd. Ja sam neko ko apsolutno ne drži do toga i ne bavi se prebrojavanjem krvnih zrnaca. Međutim ovdje hoću da istaknem principijelnost odnosno neprincipijelnost s obzirom na prošli put kada se jako puno diglo prašine o nacionalnom sastavu Vlade Kantona Sarajevo i znamo zaista šta se sve izdešavalo, tako da je to bilo poprilično mučno. A evo u jednom trenutku jedan od zastupnika postavlja i pitanje te principijelnosti, odnosno neprincipijelnosti kada je riječ o nacionalnom sastavu ove Vlade. Dakle isključiti ćemo svaku mogućnost da je riječ o ekspertskoj Vladi, mislim da je ta retorika poprilično opteretila ljude koji su u sastavu nove Vlade, buduće Vlade, iz prostog razlog zašto je to svojevrsni balans da dokazuju da su eksperti, dakle svoje sposobnosti ekspertске i moram kazati da je jedna od kolegica rekla uvijek se ima otpor prema novim ljudima o kojima malo znamo. I to potvrđuje da zapravo o ekspertima bi se sigurno malo više znalo. I ta logika je posve jasna. I bolje da dalje ne logiciram ali sasvim sigurno u jednom trenutku premijer Forto, budući, je kazao da će ovi ministri okupiti ekspertne timove. Pa ako se držimo logike zašto ti ekspertni timovi ili budući ljudi eksperti koji će biti u

ekspertnim timovima nisu ministri nego su ministri ljudi nekih drugih zanimanja. I moramo na neki način se usredsrediti na konkretne stvari. Ono što bih posebno istakao je da činjenicu tu da moramo posvetiti pažnju onim započetim projektima koji su kapitalni uistinu. I premijer Forto zna kada smo održavali a on je to činio redovno utorkom, sjednice operativnog stožera ili štaba Prve transferzale, koliko je poteškoća bilo u otklanjanju administrativnih i koruptivnih i drugih prepreka koje su stajale na realizaciji projekta koji čeka 55 godina na realizaciju. I zašto mi ni u jednom trenutku nismo čuli od budućeg premijera da će nastaviti gdje je prethodna Vlada jako dobro radila. Čini mi se da mu je tu ponestalo malo političke hrabrosti da to kaže, malo političke mudrosti mu je falilo, rekao bih, da kaže, jer jako ima dobrih započetih kapitalnih projekata, počev od evo, prve transferzale, Devete transferzale, Južne longitudinale, zatim zgrade. Pazite, ova Vlada odlazeća je ponudila ne jedno, nego četiri lokaliteta za izgradnju zgrade MUP-a. Dakle u tom kontekstu to mi je nešto falilo da bude konkretnije, jer zaista kada je gospodin Konaković govorio o hrabrosti. Hrabrosti nije nedostajalo ni premijeru Nenadiću i njegovoj Vladi, ljudima manje više uspješnim na tim poslovima. Oni su u neku ruku su zapravo primili sve udare pandemije krize i olakšali put budućoj Vladi. Toliko je bilo nepoznanica, nepoznatih stvari, toliko je bilo iznenađujućih stvari kada su preuzeli funkciju u proteklih deset mjeseci sasvim sigurno amortizirali i time olakšali i ta Vlada ai sam gospodin Nenadić, nikada, nikada niste mogli čuti niti jednu ružnu riječ kritike koju je uputio na račun Vlade šestorke koja je prethodno bila i upravljala procesima u Kantonu Sarajevo. To je ja mislim i model za sve premijer a n e da izaziva na bilo koji način kao što je u jednom trenutku gospodin Forto dakle pa su ljudi tražili izvinjenje od njega. I prema tome treba se osloboditi. Ja znam da je on bio direktor stranke, ali mislim da u obavljanju premijerskog posla treba da se okrene operativnim poslovima koje treba uraditi. Dakle i ova Vlada odlazeća, moram kazati da je omogućila dosta toga i u zdravstvenom sistemu. Nije bilo lako otvoriti dvije COVID ambulante u ovom vremenu koje je prethodilo. Nije bilo lako izolatorij ili urgentni centar. Opću bolnicu spasiti od namjera, znamo od kada datira i kakva je sudbina Općoj bolnici namijenjena. Mi se toga jako dobro sjećamo i SBB i predsjednik SBB je jako puno učinio napora da spasi taj projekat, taj zdravstveni segment. I kroz šta smo sve prolazili, primali otrovne strelice na račun toga ali ipak danas imamo razloga, evo i ministar Vranić koji dolazi iz te bolnice, zna koliko je ova Vlada samo energije, materijalnih sredstva, podrške uložila u Opću bolnicu da bi imali danas takav centar kakav imamo, zdravstveni centar odnosno Opću bolnicu. Moram napomenuti da je u sistem uvedeno i šest novih laboratorija. I u tom smislu ja zamjeram premijeru Forti budućem što nije istakao da će nastaviti te kapitalne projekte i uraditi na tome da se realiziraju ti projekti. Ono što moram reći isto tako da je kada e riječ o kontinuitetu, dosljednosti kako god hoćete, ja i gospodin Forto, odnosno gospodin Forto je sjedio pored mene ili ja pored njega u prošlom mandatu i ako se sjećate ja sam tada govorio o Grasu, otprilike na fonu na kojem je i on jer bio je nepopravljivi gubitaš. Tada je gospodin Forto se zalagao zaista žestoko za njegovu likvidaciju, ili na neki način za gašenje Grasa itd. A onda je u vrhu prioriteta došao Gras kada je postao premijer i zaista evo i sada također nagovještava i obećava da će se desiti. Dakle to je riječ o dosljednosti ili nedosljednosti i zalaganja za opšte ciljeve koje trebaju, odnosno ova Vlada da stavi u vrhu liste prioriteta. Sad ću vam reći još par stvari koje se tiču onoga što bi ova Vlada koja dolazi trebalo učiniti. Ja mislim da mi je žao neke ministre, i oni će osjetiti i možda e dobro da su se suočili s ovom vrstom kritika, ambijenta u kojem će raditi jer će se sasvim sigurno zastupnici zaista postavljati neugodna pitanja u onom vremenu koje dolazi ispred nas. I sigurno, s obzirom da su neki ljudi ponovo izabrani kao ministri, oni znaju kako je to raditi ovaj ministarski posao. Doduše oni su radili u nekom normalnom vremenu.

Predsjedavajući:

Oprostite gospodine Mariću da li govorite u ime Kluba?

Poslanik/zastupnik Zvonko Marić.

Da, da. Ali vrlo brzo ću. I moram kazati da zaista nećemo čekati 100 dana za ovu Vladu da bi upućivali kritike. Uostalom premijer Forto nas je ohrabrio da se kritikama pomoći da se realiziraju ciljevi da se odbranimo od pandemije COVID-a. Kada je govorio gospodin Konaković o ljudima koji su sada na funkciji ja zaista ne bih ni na koji način, ama baš ni na koji način niti derogirao niti devalvirao studij o kojem se najviše danas govori. Čak ga neću pomenuti jer zaista to je stvar ko drži do digniteta tog poziva ali on je častan u svakom slučaju i ja dajem podršku tome. Ali samo da se ne zanosimo, da ne opterećujemo ove ljude, a mogu se neki i umisliti čak da su eksperti, pa će to biti dodatni teret da realiziraju posao koji je ispred njih. Ali ne bih volio da se desi kao što je gospodin Konaković pomenuo ne imenom jednom ministra koji je obavljao ministarsku dužnost. I nakon četiri godine kada je došlo vrijeme istekao mandat sreo me ispred ove zgrade i rekao: Evo Zvonko kako je sudbina ministara, taman kada sam naučio ministarski posao iako nisam iz tog domena ja moram otići sa te pozicije. To zaista ne bih volio i moram kazati da će SBB dati podršku kao što smo javno obećali ovom sastavu Vlade. Ne zato što je prinuđen, nego zato što smo principijelno i rekli i toga ćemo se dosljedno držati. Imam jako puno i mogao bih puno oštrije da govorim ali vrijeme je pred nama, ali ću se suzdržati da ne bih kvario ovaj trenutak, međutim samo molim sve nas da se malo suzdržimo od svega i da vidimo šta će nam ponuditi taj sastav Vlade koji će u narednom periodu djelovati u Kantonu Sarajevo. I dakle SBB će dati zaista podršku, ne zato što je prinuđen kako reče jedan zastupnik da će ako bude prinuđen, mi nismo prinuđeni, ali sasvim sigurno da ćemo glasati za ovaj sastav Vlade kojem želim uspjeh ali sasvim sigurno samim tim što ima dajemo podršku da ćemo ostvariti za sebe veće pravo da ih u predstojećem vremenu kritiziramo i to baš da ukazujemo na sve negativnosti ali ja isto tako još jednom podvlačim da se treba ponašati otprilike prema načinu na koji je to činio u zaista teškim vremenima, ne mogu reći jer su ratna vremena teža, u jako teškom vremenu premijer Nenadić kojem odajemo priznanje zaista za način, za držanje za pristup, za ponašanje, za kodekse koje je demonstrirao, da ih poštuje i da ih se drži. I još jednom hvala odlazećoj Vladi a ovoj dolazećoj Vladi želimo svakako uspjeh.

Predsjedavajući:

Hvala kolega Mariću. Sljedeća prijavljena zastupnica je Segmedina Srna. Zastupnice Srna izvolite imate riječ.

Poslanik/zastupnik Segmedina Srna Bajramović:

Zahvaljujem predsjedavajući. Pozdravljam sve prisutne. Ono što želim reći nakon evo svih ovih diskusija i Ekspozea premijera jest činjenice da su izazovna vremena pred nama i vjerujem kako nam treba sva pamet svijeta da kroz njih prođemo najbolje što možemo. Prije svega vrijeme e da zaustavimo politiku jalovih proceduralnih predstava u kojima pokazujemo da smo majstori u komplikovanju jednostavnih stvari. Pri tome bojim se ne vodeći računa da maltretiramo ljude koji nas gledaju. Građani su fakat umorni od političke igre mačke i miša dok se oni svakodnevno bore sa ekonomskim i zdravstvenim izazovima pandemije. Tim koji se danas predstavlja kao Vlada će na svojim leđima nositi veliki teret. Teret nade prethodne Vlade šestorke i odgovornost u rješenjima spram svih onih problema koje nosi ovo novo normalno. Bez obzira na sve mjere koje smo objavili i ljude koje smo ponudili, očekivati da se sve ono što nas očekuje svede u krilo ovih ljudi neće promijeniti suštinski ništa ukoliko ne shvatimo da nam treba potpuno novi pristup politici. Pristup u kojem Vlada hrabro i odlučno vodi teške procese i reforme, partnerski potpomognuta pameću, idejama i izvršiocima, izvan bilo kakve nametnute skučenosti političkih stranaka vladajuće većine, i beskompromisno motivisana isključivo efikasnom implementacijom rješenja za bolji život svih nas zajedno. Zato se nadam kako će nova Vlada okupljati ljude, promovisati kontinuirani i javni dijalog i javnu raspravu o svim problemima, javnu raspravu o svim problemima i rješenjima, biti

spremna na kritiku, ispravljati greške i na taj način pokazati da je stvarno drugačija, i u odnosu prema javnosti a i svim aktivnim sudionicima političkih odnosa. Želim vjerovati kako će kadrovska rješenja u cilju programske implementacije rješenja ove Vlade biti prije svega stručna a zatim i transparentna kako nam se bi ponavljala iskustva iz naše prve gospodine, kada smo se više puta morali izvinjavati za pogrešne poteze u kojem većina nas zastupnika kažem većina, nije ni učestvovala. Ovo napominjem i zbog činjenice da je moja partija u prethodnoj Vladi imala kadrovske ambicije i procese koji su bili pogrešni, za koje mi zastupnici nismo znali. Gdje želim vjerovati kako je takva praksa iza nas i da se neće ponoviti. U protivnom želim vrlo jasno reći da ne postoji pojedinac ili tim iza kojeg ću stajati sa svojim podrškom ukoliko se ne poštuju temeljne vrijednosti na kojima živim cijeli život, a to je transparentnost procedura, stručnost izbora, pošten rad i odgovornost u svakom potezu, a posebno u kadrovskoj politici. Odmah želim da razjasnimo na samom početku, pripadnost bilo kojoj političkoj stranci ne može isključiti niti jedan od ovih kriterija bez obzira ko on bio i koji je autoritet stajao iza njega. Vjerujem da smo danas svi politički pametniji, iskusniji, pretpostavljam i mudriji da kadrovskoj politici kao majci svih politika posvetimo posebnu pažnju jer je valjda svima jasno da će to biti temelj uspješnosti svih planiranih reformi. Nužni izlazak iz granica političkih stranaka u smislu dostupnosti znanja definitivno će odrediti brzinu našeg napredovanja i dodatnog sticanja povjerenja javnosti. Prethodnicima želim da se zahvalim, radili su očigledno koliko su mogli pod teretom pandemije i teških političkih odnosa. Bojim se kako su eksteritorijalni politički centri moći rušili kredibilitet Vlade pokušavajući voditi paralelnu politiku što je na kraju urušilo Vladu davno prije njene formalne smjene. Na žalost kako je sve nastalo u samom početku na Petak 13 lošim i neduhovitim igrokazom od predstavljanja Vlade drugačije nije moglo ni završiti. Zato na kraju, želim svaku sreću svim ministrima, vjerujem kako ste svjesni izazova i očekivanja javnosti. Znanje i iskustvo imate, na vama je da ne dozvolite da vam bilo kakve nerealne političke ambicije poremete fokus sa građanina kao centralne figure svih vaših odluka. Što se mene lično tiče, svim svojim skromnim kapacitetima stojim vam na raspolaganju u nadi da ćemo zajedno u intenzivnoj saradnji mijenjati stvari na bolje dokazujući građanima da smo istinski zaslužili njihovo povjerenje. Mislim da ih nemamo pravo iznevjeriti. A do nas je. Toliko zahvaljujem.

Predsjedavajući:

Zahvaljujem se kolegici Segmedini Srni Bajramović. Sljedeći prijavljeni je zastupnik Igor Stojanović.

Poslanik/zastupnik Igor Stojanović:

Hvala predsjedavajući. Ja ću svoju diskusiju započeti na način da je imenovanje nove Vlade nužno. Nije to samo pitanje što se skupila nova većina. To je pitanje funkcionisanja Vlade koje je sedam mjeseci bilo bez ministra zdravstva. Koje je u jednom trenutku bilo bez dva, tri. Četiri ministra, koje je imalo v.d. četiri premijera. Gdje su se ministri smjenjivali na raznim pozicijama i sve je to dovelo do političkih problema, međusobnih obračuna političkih koji su proizveli da smo takvu vrstu komunikacije i odnosa političkih plaćali životima građana. I čuo sam neke od diskusija da treba nastaviti sa dobrim projektima u zdravstvu. I treba, to je tačno. Ali ne smije se nastaviti s a projektima zbog kojih su građani Kantona Sarajevo platili svojim životima. To je prije svega neorganizovanost zdravstvenog sistema. To se ne smije nastaviti sa novom Vladom. Sam odnos prethodnih Vlada u proteklih 25 godina je doveo do toga da na početku pandemije zbog toga što se nismo pripremali za krizne situacije, došli smo u situaciju da izgubimo živote. To se nikada više ne smije ponoviti. Im moramo naučiti nešto iz tog iskustva i ako ova Vlada nastavi po tom nekom planu, ne pripremi nas za novi ekonomski udar onda mislim da nismo ništa dobili. I nužno je dakle voditi računa o takvim stvarima. Dosta se diskutovalo o nacionalnoj strukturi i Vlade. Dakle generalno odnosu i također osvrtnale su se kolege zastupnici na nacionalizam, na odnose u obrazovanju. Ja ću se također osvrnuti i

moram reći da bez obzira što ću ovu Vladu podržati, apsolutno se slažem sa diskusijom Damira Nikšića. Jel jedna politika u Kantonu Sarajevo u kojoj nismo uspjeli ispoštovati adekvatan broj prema Ustavu ljudi koji bi trebali participirati u Vladi iz svih nacionalnosti, pripadnika svih naroda, je nešto što je već dugo godina praksa u Sarajevu. Nije problem unutar Vlada Kantona Sarajevo nego se radi o Domu naroda. Nemojte zaboraviti da ova Skupština Sarajevo za koju možemo reći da je u čitavoj BIH multietnička sredina, pa možda najviše multietnička sredina sigurno u cijeloj BIH, u posljednjih četiri mandata nije uspjela da ispuni ustavnu kvotu i da popuni Klub Srba iz ovog Kantona. Dakle mi smo to uspjeli posljednji mandat ali ne od odabranog zastupnika u Skupštini nego iz unutrašnjosti liste je CIK po prvi put odlučio da popuni taj Klub. Ali nije uslijedio u samoj Skupštini. Govori puno i o strankama, govori puno o načinu političke borbe. Ko ima danas pravo da odustane od onoga za šta ja je Armija BIH na kraju krajeva ginula u Sarajevu. Za te principe danas odustati u politici samo zato što ne možemo pronaći, ja mislim da stranke moraju po svaku cijenu to uraditi. I to je borba za BIH a očigledno da su mnogi u Sarajevu odustali od takve borbe tražeći određena opravdanja zašto ne možemo imati adekvatan broj nebošnjaka i tu se moram u potpunosti složiti s kolegom Damirom Nikšićem. Jedna od stvari, kolege su dosta govorile o obrazovanju, dosta su govorile o privredi, o zdravstvu kao najvažnijim temama, a ja ću spomenuti nešto što premijer Kantona nije spomenuo. Za mene jako bitna tema i može se također odnositi na patriotizam. A to je KK Bosna. Izuzetno mi je drago što će ministar kulture biti Samir Avdić nekadašnji košarkaš, kapiten Reprezentacije. Značajno mi je i sa više aspekata. Pitanje KK Bosna ne smatram uopšte više sportskim problemom. Pitanje KK Bosna smatram političkim problemom. KK Bosna je simbol jednog vremena, tradicije, istorije države BiH i grada Sarajeva. I u ovom trenutku kada Klub pod pokroviteljstvom političara Milorada Dodika koji otvoreno govori i narušava odnose u BIH i direktno radi na tome da destabilizira scenu, koji je mogu slobodno reći destruktivan u svom političkom nastupu, on je danas taj koji već osam godina predstavlja BIH u regiji sa svojim Košarkaškim klubom izdvajajući novac koji je niti blizu izdvajanju novca recimo iz Kantona Sarajevo za KK Bosnu, čak za sve sportske klubove nije niti blizu onoga što Dodik izdvoji za svoj Klub Igokeu i na taj način možete zamisliti on baš predstavlja BIH. Ja mislim da je to političko pitanje i odnos prema sadržaju i životu i sadržaju života generalno nas u Sarajevu naspram čitavog svijeta. To je jedno patriotski pitanje. Zašto bi mi dozvolili da jedna sredina kao što su Laktaši u ovom trenutku koja nema nikakve košarkaške tradicije predstavlja BIH prije Sarajeva koje ima europskog prvaka. Ja mislim daje to sramota za sve nas u Kantonu Sarajevo i očekujem da novi ministar Samir Avdić, ja ću mu tu biti prije svega na raspolaganju 24 sata da ovo pitanje riješimo po svaku cijenu kako bi smo ovo promijenili. I na kraju izuzetno mi je drago što je moja kolegica Segmedina Srna nešto govorila o ministrima, pogotovo o ministrima iz SDP. Ja ću se isključivo na njih osvrnuti u ovom trenutku. Velika je hrabrost to da su uopšte svi ministri pristali da u vrlo teškim trenucima kada će se budžet smanjiti, kada se pandemija nastavlja, sve što smo čuli o ekonomskim prilikama da se uopšte odluče da prihvate ministarku poziciju, i na tome im treba čestitati. Međutim mi iz Kluba SDP ćemo prvo gledati u svoje ministre i prvo ćemo njih kritikovati za sve ono što nije popravljeno u odnosu na prethodnu Vladu. Očekujemo sve ono što građani očekuju. Pogotovo u Ministarstvu zdravstva. A znamo da nismo imali ministra zdravstva sedam mjeseci i neupitno je da će sigurno biti bolje nego što je bilo. Ali očekujemo da se smanji čekanje. Da se smanje redovi, da ne dolazimo više u poziciju da nam nedostaju maske, najosnovnija sredstva. Da se riješi posebno pitanje zdravstvenih radnika u DZ koji danas ne mogu da pruže usluge. O tome je nešto na početku sjednice govorila i Neira Dizdarević. Dakle prvo ćemo kritikovati svoje ministre. Od njih očekujemo najviše, a onda i od kompletne Vlade, da pokažemo da će ova Vlada biti drugačija od ove koju smjenjujemo, od ove nepotpune koja je bila krnja malte ne čitav svoj sastav. Hvala.

Predsjedavajući:

Hvala kolega Stojanoviću. Sljedeći prijavljeni je zastupnik Marjanović. Izvolite, imate riječ.

Poslanik/zastupnik Damir Marjanović:

Zahvaljujem predsjedavajući. Pa zanimljive su diskusije. Očekivane su diskusije.

Predsjedavajući:

Kolega Marjanoviću oprostite molim vas, evo imamo od kolege Mahira Devića zahtjev za pauzom. Pretpostavljam ispred Kluba SDA pola sata. A nakon ove pauze bit ćete sljedeći koji će govoriti.

Pauza pola sata na zahtjev Kluba SDA.

NASTAVAK NAKON PAUZE

Predsjedavajući:

Evo pauza je završena. Kolega Marjanoviću možete nastaviti svoju diskusiju. Izvolite.

Poslanik/zastupnik Damir Marjanović:

Ja vam se zahvaljujem predsjedavajući. Ovih tridesetak minuta nam je dobro došlo da neke stvari posložim i da skratim diskusiju maksimalno koliko treba da se skрати. Prvo, kućni odgoj mi nalaže da pozdravim sve prisutne, da pozdravim sve one koji prate ovo, također želim nam uspjeha u ovoj 2021 godini, ona neće neki težak zadatak, samo treba da bude bolja od 2020.godine i nadamo se da će to da se desi. Drugi dio vezano za kućni odgoj mi nalaže da one ljude koji su radili svoj posao u proteklom periodu pozdravim, da im se zahvalim. Ne moramo se oko svega uvijek slagati ali moramo se poštovati. Mislim da je bilo jako dobrih poteza, isto kao što je bilo nekih poteza oko kojih se nismo slagali. A o njima smo diskutovali. U svakom slučaju želim puno sreće u profesionalnom radu i siguran sam da će ova Vlada i svi mi nastaviti sve ono što je dobro urađeno u tom periodu, isto kao što su one nastavile sve ono što je radila dobro Vlada prije njih i sve one Vlade prije što su došle. Program je tu. Ono što je najbitnija stavka u ovoj cijeloj priči, program je tu. Napravljena je ekipa, napravljen je tim okoji treba da realizira taj program i mislim da je to poprilično realno i mislim da ova ekipa iz svih oblasti mora da bude spremna da se uhvati u koštac sa svim onim, ne samo onim što nam je donijela ova pandemija, nego što e naslijeđeno u proteklih dvadesetak godina. Imalo smo jako zanimljivu diskusiju maloprije i kolega Damir Nikšić otvorio je jedno pitanje i mi smo se svi pomalo osvrnuli na to. Evo osvrnut ću se i ja. Mi već dvadesetak godina kao što sam rekao u nekoj replici, igramo se žmire. I to kada nas traže mi stojimo na polju i žmirimo i mislimo da nas onaj koji nas traži ne vidi. Duboko smo svjesni onoga što je realno stanje ovdje u Sarajevu. Duboko smo svjesni onoga što je napisano na papiru. Dokumentima. Duboko smo svjesni da na žalost u mnogim stvarima ne samo u ovoj što se tiče nekog nacionalnog sastava ili spolnoga sastava, rodnog sastava. Nazovite to kako god hoćete, Vlade, nekada realnost nije povezana sa onim što bi trebalo da bude stvarno napisano. I to je tako kako jeste. Tu smo gdje smo. Htio bih se samo osvrnuti na jedan dio koji se tiče riječi ekspert. Nekako možda imam čak i malo pravo da se osvrnem. Jedan sam od rijetkih koji ovdje ima iskustvo i u izvršnoj i zakonodavnoj vlasti a mislim da sam jedan od rijetkih koji je bio i u toj nekoj prvoj patentiranoj Vladi 2012.godine. I mnogo toga je zanimljivo kako vi posmatrate, kako vi to gledate, a nisam siguran da u ovom momentu možemo da pronađemo baš nekoga koga ni mogli da opišemo kao eksperta isključivo vezano za visoko obrazovanje, za nauku, za komunalnu privredu. Toga nema. Dobri eksperti su u biti između ostalog oni koji poznaju materiju u koju se upuštaju, koji su spremni da dobro izanaliziraju tu materiju, jer ako nisi dobar ekspert onda se ne bi definitivno ni upustio da tako nešto i radiš. I u krajnjem slučaju, dobri eksperti su oni koji prave dobre timove. I dobri su timski igrači. Ministarstvo je jedan tim. Ministar koji vodi

jedno Ministarstvo ili premijer koji vodi jednu Vladu, je kormilar toga tima i njegova ekspertiza se između ostalog zasniva na tome koliko je spreman da napravi dobar tim i da s tim timom postigne ono što treba da postigne. Ono što treba da postigne je već zapisano u mjerama. I očekujem od ove Vlade da se drži tog dokumenta. I normalno da ga apdejtira po potrebi i očekujem u krajnjem slučaju da se realizira sve ono što je prezentirano građanima u naredne dvije godine, što može da se realizira. Želim poželjeti. Ustvari poželjet ću ovoj Vladi puno uspjeha u daljem radu, siguran sam da će biti jako dobrih stvari, isto kao što će biti izazova pred njima i u krajnjem slučaju vjerujem da će biti nekih stvari koje možda neće biti dobro realizirane. Nije sramota priznati da se neke stvari možda ne mogu realizirati onako kako je napisano, sramota je ne pokušati i ne pronaći rješenja za probleme. Ovi hrabri momci i djevojke su definitivno prihvatili posao, imaju punu našu potporu. a kao što rekoh, kao i prethodnu Vladu, sve dobro će biti pohvaljeno, sve loše će biti kritikovano i uticat će se na to da se pokuša korigirati. U svakom slučaju još jednom hvala prethodnoj Vladi i kao što rekoh, hajde da sudimo ovim ljudima na osnovu prvih njihovih poteza. Definitivno su onih prvih 100 dana koji se u političkom svijetu smatraju jedan kulturni rok da ocijenite i procijenite koliko je neko dobar ministar a koliko nije. Hvala velika.

Predsjedavajući:

Hvala kolega Marjanović. Replika kolega Vedran Jakupović kolegi Marjanoviću.

Poslanik/zastupnik Damir Marjanović:

Zahvaljujem. Imao sam stvarno potrebu da se javim ali nisam htio da oduzima vrijeme tako da ću samo iskoristiti ovo krucijalno što je kolega Marjanović rekao. Tako da, i znam da mi neće odgovoriti na ovu repliku. Dodati na ovu njegovu opasku o riječi ekspert. Pokušat ću citirati jedan tekst odnosno samo djelić teksta Gorana Markovića koji je bio baš vezan za tu 2012. znači po njemu ekspertsku Vladu ne mogu činiti bilo koji eksperti. Nije dovoljno čak ni to da je čine najbolji eksperti jer među ekspertima ima nemalo oportunisti, strašljivaca koji ne žele da se bilo kome zamjere, pogotovo ne kapitalima i političkoj (nerazumljivo). Osim toga među ekspertima ima i konzervativaca, liberala i raznih salonskih ljevičara, ne zna se koji su gori, a takvi eksperti u Vladi mogu samo škoditi. Hvala vam. I Vladi želim uspješan rad. I imat će apsolutnu podršku.

Predsjedavajući:

Hvala kolega Jakupoviću. Uvažena zastupnica Bilsena Šahman, diskusija.

Poslanik/zastupnik Bilsena Šahman:

Zahvaljujem predsjedavajući. Već smo odmakli od onih odgovora koje smo dobili od budućeg premijera. Ja vam premijeru moram buduću, reći da ste mi dali jedan vrlo neumjestan odgovor da ne kažem neku težu riječ. I ja ne znam da je premijer Nenadić ikada bio neljubazan i da lupa šakom od sto, a ja sam vas pozvala da se na njega ugledate. Nemojte biti cinični. Barem ja nisam osoba koja razmišlja na takav način. Izuzetno cijenim iskrenu ljubaznost, ali ako baš hoćete cijenim i kada ljudi na takvim pozicijama imaju znanje i snagu da se nose sa teškom situacijom i zadaćama kakve smo sada. Nemojte da građani zažale što su vas vratili. Ja još jednom moram reći da se ja zahvaljujem ljudima i budućim ministrima što su prihvatili da budu ministri, da obnašaju ovakvu dužnost u ovakvim vremenima sa ovakvom skupštinom i zastupnicima. Da prethodna Vlada je zbog političkog neslaganja sama dala ostavku i zato nama podhitno treba nova Vlada. A ako i oni ne budu valjali i njih ćemo mijenjati. Zato ja moram reći da ću ja glasati za ovu Vladu bez obzira na vas premijeru, što ste mi na takav način odgovorili i takvi ste bili u prvom dijelu mandata. I morate biti energičniji i baviti se svojim poslom a ne se prepuštati i spuštati resorima. To vam govorim dobronamjerno, ne govorim ni iz kakve loše namjere, naprotiv cijenim neke stvari jer ste i vi došli iz realnog sektora. Ali još

više ću da vas cijenim ako pokažete snagu i odlučnost da se nosite sa svim zadacima koji su vam stavljeni. Zahvaljujem.

Predsjedavajući:

Hvala kolegice Šahman. Za diskusiju prijavljen uvaženi zastupnik Dževad Poturak. Izvolite, imate riječ.

Poslanik/zastupnik Dževad Poturak:

Da li se čujemo predsjedavajući? Ja uopšte ne čujem. Samo povratnu, da li sam u konekciji?

Predsjedavajući:

Čujemo vas kolega Poturak, imate riječ, možete pričati.

Poslanik/zastupnik Dževad Poturak:

Ja se izvinjavam malo je do konekcije. Želim prodiskutovati jednu stvar koja mene već duži period ovdje, evo par mjeseci unazad. Šta to znači Petak 13? ja to čujem i čest puta se taj termin koristi. Po meni, to nije nimalo u redu i nije primjereno da se to koristi u Skupštini. To je nekakvo sujevjerje gdje se takvim nazivima želi nazvati prošla Vlada i staviti se u nekakav negativan kontekst. Po meni, ljudi su radili jako dobro, borili su se lavovski, uradili su dosta dobrih stvari. Ja kada čujem to i takve nazive Petak 13 i šta ja znam tako neke pogrdne nazive kada čujem od nekih ljudi, pa mogu da razumijem. Ali kada to čujem od ljudi koji za sebe kažu da su vjernici, onda mi to nikako ne ide jedno s drugim. Jer onda šta bi to značilo onda ako nam mačka pređe preko puta mi onda nećemo ići na Vladu ili na Skupštinu ili šta ja znam? Ne možemo reći da ovi ljudi nisu radili. Radili su jako dobro, borili su se žestoko. Ja ću samo reći jedan mali detalj u toj borbi, a to je borba koja je bila oko Opće bolnice. Znači ta bolnica je dobila svoju snagu jer je gospodin Fahrudin Radončić postavio nestranačkog čovjeka Ismeta Gavrankapetanovića, legendu, ljekara i to je jedan dovoljan pokazatelj da je ova Vlada uradila jako dobrog posla. Pa onda sam izolatorij, pa usluge pacijentima, pa predanost samom poslu. Reći ću ipak da su se oni borili lavovski, ali isto tako tu istu lavovsku borbu želim i ovoj budućoj Vladi s jednom porukom: ljudi radite da bude svim građanima u Kantonu Sarajevo jednako dobro. Toliko od mene. Zahvaljujem.

Predsjedavajući:

Hvala kolega Poturak. Sljedeći prijavljeni za diskusiju je zastupnik Samir Suljević, izvolite imate riječ.

Poslanik/zastupnik Samir Suljević:

Poštovani predsjedavajući, da li se čujemo? E hvala. Pozdravljam sve koji učestvuju u današnjem radu ove Skupštine, kao i gledaoce pored malih ekrana i koristim priliku da svima poželim sretnu Novu 2021 godinu i da nam bude mnogo mnogo bolja nego prošla. Zahvaljujem se i gospodinu Edinu Forti, mandataru, na Ekspozeu koji je po meni bio dosta sažet., ali dovoljno prihvatljiv. Za one koji možda nisu očekivali takav način pretpostavljam da je gospodin Forto razmišljao, imaju principi i mjere koje je četvorka prihvatila, koji su dostupni javnosti tako da smatram da nije htio da se previše ponavlja. U svakom slučaju ovoj novoj većini i novoj Vladi želim stvarno puno sreće i znanja. Također zahvaljujem se i prošloj Vladi na trudu. Trudili su se ali moramo priznati da to nije bilo dovoljno. Odlazeća Vlada po mom mišljenju je, takav utisak imam, sama od sebe digla ruke, jer kao da je rekla mi se više s ovim ne možemo nositi, neka uzme neko drugi. Zato smatram da ovi novi ministri i nova Vlada u Skupštini Kantona Sarajevo sem hrabrosti moraju se stvarno odati priznanje da su se uopšte prihvatili tako vrućeg zadatka da građanima Kantona Sarajevo donesu bolji život. Neću se referirati na stavove opozicionih zastupnika jer oni su sasvim za mene i logični,

principijelni stavovi SBB su svima već duže vremena poznati. Također neću se ni referirati na izlaganja gospode iz SDA ali moram priznati da mi je već jedan dio građana javno rekao da od kada su neki novi zastupnici ušli u Skupštinu Kantona da su prestali da prate Skupštinu Kantona zbog vokabulara koji je u ovoj vrijeme prisutan na Skupštini. U svakom slučaju ovu Vladu čeka ogroman posao. Manjak koji je u budžetu od 150 do 200 miliona KM. Zatim stanje u zdravstvu koje je daleko, daleko od pozitivnog, teret migrantske krize koje je sem USK uglavnom pao na leđa Kantona Sarajevo, zatim i pitanje koje je maloprije pomenuto i o sportu. Mislim da u Kantonu Sarajevo se mora uložiti više u sport, naročito kolektivne sportove, rukomet, košarka i ostali sportovi i vratiti ih u vrh bh sporta. U ovom trenutku ja bih se referirao na prijedloge kadrovska rješenja za ministarke pozicije moje političke pozicije, to je SDP BIH i moram da kažem da sam ponosan na kadrove koje je moja politička opcija predložila u ovoj Vladi Kantona. O ministru Šteti nemam šta trošiti riječi. Poznato je da je prije dvije godine bio imenovan i za najboljeg ministra u BIH, a pitajte i radnike Grasa koji će vam reći jedva čekamo da se Šteta vrati. Dok je on bio nama su tri zaostale plaće isplaćene a sa novom ovom Vladom dvije su kasnile. O Davoru Čičiću moram da kažem da je moje veliko i prijatno iznenađenje da se čovjek iz realnog sektora, koji je bio direktor u bh gigantu Sarajevski Kiselj, kao stručnjak za finansije, u Ministarstvu finansija Kantona Sarajevo i prihvatio ovog posla i vjerujem da će dati svojim doprinosom i znanjem. Da će dati doprinos da se finansijska situacija u Kantonu Sarajevo stabilizuje. O dr. Vraniću stvarno smatram da se radi o vrhunskom čovjeku i stručnjaku koji je radio i u KCUS i Općoj bolnici i Medicinskom fakultetu, i bio u Vojnom sanitetu hirurgija itd. I moram da kažem doktore pred vama je sa vašim suradnicima ogroman zadatak, vratiti povjerenje građana u zdravstveni sistem. Ne želim da kritikujem ovim medicinske radnike koji su u proteklih desetak mjeseci dali ogroman doprinos. Ali nije bilo do njih, bilo je do sistema. Sistem nije bio kako valja. Ja moram tu da kažem jednu opasku. O sistemu neka me niko ne ubjeđuje drugačije. Reći ću iz svog privatnog iskustva. Prebolovao sam COVID-19 i tek 25 dan sam saznao nezvaničnim putem da sam imao obostranu pluća o kojem od zdravstvenih radnika niko me nije obavijestio. Tako da ne želim pričati da li je sistem dobar ili nije, on svakako nije i mislim da se treba unaprijediti. U svakom slučaju želim da dam podršku ovoj Vladi Kantona Sarajevo, želim da se i što neko reče i neke kadrovska rješenja koja smo možda i pravili u proteklom periodu ne ponove, jer bilo je takvih kadrova, koji su još uvijek na pozicijama i mislim da bi trebalo te stvari što prije ispraviti. Ali imam ogromnu nadu i povjerenje u ovu Vladu Kantona Sarajevo i želim, da ne bih dužio, pošto je pred nama vrlo važna situacija, da je izglasamo. Da kažem da vjerujem u vas i vjerujem u nas da ćemo zajedno građanima Kantona Sarajevo obezbijediti bolji život. Hvala.

Predsjedavajući:

Hvala kolega Suljević. Zastupnik Amel Mekić, prva diskusija.

Poslanik/zastupnik Amel Mekić:

Hvala vam predsjedavajući. Da li se čujemo? OK. Hvala. Pozdravljam gledaoce ispred TV ekrana, vas predsjedavajući i dopredsjedavajuće, mandatara Vlade, buduće ministre, kolegice i kolege zastupnike i kao kolega Samir Suljević pridružujem se čestitkama i želim nam svima puno bolju i uspješniju 2021.godinu. Jedno retrospektiva ozbiljnosti sada već bivše Vlade na čelu sa gospodinom Mariom Nenadićem. Mario Nenadić sada već bivši premijer Kantona Sarajevo, bivši kantonalni ministar pravde i uprave Kantona Sarajevo, diplomirani pravnik, čovjek koji je po vokaciji pravnik, od kojeg se očekuje da poštuje da poštuje pravo i Ustav, a onda dođe presuda Općinskog suda u Sarajevu gdje se nalaže da se smijenjeni direktor gospodin Enver Hadžiahmetović vrati na prijašnju funkciju u roku od tri dana, i on to ne uradi. On koj i je pravnik i koji treba da brani pravni poredak BIH. U jeku pandemije gdje se treba pokazati krizni menadžment, liderisanje, znanje, mi nemamo ministra zdravstva. Ministrica za

rad, socijalnu politiku, raseljena lica i izbjeglice Kantona Sarajevo gospođa Jasna Agić podnosi ostavku zbog zdravstvenih problema 15.07.2020 da bi po tom ministar zdravstva gospodin Rusmir Mesihović podnio ostavku 25.07. da bi 26.08. za privremenog vršioca funkcije ministra zdravstva bio postavljen gospodin Draško Jeličić, ministar privrede Kantona Sarajevo da bi i on podnio ostavku u Ministarstvu zdravstva 20.10. Da bi apsurd bio još veći na online sastanku 31.10. v.d. premijera gospodin Anis Krivić je donio odluku prema kojem će u narednom periodu v.d. Ministarstva zdravstva biti članica Vlade gospođa Jasna Agić koja nije mogla da vodi njeno Ministarstvo zbog zdravstvenih razloga, itd. Da dalje ne nabrajam. E sada bih se osvrnu na program djelovanja skupštinske većine koji je već javno dostupan na uvid svim građanima koji žele da vide šta je to planira da radi trenutna većina u kantonalnoj Skupštini Kantona Sarajevo. On je zasnovan na principima i mjerama koje bi trebale da unaprijede kvalitet života građana Kantona Sarajevo. Potpuno je prilagođen novonastaloj situaciji, principi i prioritetne mjere jasno nabrojane, te hitne mjere usljed pandemije COVID-19 koji će ako bog da omogućiti da se napokon riješi famozni put pacijenta. Po svim ministarstvima imamo nabrojane kratkoročne, srednjoročne, dugoročne mjere i njihove realizaciju. Želim da naglasim da su one realno planirane i kada pogledamo kratkoročne mjere mislim da će njihovo izvršenje biti do kraja mandata 2022 godine. Srednjoročne mjere će biti izvršene u procentu od 20% do kraja mandata. A dugoročne na žalost mislim zbog pandemije i trenutnog ekonomskog stanja ne možemo realno ni planirati. Kao zastupnik, prihvatam obavezu sa radošću da ću svoj maksimum dati da što prije dođe do implementacije koalicionog dogovora, i završi što više projekata koji su navedeni u srednjoročnim i dugoročnim mjerama. Obavezujem se da ću intenzivno pratiti rad Vlade i svih ministara i da ću ukazivati na eventualna kašnjenja, nerad, nepravilnost ali isto tako pohvaliti obavljene zadatke. Želim da se zahvalim premijeru i ministrima što su se prihvatili funkcije i posla u najgorem vremenu od samostalnosti BIH. Do sada je uvijek budžet rastao, i bio veći iz godine u godinu, a sada dvije godine za red manji. Pa želim da naglasim da su očekivanja za 2021 godinu da će biti manje novca u budžetu oko 250 miliona a također da naglasim da je oko 90 miliona već manje u budžetu za 2020. godinu. Hvala gospodo što preuzimate ovako veliku odgovornost na sebe. A želim da naglasim da mi je izuzetno drago da je nova Vlada ispoštovala džender i zastupljenost svih konstitutivnih naroda. Također želim da se obratim kolegama iz opozicije da budu konstruktivni, da ukazuju na greške ako ih bude, i da nas tjeraju da radimo brže bolje više. Uvjeren sam da će nova Vlada raditi posvećeno i transparentno kao što je radila Vlada tzv. šestorke, mada realno u mnogo težim uslovima. Želim da kažem premijeru i ministrima da imaju punu podršku. Sretno nam bilo svima i hvala.

Predsjedavajući:

Hvala kolega Mekić. Dopredsjedavajuća Smiljana Viteškić. Izvolite.

Dopredsjedavajuća Smiljana Viteškić:

Zahvaljujem predsjedavajući. Ja ću vrlo kratko. Prvo ću prokomentarisati odgovor na postavljeno pitanje što se tiče štrajka sindikata uposlenih u zdravstvu. Željela sam da članovi ovog sindikata čuju odgovor od budućeg premijera a ja sam ga već znala. Što se tiče pitanja o certifikaciji i akreditaciji zdravstvenih ustanova, posebno primarne zdravstvene zaštite i uvođenja standarda sigurnosti u primarnu zdravstvenu zaštitu član moje porodice koji je to radio, sam ja. Znači ja. To je lako provjeriti. I eto nisam više ja, ali sigurno znam potrebu ustanova i značaj ovih aktivnosti u primarnoj zdravstvenoj zaštiti, posebno evo ako hoćete stomatologije dragi premijeru. Nisko je prozivati članove porodice, obrazovane, odrasle ljude. Posebno potomke dva časa borba Armije BIH. Jedina porodica su moja ovdje su oni. I nakon pitanja o nacionalnom sastavu Vlade, na koja ste odgovorili tako kako ste odgovorili, ohrabrine su me diskusije mojih kolega Damira Nikšića, doktorice Bišćević-Tokić, Igora Stojanovića i sigurno mnogih drugih koji misle kao jao. Što se tiče nadzora nad Ljekarskom komorom,

strukovnim i neovisnim udruženjem doktora medicine niste mi odgovorili kako ćete nadzirati rad te komore, a i ne morate. Zahtjev za prijem, produženje ugovora o radu za sedam logopeda u JU DZ Kantona Sarajevo je dva puta slat. Znači ta tako ocrnjena javna ustanova dva puta je slala zahtjev za prijem ovih logopeda. Čisto da čuju građani Kantona Sarajevo i korisnici tih usluga. I evo ja sam vrlo kratko. Želim svakako kao i svim ljudima koji stupaju na nove pozicije koji postižu nove uspjehe da vam poželim puno sreće u radu. I nadam se da neću biti negativna osoba u svemu tome. Hvala.

Predsjedavajući:

Hvala kolegice Viteškić. Sljedeći koji se javio za drugu raspravu Damir Nikšić.

Poslanik/zastupnik Damir Nikšić.

Čujemo li se? Prvo da odgovorim kolegici Viteškić, ja sam svoju izjavu pisao nekoliko dana jer stvarno je kompleksna i duga nemoguće da sam je sročio. Nakon vašeg, da sam bio ohrabren vašom, mene je ohrabrio moj pristup i Ustavu, ali u svakom slučaju i uvažavam i to. I vaša je dužnost kao članice Kluba Srba da to uradite i da podnesete takvu jednu. A odgovorio bih Konakoviću. Znam da je teško pronaći ljude. Znam to dobro. Sam sam se u to i uvjerio i sam sam tražio imena i nudio svoju pomoć novoj većini. Imao sam neke prijedloge. I da sam znao da je nacionalni sastav bio toliko nerješiv problem fokusirao bih se na rješenje u tom pravcu. Predložio bih neka imena čak i nakon što sam shvatio da neću imati direktan udio u kreiranju sastava Vlade. Slažem se sa kolegom Konakovićem. Problem je zaista veliki, on je društveni problem. Drago mi je da smo konačno postali svjesni današnje realnosti našeg multietničkog i multikulturalnog Sarajeva. Da li to znači da moramo mijenjati Ustave Kantona i FBiH, pozivajući se na popis 2013. umjesto na onaj iz '91? d ali to znači da moramo proglasiti Aneks VII nevažećim? E to ćemo morati uraditi prije ili kasnije ako ne želimo da svi budući sastavi Vlade budu neustavni. Složit ćete da ova Skupština ne može nastaviti imenovati neustavne Vlade zato što nije realno pronaći dva i po stručna Srbina u Sarajevu. Pretpostavljam da ih je bilo prije deset godina kada je amandman 29 donesen jer ne bi valjda donosili ukrasne amandmane da se kitimo njima dok je u stvarnosti i političkoj praksi situacija posve druga. Bilo je dovoljno obrazovanih i stručnih Srba u ovom gradu i prije 15 godina. Bilo ih je odmah nakon rata. Bilo je puno Sarajlija iz tzv miješanih brakova, ali nema ih danas. I slažem se da to jeste realnost. Realnost koja ne odražava ni Ustav ni Aneks VII. Realnost koja nije u skladu sa Ustavom. Ja bih to tako definisano. A ne da se radi o Ustavu koji nije u skladu sa realnošću. Jer ako Ustav nije u skladu sa realnošću šta to onda treba da znači? Da živimo u nekoj bespravnoj, fiktivnoj državi? Da se moramo pomiriti s tom činjenicom i ignorisati Ustavne odredbe? Evo izvolite pa razvežite taj mali čvorić u Ustavu Kantona Sarajevo glavnog grada BIH, promijenite taj mali amandman da se odnosi na popis 2013 pa ćete vidjeti kako će se početi poriti čitava BIH. I šta će nam ostati od nje. Žao mi je što se od svih upravo kolega Konaković našao prozvanim mojoj diskusijom. Nisam imao namjeru prozivati njega lično. Mišljenja sam da ne moramo ići previše duboko i ispravljati historiju kako bi riješili ovaj problem- dovoljno je napraviti male korekcije. Ne mogu vjerovati naime da Naša stranka i SDP ne mogu pronaći još jednu osobu iz reda srpske nacionalnosti za Vladu. Samo još jednog ili barem još jedno. U tom slučaju bi nacionalni sastav Vlade bio skoro pa izbalansiran. Minimum dva ili dva i po ministra ili ministrice, ako već insistiramo na popisu iz '91. a znamo da je npr SDP do sada bio vodeći u insistiranju upravo na tom amandmanu i tom popisu. Bit ću zadovoljen i glasat ću iz sveg srca za ovu Vladu ako mi danas zastupnici SDP.

Predsjedavajući:

Zastupniče, vrijeme.

Poslanik/zastupnik Damir Nikšić:

Molim vas, te multietničke stranke javno obećaju da će u multietničkom Sarajevu pronaći još jednu osobu iz reda srpskog naroda. To isto važi za građansku Našu stranku. Prošli put 2018 kada sam bio dio Kluba SDP BiH morao sam prihvatiti sastav prve Fortine Vlade u sklopu tadašnje šestorke. Ni tadašnja Vlada nije zadovoljava ustavnu odredbu nacionalne zastupljenosti. Ovog puta sam samostalni zastupnik, 18 potpisnik ove skupštinske većine i dužnost mi je insistirati na ovom tim više što sam prethodno javno, na društvenim mrežama kritikovao i ismijavao sastav Nenadićeve Vlade. Jer u suprotnom bih bio licemjer, da ne kažem neku neprimjernu riječ. Dakle možemo sada napraviti još jednu pauzu, ako treba da.

Predsjedavajući:

Zastupniče Nikšiću vrijeme molim vas.

Poslanik/zastupnik Damir Nikšić:

Evo predlažem da kontaktiraju svoje centrale, da se konsultuju sa predsjednicima svojih stranaka sa gospodinom Kojovićem i Nikšićem ovim drugim, da provjere mogu li takvo obećanje uopšte dati ovom drugom meni Nikšiću a uz mene i javnosti koja nas prati na TV. Ponavljam ako mi sada bilo ko od njih ili mandatar Forto obeća još samo jednog člana Vlade iz reda srpskog naroda, što je ustavni minimum, ja ću glasati za ovu Vladu. Hvala vam.

Predsjedavajući:

Hvala kolega Nikšiću. Druga diskusija zastupnik Zvonko Marić. Izvolite.

Poslanik/zastupnik Zvonko Marić:

Zahvaljujem predsjedavajući. Pa nisam namjeravao da diskutiram po drugi put ali zbog ozbiljnosti ove sjednice i Skupštine generalno, osvrnuo bih se na neka izlaganja koja su posve nelogična i ona su me ponukala da se javim za drugu diskusiju, da ne bih replicirao nekim ljudima koji su izrekli neke stvari koje ne stoje, ne odgovaraju činjeničnom stanju. Ne mogu da vjerujem da postoji odgovoran zastupnik a da tvrdi da su neki ljudi zbog loše Vlade ili upravljanja ili kako reče gospodin Mekić liderisanja ili tako nešto, plaćali životima građani. Ja bih volio da znam koji su to građani platili životom jer je to teška optužba. Mi smo najviše zakonodavno tijelo. Ja mislim da je to pregrubo rečeno i poprilično uvredljivo, optužujuće, krajnje optužujuće i zaista ne razumijem takvu retoriku jer na kraju krajeva kada bi se prema smrtnim slučajevima koji su se desili u drugim zemljama gdje je smrtnost zaista brojčano veća nego u BIH i u Kantonu Sarajevo pogotovo, onda gdje bi im bio kraj da se optužuju za tako nešto. Mislim da je to neprimjeren rječnik.

Predsjedavajući:

Oprostite kolega Mariću, imamo krivi navod. Zastupnik Mekić.

Poslanik/zastupnik Amel Mekić:

Pa želim samo da kažem da pozdravim kolegu Zvonka Marića i da mu kažem da nije sigurno pažljivo slušao. Ja to naravno nisam upotrijebio ili rekao tu riječ koju kolega Zvonko navodi. Hvala.

Predsjedavajući:

Zahvaljujem kolega Mekiću. Zastupniče Mariću možete nastaviti.

Kolega Mariću upalite mikrofona.

Poslanik/zastupnik Zvonko Marić:

Dakle zahvaljujem se gospodinu Mekiću i ja. Ali ja ne bih citirao tu riječ već sam je zapisao

nakon što je izjavio. Dakle neka pogleda stenogram ali to je manje bitno. Kada već govorimo o ovim stvarima i kolega Poturak je pomenuo ovo sujevjerje, koje asocira zapravo na sujevjerje Petak 13, zaista je neprimjeren također termin jer naprosto, ovdje bar u Skupštini Kantona Sarajevo u javnom govoru ne bi trebali da se služimo iz hiljadu razloga ovim stvarima. A upravo taj petak 13 me je ponukao kada već o brojkama govorimo bio sam u potpisu dokumenta koji nam je dostavljen da su u potpisu predstavnici tri stranke i x, odnosno nepoznat broj samostalnih i nezavisnih zastupnika, i znači li to da se računaju ti zastupnici kao četvrta komponenta te parlamentarne većine bez MBL Ibrahima Hadžibajrića jer to je svojevrsni dokaz vjerovatno da više nije riječ o četvorci već o trojci ako ne računamo dakle nezavisne zastupnike. Također vidimo da je bilo izvjesnih neslaganja, čak ideoloških i svake druge prirode i hoću da kažem da je SBB kada je Mario Nenadić podnio ostavku optuživan za produžavanje ili prolongiranje procedura ili imenovanje nove Vlade. Ali sada vidimo da su upravo ta neslaganja koja čujemo i disonantne tonove i različitih komponenti ove parlamentarne nove većine, upravo bili razlog. Ali se htjela odvratiti pažnja.

Predsjedavajući.

Oprostite zastupniče Marić vrijeme.

Poslanik/zastupnik Zvonko Marić:

Dobro, skratit ću ne mogu da vjerujem da mi se objašnjava i da se nama objašnjava ko su eksperti. Evo još jedna rečenica ili dvije. Gospodin Mekić je ponudio alibi, rekao je zadovoljen je džender a nije zadovoljen drugi dio. Znači ako zadovoljimo jedan kriterij ne moramo drugi. Bolje da nije nudio alibi novoj Vladi nego da je zaželio naprosto u budućnosti uspjeh u svemu tome. Isto kao i gospodin Suljević koji je rekao da nije bilo sistema da je Vlada dobro radila. Pa kako? Onda je djelovala izvan sistema? Ipak je ona radila u nekom sistemu. Dakle te nelogičnosti ima još koliko hoćete to. I za obrazovanje vidjet ćete koji su problemi. Evo dva Ministarstva su. Odvaja se Ministarstvo i koliko je Anis Krivić, svojom energijom, ministar obrazovanja doprinio da se otvore neki procesi u pandemijskom vremenu. Hvala vam.

Predsjedavajući:

Hvala kolega Mariću. Druga diskusija zastupnica Bibija Kerla.

Poslanik/zastupnik Bibija Kerla:

(zastupnica se ne čuje)

Predsjedavajući:

Zastupnice Kerla ne čujemo vas. Imate tehničke nedostatke molim vas pokušajte mikrofona popraviti.

Poslanik/zastupnik Bibija Kerla:

Jel se čujemo sada. OK. Teško se oteti utisku da i nova a i stara većina jedva čekaju da se prekinu diskusije i da se konačno imenuje nova Vlada Kantona Sarajevo. Međutim vi i dalje diskutujete. Drago mi je da nije bilo previše onako kako smo navikli zajedljivih ispravki krivih navoda i spornih replika. Nemojmo dozvoliti da novi ministri steknu utisak da su pogriješili što su se prihvatili ove dužnosti u novom sastavu Vlade. Radi toga da ne bi ispalo da se mi priklanjamo novoj Vladi Klub DF će biti suzdržan prilikom glasanja ali kao što sam rekla u prvoj diskusiji, pratit ćemo rad Vlade, dobre stvari hvaliti i podržavati, loše kritikovati i obarati. Da li je ekspertna ili stranačka Vlada, u ovom momentu je najmanje bitno, najbitnije da ovim promjenama građani Kantona Sarajevo osjete bilo kakvu korist. Ne smijemo zaboraviti da se nalazimo u jeku pandemije COVID-19. Mnogo ljudi je ostalo bez posla,

kupovna moć naših sugrađana na tom nivou, da je veresija glavni način opstanka. Budimo ono za šta su nas i građani birali. Budimo zastupnici koji će pomoći Vladi da prevaziđe najteže trenutke u zadnjih 25 godina. Što se mene tiče a sigurno i mojih kolega iz DF mi stojimo na raspolaganju za svaku pomoć ako smatrate da možemo pomoći a da je to u interesu građana Kantona Sarajevo. Znam da nismo u prilici da odlučujemo ali se nadam da će naše inicijative biti podržane isto isto onako kao što ćemo im podržati sve što dolazi od drugih zastupnika a što je u skladu sa zakonom i interesu naših sugrađana. Novim ministrima jedna poruka: počnite sa radom i radite kao da će vaš mandata trajati do isteka našeg mandata. Vaša briga su građani Kantona Sarajevo a briga politika koje su vas postavile da vam obezbijede sve uslove za nesmetan rad. Mariju Nenadiću i njegovoj Vladi hvala. A Edinu Forti i njegovoj Vladi sretno.

Predsjedavajući:

Hvala kolegice Kerla. Zastupnik Suljević je povukao svoj zahtjev. I imamo prijavljenog za drugu diskusiju zastupnika Mahira Devića. Izvolite.

Poslanik/zastupnik Mahir Dević:

Čujemo li se predsjedavajući? Zahvaljujem. Evo na kraju da rezimiramo otprilike da su evo na neki način kolega Konaković, kolega Jakubović, priznali odnosno odustali da se ovdje ne radi o ekspertskoj Vladi već da se radi o klasičnoj stranačkoj Vladi koja podrazumijeva određenu vrstu uhljebljavanja kandidata na prethodnim izborima, prije svega kandidata za načelnike općina ispred NiP, i drugih stranačkih funkcionera kroz druge stranke, što je na neki način i potpuno normalno samo da to bude kristalno jasno da se ne radi ni o kakvoj ekspertskoj Vladi koju smo najavljivali u prethodna tri mjeseca. Mi ispred Kluba SDA se nećemo izvinjavati ministrima zato što su prihvatili da budu ministri. Niti ćemo ih pohvaliti zato što su oni uopće prihvatili da budu ministri. Ako su kao takvi ušli u ovu Vladu Kantona Sarajevo onda nisu trebali ni ulaziti u ovu Vladu Kantona Sarajevo. Ukoliko su ušli da nešto učine, urade, da predlože neka dobra rješenja, naravno mi kao klub ćemo dati uvijek podršku dobrim rješenjima. Bit ćemo vrlo žestoka opozicija, svim onim stvarima koje ne budu bile dobre. Ali nikako se ne slažemo s konceptom da evo mi smo danas došli u neku priliku da se mi njima zahvaljujemo, da im se izvinjavamo zato što ih na neki način imenujemo za ministre u Vladi Kantona Sarajevo. Naravno mi ne možemo podržati sastav ovakve Vlade jer to uopće nije ono što je najavljivano, ali nas to ne sprečava naravno da zaželimo puno zdravlja prije svega svima, uspjeha i sreće u narednom periodu. Ono što bi bude bilo OK, što bude bilo dobro mi ćemo to podržati, ono što ne bude to ćemo naravno žestoko kritizirati u narednom periodu. Zahvaljujem predsjedavajući.

Predsjedavajući:

Hvala kolega Deviću. S obzirom da nema više prijavljenih za raspravu molim zastupnike da pristupe. S obzirom da nisam zaključio raspravu kolega Zahiragiću dat ću vam mogućnost da se obratite evo i drugi put.

Poslanik/zastupnik Haris Zahiragić:

Hvala predsjedavajući. Nisam ni sumnjao da ćete mi dozvoliti da se obratim i drugi put. Dakle sve vrijeme od moje prve diskusije, pa i od mojih pitanja, zaista sam čekao u nadi da ću dobiti odgovore za pitanja vezano za sve one sumnjive nabavke u Ministarstvu saobraćaja koje sam spominjao. Niko se na njih nije ni referisao. Vezano za odnose ministra unutrašnjih poslova sa VSTV niko se na to nije referisao. Nisu naveli odgovore koje ministar Šteta na kojem Univerzitetu završio. Nisam dobio pitanje da li je gospodin Enver dobio ugovor na neodređeno u VIK-u, iako je imenovan za direktora, to je protivno Zakonu. Vjerujem da ta vaša šutnja samo potvrđuje moje sumnje. Međutim ono što me posebno zaista iznenadilo, čak sam ga

jednom prozvao, ne zlonamjerno, vrlo dobronamjerno rekao da vjerujem da će on se javiti, jeste moj kolega Konaković koji je nekada bi puno glasniji kada se govorili o korupciji u bilo kojoj stranici. Pazite, ne želim uopšte da to stranački označavam. Mislio sam da ću naći partnera i u njemu i u nekim drugim kolegama da napravimo jednu vanstranačku koaliciju protiv korupcije ma odakle ona dolazila. Ne znam koji je razlog njegove šutnje, vjerovatno politički interesi koalicionih partnera. Međutim, obećavam vam da te teme neće biti zabravljene. Na njima ću insistirati i na Skupština Kantona Sarajevo i javno dok ne dobijem adekvatne odgovore na ta pitanja. Podsjetiti ću građane koji nisu gledali od početka to su bila pitanja vezano za nabavku trolejbusa rashodavanih po 1000% većoj cijeni nego one po kojoj su uvezani. Neka firma iz Tuzle vrlo sumnjiv posao, smeće od trolejbusa koje se nikada nije provozalo. Plaćanje nevidljivih zatvorenih stajališta i sistema naplate građani Kantona Sarajevo ništa od toga nisu vidjeli a već je 4, 6 miliona avansno uplaćeno u zadnjim danima mandata ministra Štete i Vlade ranije gospodina Forte. Vidjeli su građani samo na Otoci one drvene bajte, neku opasnu skalameriju koja ugrožava saobraćaj i pješaka i vozača. Na žalost niko od kolega iz Skupštine nije dao doprinos toj diskusiji, niko ne želi da se ta tema otvori što je posebno razočaravajuće ukoliko to dolazi od kolega Konakovića. Jer zaista sam vjerovao da će naći te kapacitete u sebi. Dalje, ono što su pokušavali spinovati da smo mi protiv bilo koga. Ja i zaista poznajem neke ministre, i sasvim je prirodno, ponovo ću ponoviti da ne ostane da je gospodin Avdić ministar sporta i kulture, i takav ministar jeste adekvatno obrazovan. Ministar za boračka pitanja i to bi se moglo. Hajde da se ne vraćamo na stare teme. Nemojte nas pokušavati uopšte zavaditi sa strukom, sa ljudima iz.

Predsjedavajući:

Kolega Zahiragiću vrijeme.

Poslanik/zastupnik Haris Zahiragić:

Zahvaljujem gospodine Okeriću. Evo samo da završim rečenicu. Nemojte pokušavati zavaditi Klub SDA sa časnim ljudima koji svoj hljeb krvavo zarađuju u obrazovanju kao nastavnici, profesori tjelesnog odgoja, nemojte pokušavati danas zavadite s vrhunskim sportistima. Mi samo ne želimo, a ja sam govorio u ime građana Kantona koji su zaista isfrustrirani zbog činjenice da kao eksperti ne mogu dobiti priliku radi drugih koji se predstavljaju kao univerzalni eksperti. Sigurno bit će puno ovakvih diskusija u budućnosti. Mi nećemo podržati Vladu Edina Forte.

Predsjedavajući .

Vrijeme kolega Zahiragiću.

Poslanik/zastupnik Zahiragić Haris:

Hvala predsjedavajući Okeriću.

Predsjedavajući:

Hvala kolega Zahiragiću. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU VLADE KANTONA SARAJEVO U CJELINI, U SKLADU SA ČLANOM 205. STAV 1. POSLOVNIKA SKUPŠTINE KANTONA SARAJEVO.

ZA JE GLASALO 23 ZASTUPNIKA, PROTIV 6 I SUZDRŽANO 6.

KONSTATUJEM DA JE DONIJELA ODLUKU O POTVRĐIVANJU VLADE KANTONA SARAJEVO U SASTAVU KOJI JE I PREDLOŽEN.

Kolega Konaković izvolite imate riječ.

Poslanik/zastupnik Elmedin Konaković:

Predsjedavajući čujemo li se? Samo zbog protokola sam se javio da vidim hoću da tražim pauzu nakon što Vlada položi zakletvu ili prije što Vlada. Kako je planirani protokol radi određenih konsultacija a prije nastavka ove druge tačke hoću da tražim pauzu o kojoj bi da se izjasni Skupština koja je duža od pola sata. Pa mi samo recite je li to sada ili kada Vlada položi zakletvu.

Predsjedavajući:

Planirali smo nakon svečane izjave. A možemo sada glasati za ovu pauzu prije polaganja svečane izjave.

Poslanik/zastupnik Elmedin Konaković:

Ko može da glasamo pa da nakon pauze onda pozavršavamo neke procedure.

Predsjedavajući:

Samo nam još kažite koje vrijeme pauza.

Poslanik/zastupnik Elmedin Konaković,

Pa evo 60 minuta. Mislio sam 75 ali neko mi je od srca rekao „nemoj živ bio”, pa evo 15 ću skratiti na 60. I to je nama pauza za ručak mi nismo ništa jeli ako neko drugi jeste.

Predsjedavajući:

evo pauza na prijedlog zastupnika Konakovića 60 minuta. Molim zastupnice i zastupnike da se izjasne.

Evo nakon glasanja molim članove Vlade, uvažene ministrice i ministre, da pristupe davanju svečane izjave u sali Vlade Kantona Sarajevo. Nakon svečane izjave stupit će pauza koju smo evo izglasali. 21 ZA, protiv niko i suzdržano 1. Hvala.

(predsjedavajući je čitao tekst svečane zakletve a ministri ponavljali za njim)

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Čestitam vam.

NASTAVAK NAKON PAUZE

Predsjedavajući:

Meni je zadovoljstvo da u svoje ime, u ime zamjenika i svih uposlenika u Skupštini Kantona Sarajevo čestitam Vladi Kantona i zaželim uspjeh u budućem radu. Vjerujem zaista da će Vlada Kantona zajedno sa zastupnicima u Skupštini ostvariti uspješnu saradnju na zadovoljstvo svih nas, ali prije svega na zadovoljstvo građana Kantona Sarajevo. Dozvolite mi da iskoristim priliku da prethodnom sazivu Vlade i njihovim ministrima u svoje lično ime, u ime zamjenika, i svih zastupnika zahvalim na njihovom radu i zaželim svako dobro i sreću u budućem angažmanu.

I prelazimo na tačku dva dnevnog reda.

AD – 2.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnica Bibija Kerla prva prijavljena. Izvolite, imate riječ.

Poslanik/zastupnik Bibija Kerla:

Evo i ja koristim priliku da novoj Vladi čestitam izbor za sljedećih dvije godine dana a ja za danas imam jedno pitanje koje postavljam premijeru. U članu 212. Poslovnika o radu Skupštine se kaže „na svakoj redovnoj sjednici izdvojiti će se sat vremena, tzv. „Vladin sat” za zastupnička pitanja na početku sjednice kojem obavezno prisustvuju premijer i članovi Vlade. Jedan zastupnik može na jednoj redovnoj sjednici postaviti najviše 2 zastupnička pitanja”: mi smo do sada sto puta prekršili ovaj član Poslovnika jer pojedini zastupnici postavljaju i po deset pitanja. Skupštinske službe su zatrpane našim pitanjima i što je najgore svoje radno vrijeme svoje radno vrijeme umjesto da troše na aktuelnu situaciju resornim ministarstvima oni moraju da odgovaraju na mnogobrojna bespotrebna pitanja. Utrkujemo se ko će postaviti više pitanja a time kršimo pravilnik, službama stvaramo glavobolju, a novinarima dajemo lažnu sliku o aktivnostima nas zastupnika. Gubimo vrijeme, trošimo sate na pitanja i odgovore, pa pitam premijera ima li kakvo adekvatno rješenje za ove probleme. Hvala.

Predsjedavajući:

Zahvaljujem kolegice Kerla. Sljedeća zastupnica Amra Hasagić, izvolite imate riječ.

Poslanik/zastupnik Amra Hasagić:

Zahvaljujem predsjedavajući. Upućujem inicijativu Ministarstvu za odgoj i obrazovanje da izvrši rekonstrukciju i uređenje dvorišta vrtića „Mak” u ulici Maka Dizdara. Cijeneći vaše vrijeme detaljno obrazloženje ću dostaviti sekretaru Skupštine.

Prije nego završim novoizabranoj Vladi na čelu sa premijerom gospodinom Fortom želim uspješan rad. Hvala vam puno.

Predsjedavajući:

Hvala kolegice Hasagić. Sljedeći zastupnik inicijativa Vedran Jakupović. Imate riječ.

Poslanik/zastupnik Vedran Jakupović:

Hvala predsjedavajući što ste mi omogućili da govorim. I ja bih čestitao Vladi i poželio uspješan rad. Imam jedno pitanje i ijednu inicijativu. Ostale ću inicijative podnijeti u pisanoj formi.

Podnosim inicijativa Skupštini, Vladi, Ministarstvu zdravstva Kantona Sarajevo za Pomoć Domu zdravlja Bihać u obnovi odjeljenja oštećenih u zemljotresu. Tražim da Vlada utvrdi novčani iznos kojim Kanton Sarajevo može pomoći Domu zdravlja Bihać i hitno informisati Skupštinu da bismo ovu aktivnost realizovali što brže. Neću davati sada inicijativu na izjašnjavanje kolegama zastupnicima obzirom da zahtjeva finansijski izdatak, tako da nakon što dobijem informaciju od Vlade nadam se da ćemo je vrlo brzo i realizovati ovu inicijativu.

U obrazloženju: U zemljotresu koji je sa epicentrom u Petrinji 29.12. pogodio dio Hrvatske i Bosne i Hercegovine velika oštećenja uz statičku nesigurnost pojavila su se na zgradi DZ Bihać, posebno na odjelu primarne medicine i stomatologije. Kanton Sarajevo treba pokazat solidarnost i pomoći građanima Grada Bihaća u što bržem osposobljavanju objekta i omogućavanju liječenja u DZ Bihać.

Pitanje koje bih postavio je upućeno Ministarstvu obrazovanja. Evo sada imamo podijeljeno pa ćemo vidjeti ko će odgovoriti. Odnosi se na visoko obrazovanje. Kolegica Vildana Bešlija je tokom ljeta podnijela inicijativu, odnosno tražila Kolegija Skupštine da dobijemo na prvoj sljedećoj sjednici Nacrt Zakona o visokom obrazovanju. To je trebalo biti nekada u septembru. Evo ušli smo u januar nemamo i nismo tokom jeseni dobili nikakvu ni informaciju, ni prijedlog u ovom slučaju Nacrt Zakona o visokom obrazovanju. Hvala.

Predsjedavajući:

Hvala zastupniku Jakupoviću. Sljedeći se javio za riječ zastupnik Elmedin Konaković. Izvolite.

Poslanik/zastupnik Elmedin Konaković:

Hvala predsjedavajući. Imam dvije inicijative. Prva je upućena Vladi Kantona Sarajevo, preciznije Ministarstvu zdravstva Kantona Sarajevo i Ministarstvu za rad, socijalnu politiku i raseljena lica i Zavodu zdravstvenog osiguranja. Pokrećem inicijativu da se osigura zdravstveno osiguranje svim povratnicima koji se odjave sa područja Kantona Sarajevo i prijave adresu na području manjeg BiH entiteta Republika Srpska.

Obrazloženje: Veliki broj povratnika u manji BiH entitet formalno je prijavljen na području Kantona Sarajevo, a živi u RS-u. Procjena je da čak neće ni biti uvećanja troškova zdravstvene zaštite jer se sredstva za ovu populaciju već izdvajaju. A i ako bude mislim da će to biti dobra investicija, to je višegodišnji problem zbog kojeg ljudi žive u manjem bh entitetu a formalno se vode prijavljeni u Kantonu Sarajevo. Što je jedan od razloga manjeg povrataka u manji bh entitet.

Druga inicijativa Ministarstvu također za rad socijalnu politiku i raseljena lica i izbjeglice, Službi za zapošljavanje. Pokrećem inicijativu da se nastavi projekat zapošljavanja članova porodica šehida i palih boraca.

Obrazloženje i: Projekat zapošljavanja pripadnika ove populacije započeli smo 2018-e godine. Iz nama nepoznatih razloga projekat je zaustavljen. Molim vas da nas izvijestite o efektima implementacije u proteklom periodu, te da projekat nastavite. Hvala predsjedavajući.

Predsjedavajući:

Hvala kolega Konaković. Zastupnica Neira Dizdarević. Izvolite imate riječ.

Poslanik/zastupnik Neira Dizdarević:

Hvala predsjedavajući. Ja također za danas imam više zastupničkih pitanja i inicijativa a delegirat ću ovim putem jednu. Pokrećem inicijativu prema Vladi Kantona Sarajevo da održi odnosno da pripremi tematsku sjednicu na temu Ekonomskog aspekta krize izazvane pandemijom korona virusa. Ministarstvo privrede da pripremi materijale za istu, konsultujući sve zainteresovane strane sa analizom posljedica i prijedlogom mjera za oporavak privrede u Kantonu Sarajevo. Kriza izazvana pandemijom korona virusa ostavila je posljedice na sve sfere našeg života, uključujući i ekonomsku. S obzirom da ćemo, sa završetkom 2020. godine, imati potpunije podatke o razmjerama krize i ekonomskim parametrima, te da su ceste najave da će godina pred nama biti puna izazova, smatram da će održavanje tematske sjednice Skupštine Kantona Sarajevo biti od izuzetne koristi. U pripremi sjednice svoj doprinos mogu dati eksperti iz oblasti ekonomije, privrednici, sindikat, predstavnici obrtničke i privredne komore, udruženja poslodavaca, freelancera i ostale zainteresovane strane. Također, nova Vlada je u svom ekspozeu najavila formiranje tzv Ekonomskog Kriznog štaba, sto ukazuje na odlučnost da se u narednom periodu intenzivnije bavimo ekonomskim aspektom krize. Ostalo ću dostaviti putem e-maila službama. Hvala toliko.

Predsjedavajući:

Hvala zastupnici Dizdarević. Sljedeća prijavljena je zastupnica Bešlija. Izvolite imate riječ.

Poslanik/zastupnik Vildana Bešlija:

Oprostite nismo čuli ko je sada na redu.

Predsjedavajući:

Vi ste sada na redu zastupnice Bešlija, izvolite. Imate riječ.

Poslanik/zastupnik Vildana Bešlija:

Hvala predsjedavajući. S obzirom da smo na početku 2021 godine ja pokrećem inicijativu shodno svemu onome što smo danas čuli i dobrim namjerama i premijera Edina Forte a to je inicijativa za ukidanje parafiskalnih nameta pri osnivanju privrednih društava i obrta u Kantonu Sarajevo. Naime, naplata različitih parafiskalnih nameta u KS povećava troškove registracije privrednih društava za 265 KM i obrta za 161 KM. Ovi parafiskalni nameti uključuju razne takse i naknada svim nivoima vlasti, poput uvjerenja o nepostojanju duga po osnovu javnih prihoda, rješenja o upisu osnivanja privrednog društva, taksi za registraciju obrta, uvjerenja o nekažnjavanju, uvjerenje o nezaposlenosti, dostavljanje upisanih podataka radi objavljivanja u Službenom glasniku BiH i Službenim novinama KS i raznih taksi za upis u PDV sistem. S obzirom da navedenu dokumentaciju izdaju organi javne uprave, čiji se budžeti finansiraju iz različitih prikupljenih poreza, ove takse treba ukinuti u cilju smanjenja direktnih troškova i vremena potrebnog za završavanje procesa registracije privrednih društava i obrta.

Ako bi se prihvatio „Tax-free“ princip za registraciju privrednih društava i obrta u KS, ukinule bi se sve naknade za osnivanje privrednih društava i obrta u nadležnosti Kantona Sarajevo i općina, dok bi se takse i naknade drugih viših nivoa vlasti refundirale iz budžeta KS. S obzirom da se iz Budžeta Kantona Sarajevo svake godine izdvajaju značajna finansijska sredstva kao poticaji privredi, jedan od poticaja može biti zamjena direktnih poticaja indirektnim kroz smanjivanje troškova osnivanja privrednog društva i obrta. Generalni zaključak jeste da bi uvođenje principa „Tax-free“ registracije privrednih društava i obrta donijelo višestruke pozitivne efekte kroz poboljšanje poslovnog ambijenta i povećanje naplate javnih prihoda. U sklopu inicijative prilažem i analizu baziranu na osnivanju hiljadu preduzeća i obrta a detaljnu analizu parafiskalnih nameta povezanih sa registracijom i poslovanjem privrednih društava o obrta u Kantonu Sarajevo, kao i procjenu fiskalnih efekata treba da pripremi Ministarstvo privrede Kantona Sarajevo u saradnji sa Ministarstvom finansija. Na osnovu očekivanja da se privredni oporavak može ostvariti tek u 2022 godini predložena mjera za „Tax-free“ registraciju preduzeća i obrta mora se primjenjivati minimalno do kraja 2022 godine. Primjena u dužem periodu bi obezbijedila značajnu poboljšanje uslova za započinjanje biznis ai za dinamičniji razvoj privrede u Kantonu Sarajevo.

Također ću pročitati još jednu kratku inicijativu koju upućujem Ministarstvu kulture i sporta Kanton Sarajevo i JU Biblioteka Sarajevo a to je da se osobama koji nemaju stalno ili privremeno boravište na području Kantona Sarajevo omogući pravo članstva u JU Biblioteka Sarajevo.

OBRAZLOŽENJE bi bilo sljedeće:

Pravila o članstvu JU Biblioteke Sarajevo kažu da korisnik može postati svaki građanin Kantona Sarajevo, odnosno Bosne i Hercegovine koji ima stalno ili privremeno boravište na području Kantona Sarajevo. Ovu odredbu smatram ograničavajućom jer je Kanton Sarajevo obrazovni centar Bosne i Hercegovine u kojem se nalazi nekoliko visokoškolskih ustanova, na kojima se školuju i studenti iz ostatka Bosne i Hercegovine. Mnogi od njih nemaju prijavljeno stalno ili privremeno boravište u Kantonu Sarajevo.

Zbog svega navedenog smatram da je, uz predodčen dokaz o školovanju ili radnom odnosu u Kantonu Sarajevo, potrebno omogućiti članstvo u JU Biblioteka Sarajevo i osobama koje nemaju prebivalište ili boravište u Kantonu Sarajevo.

Ostale inicijative i pitanja ću dostaviti u pisanoj formi.

Predsjedavajući:

Hvala kolegici Vildani Bešlija. Sljedeći zastupnik Damir Nikšić.

Poslanik/zastupnik Damir Nikšić:

Jel se čujemo? Pa vako, ja imam jedan zaključak, dva pitanja i jednu inicijativu. Počeo bih sa zaključkom.

Na osnovu člana 117. i 120. Poslovnika Skupštine Kantona Sarajevo predlažem da Skupština donese sljedeće:

ZAKLJUČKE

1. Obavezuje se Ured za borbu protiv korupcije i upravljanje kvalitetom Kantona Sarajevo da Skupštini Kantona Sarajevo dostavi informaciju o zabilježenim djelima korupcije u sektoru izdavanja građevinskih dozvola i neplanske gradnje.
2. Obavezuje se Vlada Kantona Sarajevo, Ured za borbu protiv korupcije i upravljanje kvalitetom Kantona Sarajevo, kao i sve općine na području Kantona Sarajevo da poduzmu sve aktivnosti na rješavanju problema korupcije u sektoru izdavanja građevinskih dozvola i neplanske gradnje.
3. Obavezuju se Vlada Kantona Sarajevo, Ured za borbu protiv korupcije i upravljanje kvalitetom Kantona Sarajevo, kao i sve općine na području Kantona Sarajevo da o poduzetim aktivnostima obavještavaju Skupštinu Kantona Sarajevo mjesečno.
4. Obavezuje se Vlada Kantona Sarajevo, Ured za borbu protiv korupcije i upravljanje kvalitetom Kantona Sarajevo da Skupštini Kantona Sarajevo dostavi moguće smjernice djelovanja iz svoje nadležnosti u borbi protiv korupcije u sektoru izdavanja građevinskih dozvola i neplanske gradnje.

Molim zastupnike Skupštine Kantona Sarajevo da se izjasne o ovim zaključcima.

Druga je zastupnička inicijativa. Podnosim inicijativu Ministarstvu komunalne privrede, prostornog uređenja, građenja i zaštite okoliša i svim općinama na području KS da se posebnim propisom izvrši kategorizacija parkovskih i drugih zelenih javnih površina kojima će se omogućiti pristup psima i suprotno, te propisa kojim se utvrđuju prekršajne kazne za nepoštivanje istog, kao i propisi ukoliko vlasnik životinje ne očisti javnu površinu koju je onečistila njegova životinja.

I imam dva pitanja:

1. Kada će KJKP "Rad" ponovo početi redovno prati ulice i da li je istina to što neki bivši dugogodišnji radnici KJKP "Rad" tvrde, a to je da ovo preduzeće kreira sopstvene politike i odlučuje koje ulice će prati, a koje ne, i to, navodno, na bazi plaćanja i dugova koji uključuju i navodne dugove samog Kantona prema ovom preduzeću. Nejasna mi je ova situacija, pa bih volio znati ko tačno, imenom i prezimenom, odbija prati određene ulice, navodno zato što Kanton duguje novac tom preduzeću, i kakve tačno veze s tim imaju građani koji stanuju u tim ulicama?
2. Da li je tačno da već godinu dana većina parkomata ne radi, tj. da su tek nepun mjesec dana bili u funkciji prije nego što su se počeli kvariti od kada su naručeni?

Hvala, to je sve.

Predsjedavajući:

Hvala kolega Nikšiću. Zastupnik Zvonko Marić, izvolite.

Poslanik/zastupnik Zvonko Marić:

Zahvaljujem predsjedavajući. Pa jedno vrlo praktično pitanje odnosno inicijativu. Mislim da je vrijeme da se učini, upućena prema Kriznom štabu ili stožeru Kantona Sarajevo, Naredba o nošenju maski u zatvorenom prostoru, jer to stvara veliki problem. Nije produžena dakle ta odluka. I njeno važenje i u nezgodnoj situaciji su pripadnici MUP-a Kantona Sarajevo iz prostor razloga što ne znaju šta da rade nemaju pokriće u odluci da provode taj Zakon, a

moram kazati da se može urušiti upravo iz tih razloga sve ono do sada postignuto zahvaljujući nošenju maski. Druga stvar, ukoliko, a Federalni krizni stožer ili štab je to već učinio, ukoliko smatra Krizni štab ili stožer Kantona Sarajevo da ne treba produžavati tu odluku, neka preuzme odgovornost za eventualne posljedice zbog nenošenja maski. Potrebno je donijeti od 01. 01. do 31.01.2021.godine. Dakle u tom periodu ili da se kaže da se neće produžavati i olakšati pripadnicima MUP-a da rade svoj dio posla. Dakle to je inicijativa. I oni su mogli i bez odluke Vlade da to urade jer su Krizni stožer i u toj su funkciji. Čudi me da to nisu uradili, i ne znam da li će moći ovih sedam, osam dana retroaktivno pokriti, pod znacima navoda odlukom koju će eventualno donijeti. Hvala vam.

Predsjedavajući.

Hvala kolega Mariću. Sljedeći prijavljeni za pitanja ili inicijativu zastupnik Mahir Dević, izvolite.

Poslanik/zastupnik Mahir Dević.

Čujemo li se predsjedavajući? Zahvaljujem ja imam jedno pitanje delegirano od strane uposlenika PU Ilijaš i građana Općine Ilijaš. Naime, postoji ozbiljne indicije da je vrlo planski i sistemski po nalogima iz MUP-a Kantona Sarajevo 15 dana pred izbore na području Općine Ilijaš protekle općinske izbore, došlo da ne kažem jednog pritiska u smislu prema uposlenicima MUP-a Kantona Sarajevo, odnosno policajcima koji rade u Ilijašu da masovno kažnjavaju građane općine Ilijaš zbog nenošenja maski. Prema nezvaničnim informacijama koje mi imamo, koje nisu zvanične, zato ja hoću da zatražim te zvanične informacije, broj kažnjenih građana Općine Ilijaš 15 dana do izbora je bio drastično veći nego po drugim općinama u Kantonu Sarajevo, ukoliko se uzme kao parametar broj stanovnika i broj kažnjenih građana za nenošenje maski. Čak je to išlo do te mjere naravno opet prema nezvaničnim informacijama da su telefonskim pozivima iz MUP-a Kantona Sarajevo bili uposlenici pozivani, da im je naređivano da sjedu u policijska kola, da šefovi smjena i ostali dužnosnici obilaze područje Općine Ilijaš i da bukvalno kažnjavaju svakog građanina koji nema masku. Prema tome, tražim kao šef Kluba SDA u Skupštini Kantona Sarajevo sljedeće informacije:

- da mi se dostavi uza svih devet opština u Kantonu Sarajevo u periodu od 01. do 15. novembra broj napisanih kazni za maske, a za općinu Ilijaš od 15 do 19 za vrijeme kada je stranka NIP organizirala proteste ispred Općine Ilijaš nelegalne, nenajavljene, proteste u kojim su kršene sve epidemiološke mjere. Za ta četiri dana da mi dostave podatak koliko je napisano kazni onim koji su bili ispred općine. I pored toga koliko je prekršajnih naloga izdato i podneseno krivičnih prijava prema organizatorima takvih protesta. Znači tražim, to ću ja vama dostaviti u pismenoj formi, tražim odgovor od MUP-a Kantona Sarajevo od komesara ili već ko je nadležan da da takvu vrstu odgovora jer ovo su ozbiljne indicije koje s terena od građana dolaze, samih policajaca koji rade u PU Ilijaš da je došlo do određene vrste zloupotrebe policijskih službenika u predizborne svrhe. Te podatke naravno da mi se dostave čim prije. Zahvaljujem predsjedavajući.

Predsjedavajući:

Hvala. Sljedeći prijavljeni zastupnik Haris Zahiragić.

Poslanik/zastupnik Haris Zahiragić:

Poštovanje, čujemo li se? Imam dva pitanja i ijednu inicijativu. Prvo pitanje je za Ured za borbu protiv korupcije. U kojoj je fazi prijava koruptivne aktivnosti vezanih za pripremu i provođenja javnih nabavki dijelova rezervna vozila MAN u KP Rad? Naime, stigla mi je prijava uposlenika, samo sekundu molim vas. Stigla mi je prijava uposlenika anonimna u

kojoj su mi naveli da su oni prijavili to Uredu za borbu protiv korupcije, međutim istraživajući i tražeći nisam mogao naći podatak kako je ishodovala ta sporna javna nabavka. Podsjetit ću vas da se radi o nabavci dijelova MAN, medijski su natpisi o tome bili. Određene indicije da su određene osobe koje su povezane opet sa određenim političkim skupinama dobili neki posao. Uglavnom želim da mi Ured za borbu protiv korupcije odgovori u kojoj je fazi ta prija koja je njima podnijeta. Drugo pitanje koje bih želio postaviti jeste vrlo značajno pitanje, da me pogrešno niko ne shvati prema Ministarstvu za obrazovanje, nauku i mlade, potpisalo memorandum sa Asocijacijom XY. Jednom nevladinom organizacijom koja već duži vremenski period djeluje na području Kantona Sarajevo. Taj sporazum je naziv inovativnog programa je „Zdravo odrastanje”. Tako su ga nazvali. I gdje su kako navode u izvještaju sa tog sastanka potpisali memorandum o saradnji koji predstavlja obavezu i spremnost navedenih institucija dakle Djece Sarajeva obdaništa, Ministarstvo obrazovanja i Asocijacije XY o dugoročnoj i kvalitetnoj implementaciji programa zdravo odrastanje. Tu je utvrđeno određeni pravilnik, priručnik koji je također prezentovan na tom sastanku. Osim pravilnika je vrtićka kutija neka utvrđena itd. Ovo je pitanje za Ministarstvo obrazovanja i tražim da mi se u potpunosti dostavi taj program, pravilnik, sadržaj te kutije, da vidimo na koji način mi kao zastupnici, to nam je obaveza, nevladine organizacije ulaze u vrlo osjetljiv prostor predškolskog obrazovanja i najmlađih djece u obdaništima. Posebna tema jeste, a to ću predložiti u nekoj formi Zakona, stalno i neprestano često vjerovatno dobro i pozitivno, međutim nedovoljno transparentno učešće nevladinih organizacija u osnovnim i srednjim i predškolskim ustanovama. U tom smislu želim da vam nakon ovog odgovora formiram inicijativu kojom ćemo takve stvari na jedan sistemski način riješiti da ne bi svako ko dođe do određene škole mogao uticati na program obrazovanja naših najmlađih, djece koji su budućnost ove države.

I imam jednu zastupničku inicijativu. Ja sam kao zastupnik pisao Kriznom štabu u komunikaciji s predsjedavajućim također on je meni kazao da se i on slaže, čak je na Kolegiju neki stav bio da se traži mišljenje Kriznog štaba Ministarstva zdravstva Kantona Sarajevo a u vezi održavanja sjednica Skupštine Kantona Sarajevo uživo. Dakle Federalni krizno štab, Federalnog Ministarstva zdravstva je donio naredbu kojom je ostavio kantonalnim kriznim štabovima, tj Ministarstva zdravstva..

Predsjedavajući.
Vrijeme.

Poslanik/zastupnik Haris Zahiragić:

Mogućnost da organizuju autonomno naredbe i kada su u pitanju rad zakonodavnih organa. U tom smislu, tražim od kolega i tražim izjašnjenje u formi zaključka, poslat ću sada inicijativu, donijet ću je sekretaru, tačan tekst inicijative, da Skupština Kantona Sarajevo podrži zaključak kojim će insistirati od Kriznog štaba Ministarstva zdravstva koji kao jedan štab iz izvršne vlasti nema pravo blokirati rad

Predsjedavajući:
Kolega Zahiragiću, vrijeme. Isteklo već davno.

Poslanik/zastupnik Haris Zahiragić:

Ništa, eto u tom smislu želim da vas pozovem sve kolege zastupnike da podrže tu inicijativu jer kada policajci, doktori, medicinske sestre, obrazovni radnici, ljudi u realnom sektoru koji rade po 12 sati u koroni mogu raditi, možemo se i mi sastati uz poštivanje svih mjera. S obzirom da se i Predstavnicima dom Parlamenta FBiH i Dom naroda sastaju također u Sarajevu. Hvala vam predsjedavajući izvinjavam se na višku koje sam oduzeo vremena.

Predsjedavajući:
Zastupnica Jasna Duraković.

Poslanik/zastupnik Jasna Duraković:

Jel me čujete predsjedavajući? Zahvaljujem. Evo bit ću vrlo kratka obzirom da smo ograničeni vremenom. Imam zaista nekolicinu resora pitanja koja u prethodnom periodu na žalost nisam dobila odgovor na njih, ali evo cijeneći činjenicu da su danas tek imenovani novi ministri i ministrice u Vladi Kantona Sarajevo poslat ću ova pitanja u pismenoj formi i očekivati neki odgovor u narednim danima, tj evo mjesec dana najviše. Ako ne budete spremni da mi date usmeni odgovor ministrici za visoko obrazovanje nauku i mlade u Kantonu Sarajevo evo možete naravno dostaviti u pismenoj formi. Ali isto pitanje koje je postavio i kolega Jakupović kada možemo očekivati da ćemo konačno imati spušten nacrt Zakona o visokom obrazovanju u Kantonu Sarajevo. To je nešto o čemu govorimo evo prethodnu godinu dana i zaista evo apelujem da se Ministarstvo u narednom periodu pozabavi s tim pitanjem. Između ostalog mislim da je ovo jedno od ključnih pitanja i željno to očekujemo, dakle kada možemo imati konačno taj nacrt da se o njemu može raspravljati. Tako da evo ponavljam još jednom ako niste spremni odgovoriti sada usmeno, cijenila bih ako možete dostaviti pismeni odgovor u nekom kratkom periodu.

Predsjedavajući:
Zahvaljujem se kolegici Duraković. Zastupnik Elvis Vreto je sljedeći, izvolite imate riječ.

Poslanik/zastupnik Elvis Vreto:

Hvala predsjedavajući. Koristim priliku da pozdravim sve prisutne, kao i građane koji nas prate. Želim da čestitam prije svega novoizabranoj Vladi i želim im puno uspjeha u budućem radu. Naravno zajedničkom. Ono što želim da danas imam dvije inicijative. Jedna se odnosi da Vlada Kantona Sarajevo shodno svojoj upravnoj inspekciji koju posjeduje, mislim prije svega na Ministarstvo finansija, izvrši kontrolu rada lokalnih samouprava i njihov način obračuna plaća i naknada u budžeti u prethodnom periodu, kako bi se ustanovio koje to opštine prave ogroman nesrazmjer i krše federalne propise i zakone po pitanju načina obračuna osnovice za isplatu plaća uposlenicima. Shodno ovome druga inicijativa se isto tako odnosi da se po hitnom postupku ono što je predviđeno i planom i programom mjera koje je definisala nova skupštinska većina da se rade izmjene i dopune Zakona o plaćama u Kantonu Sarajevo. Ja podnosim inicijativu da se to uradi, taj Zakon donese po hitnom postupku, upravo iz ovog razloga zato što imamo ovih devet opština u Kantonu Sarajevo, neke poštuju propise, neke ne i da se iste obuhvate ovim zakonom, kako bi imali jedan ravnopravan odnos, jer su pojedine lokalne zajednice izašle iz svih okvira i kontrole po pitanju načina na koji obračunavaj primanja uposlenika. Mislim da je to pitanje koje treba riješiti prije svega zbog toga što nas čeka i Zakon o lokalnoj samoupravi koji je u fazi donošenja. Naravno prije toga trebamo promijeniti Ustav Kantona, neke nadležnosti će se spuštati na lokalni nivo i to može izazvati mnogo problema po pitanju finansijskom smislu. Mislim da je to neophodno učiniti, ovaj Zakon donijeti upravo prije Zakona o lokalnoj samoupravi kako bi lakše i prohodnije mogle se provesti reforme koje nas čekaju odnosno nova zakonska rješenja. Eto toliko predsjedavajući. Hvala.

Predsjedavajući:
hvala zastupniče Vreto. Sljedeći zastupnik Igor Stojanović, izvolite imate riječ.

Poslanik/zastupnik Igor Stojanović:

Hvala predsjedavajući. Imam jedno pitanje. Na osnovu inicijative Udruženja dijabetičara djece i omladine Kantona Sarajevo postavljam pitanje Ministarstvu zdravstva, zašto se ne

provodi Uredba donesena 25.06.2018. koja je jednoglasno usvojena na sjednici Skupštine Kantona Sarajevo i odnosi se na sljedeće:

1. Da se lijek Glukagon osigura svim pacijentima inzulo-ovisnicima, za sve koje je utvrđena medicinska indikacija za upotrebu lijeka, a isti je obezbijeđen kroz bolničku esencijalnu listu, osigura kroz poseban program/protokol na teret sredstava obaveznog osiguranja, a preko ZZO Kantona Sarajevo.
2. Da se kroz izmjene i dopune Budžeta Kantona Sarajevo obezbijedi 300.000 KM za nabavku inzulinskih pumpi za novootkrivene slučajeve inzulin-ovisnike i zamjenske pumpe do utroška navedenih sredstava za registrirane inzulin-ovisnike u tada 2018 godini, interventno. A od 2019 i narednih godina se sredstva osiguravaju iz obaveznog zdravstvenog osiguranja, odnosno da ih ZZO Kantona Sarajevo finansira u kontinuitetu u skladu sa Uredbom.
3. Nabavka senzora, odnosno aparata za kontinuirano mjerenje šećera u krvi će se vršiti na teret sredstava obaveznog osiguranja u skladu sa Uredbom o funkcionalnim sredstvima s tim što se navedeni aparati registriraju u Agenciji za lijekove i medicinska sredstva BiH.
4. Da se aparati i 10 trakica godišnje za mjerenje ketona u krvi obezbijede za svakog inzulo-ovisnika do 26 godina na teret ZZO Kantona Sarajevo.

Dakle mi pored usvajanja ove Uredbe i dalje isplaćujemo sredstva po Uredbi iz 2007 godine. Ja ću dostaviti ovo pitanje uz mnogo šire obrazloženje Ministarstvu zdravstva i očekujem da ovaj problem riješimo u što skorije vrijeme. Hvala.

Predsjedavajući.

Hvala kolega Stojanović. Zastupnik Damir Marjanović izvolite, imate riječ.

Poslanik/zastupnik Damir Marjanović:

Zahvaljujem predsjedavajući. Iskoristit ću ovu priliku prije svega da se zahvalim svim kolegama koji su u proteklih par dana osobno, brzo i efikasno reagirali vezano za žrtve potresa u Hrvatskoj i koji su svojim osobnim primjerom stvarno uradili sve što su mogli uraditi i moram priznat da javnost i treba da zna da u relativnom kratkom roku skoro svi zastupnici su izrazili sve ono što se trebalo izraziti a s druge strane su i ponudili maksimalnu osobnu pomoć. S tim u vezi ide ova inicijativa, vjerujem i siguran sam da je već Skupština Kantona Sarajevo uputila zvanično pismo i R Hrvatskoj i Sisačko- Maslovačkoj županiji, a znam da je bila ideja od bivšeg premijera, ne znam da li su uspjeli da realiziraju, ali mislim da nikada nije kasno da ipak Sarajevo i Kanton Sarajevo onoliko koliko može pruži potporu tim ljudima, jer kako kažu ljudi, uvijek treba pomoći čovjeku u nevolji a posebno ako ti je on prvi susjed. Tako da neka to bude moja inicijativa ja ću poslati ovu inicijativu pismeno i ja ću obrazložiti sve ono što treba da obrazložim. Hvala.

Predsjedavajući:

zahvaljujem kolega Marjanoviću. Evo imam i ja jednu inicijativu koja se odnosi na Ministarstvo unutrašnjih poslova Kantona Sarajevo.

25. jula 2019. godine u Službenim novinama Kantona Sarajevo broj 30 objavljen je ZAKON o izmjenama i dopunama zakona o nabavljanju, držanju i nošnju oružja i municije, Članom 3. ovog Zakona, a mijenja se Član 8. Zakona o nabavljanju, držanju i nošenju oružja i municije u Članu 8, u stavu (1) tačka b) mijenja se i glasi: "b) oružni list za držanje i nošenje oružja (u daljem tekstu: oružni list. Ova tačka je promijenjena jer su građani Kantona Sarajevo na teritoriji Republike Srpska doživljavali neugodnosti iako su imali uredne oružne listove za vatreno oružje, na kojim je pisalo oružni list. ZAKON o izmjenama i dopunama Zakona o

nabavljanju, držanju i nošenju oružja i municije ovaj problem je otklonjen i trebao je da se počne primjenjivati kako je propisano Članom 28. (Stupanje na snagu). Ovaj zakon stupa na snagu osmog dana od dana objavljivanja u "Službenim novinama Kantona Sarajevo. Do današnjeg dana MUP Kantona Sarajevo nije počeo sa izdavanjem propisanih oružnih listova. Ovim putem tražim od Ministra unutrašnjih poslova Kantona Sarajevo i Komesara Uprave policije Kantona Sarajevo da što prije otklone ove nedostatke.

Po inicijativi zastupnika Damira Nikšića potrebno je da se Skupština Kantona Sarajevo izjasni.

1. Obavezuje se Ured za borbu protiv korupcije i upravljanje kvalitetom Kantona Sarajevo da Skupštini Kantona Sarajevo dostavi informaciju o zabilježenim djelima korupcije u sektoru izdavanja građevinskih dozvola i neplanske gradnje.
2. Obavezuje se Vlada Kantona Sarajevo, Ured za borbu protiv korupcije i upravljanje kvalitetom Kantona Sarajevo, kao i sve općine na području Kantona Sarajevo da poduzmu sve aktivnosti na rješavanju problema korupcije u sektoru izdavanja građevinskih dozvola i neplanske gradnje.
3. Obavezuju se Vlada Kantona Sarajevo, Ured za borbu protiv korupcije i upravljanje kvalitetom Kantona Sarajevo, kao i sve općine na području Kantona Sarajevo da o poduzetim aktivnostima obavještavaju Skupštinu Kantona Sarajevo mjesečno.
4. Obavezuje se Vlada Kantona Sarajevo, Ured za borbu protiv korupcije i upravljanje kvalitetom Kantona Sarajevo da Skupštini Kantona Sarajevo dostavi moguće smjernice djelovanja iz svoje nadležnosti u borbi protiv korupcije u sektoru izdavanja građevinskih dozvola i neplanske gradnje.

Molim zastupnike da se izjasne po ovoj inicijativi. Zaključujem glasanje. 25 ZA, protiv ništa, suzdržanih ništa.

Konstatujem da je usvojena inicijativa zastupnika Damira Nikšića.

Prije nego što pročitam i stavim na eventualno glasanje zastupničku inicijativu zastupnika Zahiragića, koja glasi:

Zahtjeva od Kriznog štaba dozvolu da se sjednice Skupštine Kantona Sarajevo od prve naredne održavaju uživo uz poštivanje svih epidemioloških mjera. Želim da upoznam i kolegu Zahiragića i ostale zastupnice i zastupnike u Skupštini Kantona Sarajevo da sam se kao predsjedavajući Skupštine, a i kolega Haris Zahiragić obratili Ministarstvu zdravstva Kantona Sarajevo i Kriznom štabu Ministarstvu zdravstva Kantona Sarajevo aktom kojim smo tražili mišljenje ili preporuku u vezi uvjeta pod kojim se mogu održavati sjednice Skupštine Kantona Sarajevo, nakon čega smo dobili odgovor, između ostalog slijedi: „kako je prilikom organizacije sjednice Skupštine Kantona Sarajevo neophodno okupljanje znatno većeg broja od 30 osoba u zatvorenom prostoru. Preporuka je da se do daljnjeg sjednice Skupštine Kantona Sarajevo održavaju online. Kolega Zahiragiću da li ostajete pri svojoj inicijativi iako smo dobili mišljenje od Ministarstva Kantona Sarajevo i Kriznog štaba Ministarstva zdravstva Kantona Sarajevo da još uvijek se ne ispunjavaju uslovi da se održavaju sjednice u sali. Imate riječ možete se obratiti.

Poslanik/zastupnik Haris Zahiragić:

Poštovani predsjedavajući vidio sam taj odgovor. Kazao sam Parlamentu FBiH koji se također nalazi u Kantonu Sarajevo, Dom naroda, mnoge druge aktivnosti, pa svakodnevni život se odvija na način da je više od 30 ljudi u nekom zatvorenom prostoru. Dakle Skupština bi mogla raditi sa 35 ljudi, kantonalni krizni štab Ministarstva zdravstva ima pravo da donese

takvu odluku. I mislim da krizni štab ma kojem Ministarstva nema nadležnost da suspenduje demokratiju na ovaj način. Mi smo dovoljno sposobni, nadam se, organizovati Skupštinu na način da razdvojimo, da napravimo sve epidemiološke zdravstvene mjere u tom smislu, mislim da bi inicijativa od strane Skupštine kao najvećeg zakonodavnog organa u Kantonu Sarajevo ipak imala veću snagu nego mene kao zastupnika jednog. Zbog toga zato što su negativno na moju inicijativu odgovorili i upit. Ja predlažem kolegama da svi zajedno izglasamo. Tj da pokažemo volju da dok policajci, zdravstveni radnici, ljudi u obrazovanju.

Predsjedavajući:

Zastupnice samo kažite da li ostajete pri svojoj inicijativi.

Poslanik/zastupnik Haris Zahiragić:

samo sekundu, evo odgovaram vam. Dok ljudi na kasama rade za 500 KM, 600 KM rade po 12 sati, mislim da je nemoralno iz topline svojih domova određene kolege se nisu javile niti jednom već treću Skupštinu, glasaju samo na viberu, ne zarađuju svoju platu, i mislim da mi moramo biti dovoljno hrabri da u vrijeme pandemija se sastanemo i diskutujemo na pravi način, a ne način da pojedini zastupnici se nisu javili već tri Skupštine. I nek njima to ide na savjest i na dušu. Kanton je u velikim problemima, ozbiljne su teme ispred nas, budžet, privreda porušena, zdravstveni sistem ugrožen i mislim da bi samo na živim sjednicama mogli to sve riješiti. U tom smislu ostajem pri inicijativi. Pozivam kolege da shvate značaj ove inicijative i da podrže.

Predsjedavajući:

Imamo prijavljenu zastupnicu dr. Amru Junuzović Kaljić, pretpostavljam da je po ovoj temi.

Poslanik/zastupnik Amra Junuzović Kaljić:

Da li se čujemo predsjedavajući, je li sve u redu? Dakle srdačan pozdrav svim kolegama i kolegicama i čestitke novoproglašenoj Vladi želeći im uspješan rad. Inicijativu koju je uvaženi zastupnik Zahiragić podnio i dobio odgovor u skladu sa preporukama struke, želim reći sljedeće, obzirom da sam i član Kriznog štaba Kantonalnog ministarstva u tehničkom mandatu, reći ćemo tako, ta je inicijativa vrlo ozbiljno razmatrana i u njoj su obuhvaćene sve da kažem karakteristike koje su potrebne, svi eventualni rizikofaktori koji su prisutni u načinu na koji živimo. U situaciji u kojoj se evo nastava, studenti, odvija online, u situaciji u kojoj svakodnevno ima novozaraženih, u situaciji u kojoj se i dalje sa COVID-om ne znajući kada će ponovno skočiti broj novozaraženih, ne treba dovoditi ništa u rizik. Ovo je odgovor struke, struke na način kako su to epidemiolozi koji ovakvu situaciju procjenjuju, kako epidemiolozi vide tu situaciju, jer nikada se u momentu, ako mi imamo u jednom momentu u Kantonu Sarajevo dvocifren broj novozaraženih, on sutra može biti trocifren i dovesti do novih problema. Dakle, to je preporuka struke. I u tom kontekstu mi kao evo i zvanični, izabrani zvaničnici od strane naroda, treba da budemo primjer što se tiče ponašanja, što se tiče i poštovanja mjera. I u skladu s onim kako je federalni Krizni štab/stožer donio tu odluku koja je produžen 31.12. također nekako podsjećajući praktički nas sve koji evo u ovoj instituciji radimo najbolje što možemo, doprinoseći bolje načinu života našeg stanovništva, država i svi njene institucije su obavezne da štite zdravlje stanovništva. To je najvažniji resurs koji mi imamo. I u tom kontekstu je i ova preporuka od strane Kriznog štaba. Hvala lijepa.

Predsjedavajući:

Zahvaljujem se uvaženoj zastupnici. Molim sekretara da pripremi anketu i da se zastupnici i zastupnice izjasne o inicijativi zastupnika Harisa Zahiragića. Zaključujem glasanje. Za je glasalo 8, protiv 8, suzdržanih 8. konstatujem da nije usvojena ova inicijativa.

Uvažena zastupnica Jasna Duraković se prijavila evo dajem vam riječ, izvolite.

Poslanik/zastupnik Jasna Duraković.

Zahvaljujem predsjedavajući, dakle samo kratko osvrt na ovu inicijativu predloženu od strane kolege Zahiragića. Dakle ja apsolutno podržavam ono što je ovdje sporno jeste da li smo dobili zapravo mišljenje od službi da li mi uopće imamo uslove da održavamo sjednice uživo kako je naslovljeno. Službe nam moraju odgovoriti na to mi apsolutno u ovom trenutku mislimo u ovom trenutku, i to je jedini problem, da bi smo mogli zadovoljiti ove mjere ko je su propisane, mislim da prostorija ili sala u kojoj se održavaju sjednice nije dovoljno velika. Dakle evo samo da to razjasnimo pa da možda tražimo dodatno mišljenje kako bi se možda mogli u narednom periodu ponovo izjašnjavati o sličnoj inicijativi. Eto toliko. Hvala.

Predsjedavajući:

zahvaljujem se kolegici Duraković.

Obzirom da smo iscrpili sve tačke današnje sjednice zaključujem rad na 32. Radnoj sjednici i zahvaljujem se uvaženim kolegicama i kolegama.